




LE
TRAICT
DE
VIE
AINE





Chiffre a cession de M. Jerome Pichon

111 B

19

LE POVRTRAICT DE LA VIE HVMAINE, OV NAIFVEMENT EST DE-

PEINCTE LA CORRVPTION,

la misere, & le bien souuerain de l'hom-

me, en trois Centuries de Sonnets,

dediez au Reuerendissime

Euesque d'Autun.

*Avec les antiquitez de plusieurs Citez memorables, nom-
mément d'Autun iadis la plus superbe des Gaules,*

*Exemple euident de l'ineuitable mutation des
choses. Au Seigneur de Cheuenon.*

PAR
FRANCOIS PERRIN AVTVNOIS.



A P A R I S,

Chez Guillaume Chaudiere, rue S. Iacques, à l'en-
seigne du temps, & de l'homme sauuage.

1574.
AVEC PRIVILEGE DV ROY.




LE PORTRAIT DE LA VIE HUMAINE OV NAISSANCE PRINCE LA CORRUPTION MURTE & DECEUILLON DE L'HOMME THE EN THREE CENTURIES OF SONNETS dedicé au Prince de Condé EXTRAICT DV PRIVILEGE

D V R O Y.

PAR grace & priuilege du Roy, il est permis à Guillaume Chaudiere Marchant Libraire en l'Vniuersité de Paris, imprimer ou faire imprimer, vne ou plusieurs fois, vn liure intitulé, *Le pourtrait de la vie humaine, mis en trois Centuries de Sonets, Par François Perrin Autunois,* Et fait ledit Seigneur defence à tous autres de nostre Royaume, de quelque qualité qu'ils soient d'imprimer ou faire imprimer, vendre ny distribuer en ses pais, terres & seigneuries ledit liure, sans congé & consentement dudit Chaudiere, iusques au temps & terme de neuf ans entiers & consecutifs, apres la premiere impression qui sera faicte dudit liure, sur les peines contenues es lettres patentes dudit Seigneur. Et voulons qu'au vidimus d'icelles fait sous seel Royal foy soit adioustée comme à l'original. Cy donné à Paris le trentiesme d'Octobre mil cinq cens soixante & treize, & de nostre regne le treziefme. Par le Conseil. Et seelé en cire iaune.

Signé

POMBLIES.



A P A R I S

Chez Guillaume Chaudiere, rue St. Jacques, à l'en-
signe du temps & de l'homme lançant.

AVEC PRIVILEGE DV ROY.





DISCOVERS
A REVERENDISSIME
ET ILLUSTRE PRELAT,
Charles Ailleboust, Euesque
d'Autun.

Par François Perrin Autunois.

POUR neant auroit bien de ma natiuité
Veu le premier soleil, cette antique cité
De qui (ainsi qu'on dict) la superbe closture,
Fut encernée d'or comme d'une ceincture:

Et qui s'oposant braue, à l'Italique mars
Osa bien resister à l'orgueil des Cefars.
Pour neant auroit bien en ce lieu, ma paulpiere
Descouuert les rayons de ma tendre lumiere:
Pour neant ie seroy' (prelat) vostre subiect,
Si voyant maintenant, pour exemple & obiect,
Le vieil peuple Autunois qui presque vous adore,
Mon pinceau ne tiroit quelque traict, & encore
Si ne sçauoit ma plume ores se remuer,
Pour, tranchant l'air espais, vous aller saluer.

Quand les parthes conueç en l'horreur de S. itie,
Iadus faisoient la court au Roy de leur patrie,
Chacun d'eux respandoit à ses pieds, en pur don,
Ce qu'il tenoit plus cher, laissé en son bandon:
Mais de moy salueur la pauvre main est vuide

DISCOVERS.

Du tresor Arabic, des gros lingots de Mide,
Des rubis d'Orient & de l'or Lydien,
Ce neantmoins (Prelat) i'aporté tout le bien
Que l'ingrate fortune, au muable visage,
M'a laissé retirer de reste du naufrage.

Ce seul bien que ie dy (non commun) sont des vers,
Qui sont en vostre nom au beau iour descouuers:
Et qu'aussi ie vous offre en la maniere mesme,
Que triton fit sa motte à l'Argonante Eupheme.
Et bien qu'ils ne soient pas ny bouffis ny frize^z,
Si ne seront ils point (ce croy-ie) mesprise^z
Par vous, qui du petit le peu receue^z, comme
Le present opulent d'un riche Gentilhomme.

Ainsi te vient à gré, ô pere Nysean,
Le thyrsé pampineux vne seule fois l'an.
Ainsi toy, qui iauuis le crein des plaines grandes,
Vne riche moisson pour toy tu ne demandes.
Ainsi vous receue^z cet œuvre mal ourdy,
Qui sous vostre faueur va galopant hardy
Presque par tous les coins de la France fertile,
Et qui sans vous aussi croupiroit inutile,
Branchant à chaque pas, tout couhard & retif,
Ou naissant periroit comme un fruiet abortif.

Vous y verre^z Prelat, comme la douce Muse,
Qui me tient aprentif, à quelque heure m'amuse
A piquer visuellement le vice desreiglé,
Qui traîne pas à pas le pauvre homme aueuglé
En malheurs infini^z, que mesme elle deplore:
Après, changeant de ton, ore elle rit, & ore
Elle dict des mortel^z mille perfections,
Accordant sa musique avec ses passions,
Et par diuers moyens subtile, elle s'efforce

DISCOURS.

Qui voudra sucer le miel deffoubz l'escorce)
De mettre à descouuert & monstrier tout à plain,
En quoy git le malheur & le bon-heur humain.

Receuez mon pinceau & moy que ie vous liure,
Mes rymes & ma plume, & mon Luth & mon liure,
Là où vous pourrez bien (ie le dy sans mentir)
Employer quelque temps sans vous en repentir.

S'il aduient quelquefois que ma Muse enaygrisse
ses accords animez, c'est quand contre le vice,
Le vice monstrueux, elle darde ses traicts,
Non contre les humains de Dieu les vifs pourtraicts.
O bien-heureux humains, si vous scauiez congnoistre
Pourquoy le Dieu viuant icy vous a fait naistre!
Heureux si vous scauiez la vertu tant priser,
Qu'elle vous fist l'orgueil du vice mespriser!

Iusques à quand mortelz, faudra il que lon voye
Le peché s'enrichir veincueur, de vostre proye,
Vous garoster les bras & de vous triompher,
Et dresser son trophée au milieu de l'enfer?
Faut-il qu'ainsi ses mains dans vostre sang il mouille,
Et que son pié ferré vos membres escarbouille?
Vous ne sentez (malheur!) les coups sur vostre dos!
Vous ne voyez comment il excite vn Chaos
Entre les cieux & vous, à fin que ne descendent
Les presents iusqu'à vous, que beneins ils vous tendent!
Non, non: ne pensez pas, le pere tout puissant
Se pouuoir accorder au peché meurdrissant.
Ne pensez point souffrir le vice auoir l'empire,
Que le ciel de-sus vous ne decoche son Ire.

Quoy? à admirer vous point des signes la terreur,
Qui vont prognostiquant la celeste fureur?
Voir la fleur du printemps en son étuy gelée,

DISCOURS.

Les effrics peste mesle, & la neige meslée,
 Voir du champ malheureux le labourage gras,
 Ou lon deuoit getter la faucille à plein bras,
 perdu & fouldroyé par vn subit orage,
 Voir l'Automne suiui d'un semblable dommage,
 Voir les saisons de l'an n'estre comme il les fault,
 Voir l'huiuer morfondu, persé d'un rayon chaud,
 Qui s'en vient au milieu de l'esté prendre place,
 Et sous le chien ardent faire vn paué de glace,
 Voir tous les elements entre eux se discorder,
 Les vents s'entrechoquants, les fleuues desborder,
 Voir les flancs de la terre ou Dieu nous laisse viure,
 Qu'un deluge obstiné de telle sorte enyure,
 Que les semences sont bien prestes d'abimer
 Que la mere nature y voulut enfermer,
 Voir famine qui sort du plus profond d'Auerne,
 Tirant mille serpents de sa noire cauerne,
 Voir les varques qui vont avecques leurs tranchans
 Renuerser mille corps & mille par les champs,
 Voir Enion donner le signe à la bataille,
 Qui en mille morceaux le corps des hommes taille,
 Bref voir à tous les coins l'idole de la mort
 Nous chasser vers charon, qui atend sur le port,
 Tout cela n'est-ce point la vengeance diuine
 Sur le vice aueuglé, qui contre elle s'ostine,
 Et de sanglante main va semant sa poison,
 Pour souiller du soleil l'une & l'autre maison?
 Souuent de ce malheur (si l'homme eust esté sage)
 Les arbres foudroyez ont esté le presage,
 Et les lances de feu qui se dardoyent la nuit,
 Et au temps plus serein d'un tonnerre le bruit.
 Souuent tu l'as chanté, malheureuse corneille,

DISCOVRS.

(Si bien il m'en souuient) iusques dans mon oreille.
 La comette aux grands crins, les grand's flammes en l'air
 Tant de nuicts qui nous font les heracles hurler,
 Tant de Phantaumes vains, tant de nueues ombres,
 Tant de cris vagabonds par les carrefours sombres,
 Tant d'enfans auorteZ & monstres contrefaits,
 Qui hideux, en dépit de nature sont faicts,
 Nous monstrent que les cieux veulent de nostre vice,
 Par mille afflictions, corriger la malice.
 En-ce- pendant mortel, tu feins d'estre endormy,
 Te courbant sous le ioug d'un si traistre ennemy!

Comme le chien atteint de bouillonnante rage
 Fera bien tost mouuoir le peuple d'un vilage,
 Quand l'un l'aperceuant prent son baston ferré,
 L'autre son vouge, & l'autre un cailloux deterré,
 L'un luy court au deuant avec vne grand' gaule,
 L'autre avec un ciZeau pour luy percer l'espaule
 L'attend en un destroit, l'autre luy fiche au flanc
 Le fer de son épieu, tout rouge de son sang,
 Et iamais de fraper ces vilageois ne cessent
 Iusques à tant que mort tout roide ils le cognoissent:

Ainsi fault-il courir sur ce vice enragé
 Et que chacun mortel d'un bras encouragé
 Soustienne le combat, & luy face la guerre,
 Tant qu'on le voye mort estendu contre terre.

Mais pour cét œuure saint, Pasteur, ie n'ay besoin
 De vous aller chercher des arguments si loin:
 Car comme les rayons d'une belle planette
 Reblanchissent la nuit, bien qu'elle soit brunette,
 Ou comme un clair flambeau sur le Phare planté,
 Donne adresse à celuy qui erre espouuanté,
 Sur les flots mutineZ ou les dogues de Scylle,

DISCOVRS.

Aboyent les rochers des gouffres de Sicile.
 Et voit ia le sourcil de Carybde orgueilleux,
 Tout ainsi faictes vous en ce temps nubileux:
 Et depitez aussi du vice l'entreprise,
 Comme vn roc endurcy les grands vagues deprise
 Ou la tour les ruisseaux qui furetent ses os,
 Et les vents fremissants qui luy batent le dos.

C'est pourquoy Dieu vo^r faict de ce tropeau le maistre
 Qu'au milieu du vieil parc Autunois il veut paistre:
 Ce Dieu qui les enfers faict trembler de sa voix,
 Et faict entendre au fond des abimes ses loix,
 Ou les gouffres enfle^z sous ses clef^z il reserre,
 Pour nous donner vn lieu habitable sur terre:
 Et dedans l'air flotant balance ce fardeau,
 Que luy-mesme a planté au beau milieu de l'eau.

Admirable est, de vray, l'ordonnance du monde,
 Ou le soleil d'en hault chacun iour faict la ronde,
 Admirable est encor la musique des cieux,
 Des planettes le bal dans leurs tours spatieux,
 Et cette grande escharpe admirable, qui forte
 D'artifice diuin dou^z le grand's sales porte,
 Mais admirable est plus Dieu, qui du firmament
 Tempere tout cela d'un clein d'œil seulement.
 Dieu (dy-ie) qui puissant dōne aux rois & aux princes
 Les sceptres triumphans, par toutes les Prouinces:
 Et qui met^t des pasteurs sur les parcs à son gré,
 Comme mesme il vous a sur le vostre sacré.

Après le mars ciuil, finablement Auguste
 Desmembra la discorde avec vn bras robuste,
 Donnant pour les debats repos perpetuel:
 Ainsi lon voit desia vostre spirituel
 Prendre nouvelle face, & l'erreur qui s'enuole

DISCOURS.

Par vostre saint labeur, comme vne vaine idole.

Ce grand monceau confus qui le monde couua,
Pour enfanter sa charge en la fin se creua,
Laschant hors de ses flancs du monde le mesnage,
Qui tout soudain reprit vn tout nouveau visage:
Ainsi (Et Dieu le veut) vous ne faites refus,
De mettre vn ordre saint en ce qui fut confus.

Comme vn sage pilote assis dedans sa poupe,
Voit sa prouë aux sillons des ondes qu'elle coupe,
Fuit l'areneuse Syrte, Et au dur fortunal
Resiste prudemment, tenant le gouuernal,
Ainsi auez vous soin que la nef de saint Pierre,
A l'abandon des flots aux écueils des bans n'erre:
Car Dieu vous a mis là pour combler voꝝ honneurs,
Et vous y establit l'un des saints gouuerneurs.

Comme en pirouëtant vient la brillante foudre
Le sourcil orgueilleux d'un rocher mettre en poudre,
Il vous faut équacher l'erreur ambitieux,
Et aller rechercher dans son estomac, ceux
Qui vont ioncher là-bas la grande sale noire
(Miserable destin!) par trop folement croire,
Non autrement qu'Hercule aux enfers deuala,
Où le noir corps-de-garde au grand ventre il pillä.

Contre l'erreur ne vaut le fin acier qui sonne,
Ny le tonnerre ardent qu'aux gros bronze on entonne
Mais la sainte parole, armée de la foy,
Foulera sous ses pieds cette heretique lay,
Quand d'un bras indomté elle viendra combattre,
Et puissance ecraser la teste opiniastre.

Parmy les prez sacrez vous cueillerez les fleurs,
Peintes diuinement de diuerses couleurs,
Et laisserez à part la fleur empoisonnee

DISCOVRS

*A la trope qui est en son vice obstinee,
Mais la sainte sera pour les petits tropeaux,
Que vous abreuverez dans les sacrez ruisseaux.*

*Comme dedans ses flancs tire la flaque éponge,
Par cent mille pertuis l'eau dans quoy lors la plonge,
Ainsi pour enseigner le simple & l'ignorant,
Plongez vous, mon prelat, dans le divin torrent,
Et enjurez bien fort vostre sainte poitrine,
Afin que ce Nectar de la pure doctrine
Vous répandiez par tous les endroits des saints parcs,
Où vous verrez iouer voſ aignelets épars.*

*Chassez loin l'ennieux, le pipeur & l'affable,
Et celui qui ne sert qu'à plaisanter à table:
Attirez les lettres par honneste moyen,
S'ils sont necessiteux, faites leur quelque bien:
Choisissez des docteurs aux langues non muettes,
Qui soyent des hauts secrets & de Dieu interprètes:
Ce faisant vous verrez meints esprits languissans,
Qui dans l'Orque infernal trebuchoient perissans,
Comme le vieil serpent prendre nouvelle écorce:
Et detestans l'erreur & sa mortelle amorce,
Quiter le magasin des prescheurs pistoliers
Pour courir apres vous à troupes & milliers.*

*Mais quoy? veuſ-ſe porter des vaisseaux à Corinte?
Le hibou dans les murs de la guerriere sainte?
Les parfums en Sabee, ou en sparte les loix?
Les poissons en la mer, ou les feuilles au bois?
Veux-ſe (quand ces raisons aupres de vous ſe chante.
Prouoquer en plain champ à la course Atalante?*

*Ces humbles vers qui vont droit à vous ſe vouer,
Voudroient bien vostre honneur plus amplement louer,
Mais bien que vostre nom voltige par l'Europe,*

DISCOURS.

Bien que soyeZ aimé de la neuuaine trope,
 Bien que vostre feu pere ayt donné à son Roy
 La longue experience & preuue de sa foy,
 Bien que laborieux en tutelle ayez prise,
 Par tant d'ans écoulez, la Galicane Eglise,
 Bien que le voile noir du songe obliuieux
 Ne vous puisse couurir sous son charme ennuieux,
 Bien que ne puisse encor dérober l'ignorance
 Le renom que vous doit la genereuse France,
 Si ie chante cela (mon reueré pasteur)
 Les mastins aboyans m'apeleront flatteur:
 Mastins qui sur un œuf trouuent tousiours à tondre,
 Plus prompts pour arguer, que doctes pour respondre,
 Et qui font plus de cas (tant les charme l'abus)
 Du chalumeau bouquin, que du luth de Phebus.

Si diray- ie pourtant, que l'outrageuse parque,
 Le nom de mon Prelat n'enuoira dans la barque
 Du fleuue Lethean: car comme va planant
 Vers la voute du ciel, en l'air se soustenant
 L'oiseau de Iupiter qui depite la foudre,
 Laisant tous les chetifs se trainer en la poudre,
 Ainsi mon Ailleboust guindé sur la vertu,
 Monte par le sentier qui est le moins batu,
 Et laisse derrier soy la populaire tourbe,
 Qui vers le centre creux vergongneuse se courbe,
 Estonnee de voir sa sacree grandeur
 Voler contre le ciel d'une telle roideur.

Allez mes petits vers & mes seules delices,
 Et de sa dignité honoréZ les prouinces:
 SoyeZ pronostiqueurs de ses felicitéz,
 Si, pour ce quelque cas vers luy vous meritez,
 Ie res sentiray l'heur, peut estre, de l'angure,

DISCOURS.

Qui plus assurement dict la chose future
Que la sœur de Paris ne fit, quand d'Iliou
Elle chanta les feux, ny l'Æbantide Idmon,
Ny l'oracle grondant de la vielle prestresse,
Ny de tous les deuins la bande pipereffe.

Allez mon cher Soucy, allez petit sonnet
Saluer mon Prelat dedans son cabinet:
Sans murmurer pourtant au-pres de son oreille,
Quand d'un graine soucy aux affaires il veille:
Mais s'il est de loisir, vous luy direz alors:
Ceci sont de Perrin les plus rares tresors,
Tres-reueré Prelat, qui honteux ne demande
Comme ses importuns, vne cheuance grande,
Car bien luy ont appris un an & deux fois trois
Qui l'ont tenu beant au sejour de noz Rois,
Que les meilleurs esprits de pauvreté frissonnent.
Et nuds comme coquins en attendant grisonnent:
Cela le faict craintif, de peu se contenter,
Sus les rouetz trompeurs de fortune tenter,
Puisque si lentement les doctes ils auancent,
Qui aux plains Thespiens de bien loin le deuancent.

Si toutesfois par vous (mes vers) j'ay quelque bien,
J'importuneray tant le saint chœur Teien,
Que la Muse aux yeux bruns, qui ma tristesse flate,
Ne permettra tomber (du bien receu ingrate)
L'honneur de mon Prelat dans l'urne de Minos,
Ny au tombeau reclus où dormiront ses os:
Ains elle tranchera l'enslure de la nuë,
Pour le faire voler par la sente inconnuë,
Iusque au riche palais, où de manne & de miel
Se paissent bien-heureux, les citoyens du ciel.

A MAISTRE FRAN- çois Perrin Autunois

O D E
DE IEAN DES CAVRES NATIF
de Morœul pres Amiens.

P VCELLES Castaliennes
Qui gardez les bors herbus
Des ondes Pegasiennes,
Où se vient mirer Phebus.
Vn iour, vous me fistes prendre
Le saint Luth, & de voz doigts
Les nerfs vous y vintes tendre

Qui accordoyent à ma voix.

Mesme vostre haleine douce
Mettoit hors le premier chant,
Quand le fredon de mon poulce
Vn Epode aloit touchant.

Si bien Muses, que mon hymne
Par vous estoit trouué bon,
Par vous encor il fut digne
Du Cardinal de Bourbon.

Par vous troupes non pareille,
Ma lyre chanta si bien,
Quelle contenta l'oreille.
Du Cardinal Crequien.

Sus donques sœurs Libetrides,
Meilleure part de mon cœur,
Accordez moy, Pierides,
Encor ce petit labeur.

Donnez moy vn traict encore
Pour mon Perrin maintenant
Qui galope dés l'Aurore
Iusques aux rides du Ponant.

Ia hors de ma fantasie
Estoient presque les douceurs
De la sainte Poësie
Thresor sacré des neuf sœurs.

*Ja ja estoit mon estude
A façonner les esprits,
Perrin, de l'enfance rude
Quand à chanter tu te pris.*

*Mais comme le bouvier pique
Le taureau sur les sillons,
Tes beaux vers, & la musique
Sont mes nouveaux éguillons*

*Tes beaux vers qui ne ressemblent
A ces carmes malheureux,
Qui à leur naissance tremblent,
Et rampent toujours poudreux.*

*Car l'audace de leurs ailes
Les guide dessus le vent,
Vers le séjour des estoiles,
Et encores plus avant.*

*Si quelqu'un veut voir descrire
La vanité des humains
Mieux que ne fit Democrite
L'ont pourtaict icy tes mains.*

*Pour noz miseres aduerses
Heraclite ne scauroit
Tant de pleurs que tu en verses,
Verser, quand or il viuroit.*

*Et si de l'homme il faut dire
En brefle bien souverain,
Qui le fera icy bruire
Mieux que le Luth de Perrin?*

*Vien mortel, vien icy prendre
De ta vie le compas,
Apren à trop haut ne tendre
Et à ne rouler trop bas.*

*Tes vers, Perrin, monstrent comme
Naist nostre corruption,
Et monstrent encor à l'homme
Son ample perfection.*

*Sous vne douce amertume
(Tant liberal t'est le ciel)
Les diuins traicts de ta plume
Cachent la manne & le miel.*

*Ainsi l'herbe ou la racine
Sur tout se doit estimer
Qui cache la medecine
Sous ce qui nous semble amer.*

*Sus hardy, sus Perrin, ose,
Arme toy contre les ans,
Pren le bouclier qui s'oppose
Contant aux foudres du temps.*

*L'encre, la plume & le liure,
Au fer ne cederont pas,
Ains ton nom ils feront viure
Mille ans apres ton trespas,*

Qui nucleum esse vult, frangit nucem

Sur l'Anagramme de maistre Jean des Caurres
Principal du College d'Amiens,
Sonnet dudit Perrin.



*ES arcs courbez où l'ouvrage reluit
Vermeille Aurore, alors que tu defermes
L'huis du matin, & l'orgueil de ces thermes,
Sont le butin de l'age qui les suit.*

*L'or & l'argent qui pipeurs ont le bruit,
Viendront au point qui limite leurs termes,
Et s'il se trouue encor choses plus fermes,
Elles verront l'obliuieuse nuit.*

*Bref, rien ne dure en ce grand vniuers
Que la doctrine, & l'histoire Et les vers,
Et de vertu la belle experience:*


*Pource peut bien des Caurres se vanter
(Tant ie le voy diuinement chanter)
Que pour iamaïs durera sa science.*

*I E A N des Caurres
sa science durera.*

O. D. E.
NICOLAS MOUVOT NIVER-

nois, à François Perrin Autunois.

SONNET.



Nedit du faulcheur & de la vicil-
le lyce
Compagne de vertu, qui ronge
l'enuieux,
Ton liure durera, qui certes me
plait mieux

Que les feux d'Ilion, & les erreurs d'Vlisse.

Ne crain point (mon Perrin) que ton œu-
re perisse,

Qui beaucoup plus à plain que n'ont fait les
plus vieux

Découvre le sentier qui nous fait voir les cieux
Et nous dresse aux vertus ennemies du vice.

Le mirouer cristalin nous mōstre les beaux
traicts,

Et les plus viciez, rous ensemble pourtraicts,

Et ce qui peut souiller ou enrichir la face,

Mais tu nous monstre mieux ou (du moins)
aussi bien,

En ce diuin pourtraict, que le siecle n'efface

Le malheur des humains & leur souuerin bien.



LE POVRTRAICT DE

LA VIE HVM AINE,

PREMIERE SENTVRIE.

Sonnet premier.

E ne veux point chercher vne diuine Idee,
Ny des commencemens du grand tout dis-
puter.

Je ne veux pas aussi derechef susciter
Les Atomes songez dans l'espace vuidee.

Je ne veux point chanter la race outrecuidee
Des Titans outrageux, qui vindrent depiter,
Eschellans les hauts cieux, le pere Iupiter:
Ny comme il reprima leur rage debridee.

Ma plume qui en bas se traine lentement,
N'a garde de choisir vn si braue argument,
Et ne veux mon tableau de si riche peinture.

Si haut ne vont mes vers, qui de foible fureur
Errent éparpillez comme du laboureur
Le grain sur les sillons eschape à l'aduenture.

2

Ie n'escry point le malheureux flambeau
Qui mit vn iour les Pergames en cendres,
Ny le tranchant qui pour ce fit descendre
Les plus vaillans au ventre du tombeau.

Je n'escry point l'autel ou ce bourreau

A

LE POVRTRAICT DE LA

Venoit le sang de son hôte rependre,
 Je ne vien l'arc Alconean retendre,
 Ny de Philis retordre le cordeau.

Je ne vien point fourbir le Cymeterre,
 Meurtrier du Roy, qui en tombant par terre
 Mit tout le peuple Atiq' hors de danger.

Ny retirer du fond de la cauerne,
 L'esprit, qui ia outre l'orme d'Auerne
 Court vagabond par vn monde étranger.

3

Je n'ay encor songé sur la iumelle crope
 Qui de tous les eudroits au ciel dresse son bord,
 Pour en moins d'une nuit aquerir le tresor
 Que liberalement donne la sainte trope.

Mes leures n'ont touché des sœurs la riche cope,
 Vaisseau plus precieux que s'il estoit tout d'or,
 Et ne me suis plongé dans le ruisseau encor,
 Qui dans son beau cristal voit mirer Caliope.

Je n'ay encor erré par les antres sacrez,
 Ou le cœur d'Apollon decouvre ses secretz,
 Et n'ay veu le printemps perpetuel d'Eurate.

Je n'ay onc entendu les accords d'Amphion,
 Et n'ay succé le miel des beaux vers d'Arion,
 Qui pipoit les Daulphins au doux son de sa note.

4

Ny le Chaos apres qu'il fut creué,
 Ni l'ardant feu qui le plus hault s'elene,
 Ni l'air courbé qui desous luy se trouue,
 Ny les grans bains ou Neptune est laué,

Ni le limon qui au fond s'est couué,
 Ni l'animal qui ioue dans le fleuve,
 Ni l'autre encor que la plume soubslene,

Ny le tortu rampant sur le paué,
 Ny le plus gros qui broute ou vit de proye,
 Ni le soupir qui la terre baloye,
 Ni l'œil du ciel qui voit cét uniuers.
 Ni au plus haut les boules argentées,
 Ni la grand voute où elles sont plantées
 Ne te fera sçauoir ce petit vers.

5

Muse (si pres de toy quelque lieu à mon dire)
 Rien t'en mon cher soucy, pour à ce dessein mien
 Donner quelque faueur: ie tiendray le moyen
 Tel que tu le voudras à ma plume prescrire.

Ie ne souilleray point le saint nerf de ta lyre,
 De ce qui diffama le nom Miliesien:
 Mais lasche vn peu la bride au ris Sardonien,
 En riant nous pourrons (muse) verité dire.

Laiſſon le plus secret, & touchon seulement
 Ce que lire peult bien la vierge honnestement,
 Et ce que le soleil du beau Mydy descouure.

Quelqu'un lira nos vers & quelqu'un en rira
 Qui (peult estre) en riant sage, se chastira,
 En ce point il naistra double fruit de nostre œuure.

6

Si à la main l'auengle n'est guidé,
 Et que ses pas il traîne à la trauerſe,
 Dans le fossé traistre il se bouleuerſe
 Que lon auoit tout freschement vuidé.

Quand Phebus chet sous l'Océan ridé,
 Et quand Vesper la nuit sombre nous verse,
 Sans clarté va bien tost à la renuerſe
 Au premier hurt, le fol outrecuidé.

L'homme qui n'a de raison la lumiere,

LE PORTRAIT DE LA

Bronche aussi tost en la plaine carriere,
Et se va perdre en pensant aller bien

En tel erreur ignorance le plonge,
Que pour le vray il choisit la mensonge,
Et que de luy luy-mesme il ne sçait rien

7

CE Dieu qui tend le Ciel ainsi qu'une cortine,
De-sur ce gros amas en rondeur aiancé
Qui de son propre poix en l'air est balancé,
Et sur lequel Néré va ployant son eschine.

Luy (dy-ie) l'air, la terre & l'Océan assigne
Aux animaux, afin qu'en desert delaisé
Ne soit ce bel ouvrage, en ce point auancé,
Et veult que sur cela le seul homme domine.

Le seul homme domine, & tout seul est orné
De science & parole, aiant le chef tourné
Au ciel pour, à toute heure y élancer sa vené.

L'autre trope viuant de ce ne iouit pas,
Qui mutte & recourbée estend le col en-bas,
Et vague à trauers champ de raison deprouené.

8

CEluy qui a sur tout commandement,
Celuy qui est des immortelz la cure,
Celuy qui est seul honneur de nature,
Celuy qui est de terre l'ornement,

Celuy pour qui naist & vin & froment,
Celuy qui donne aux villes leur closture,
Celuy qui met la voile à l'aduenture,
Celuy qui fait pouldre plomb & torment,

Celuy qui murs fosse & rampart dépose,
Celuy qui voit & le Maure & le Scite,
Celuy qui veut Caucaise surmonter,

*Celuy qui fait ce que faisoit Hercule,
Celuy (ô Dieux) n'est-il point ridicule
Quand il ne sçait soy-mesmes se domter?*

9

D'ou vient Dieux immortels (car vostre ciel nous
garde,
Le sçavoir) que tant peu de sages nous voyons,
Quand le nombre petit d'iceux nous mesurons
A la bande des fols? à la troupe bastarde?

*Cette vie vous est, cette vie fuaide,
Comme vn Singe équoué, duquel nous nous iouons
Quand mieux il contrefait tout ce que nous faisons,
Et pour semblables ieux ie croy qu'elle se farde.*

*Pendant elle produit vn sot ambitieux,
Vn auare, vn prodigue & vn audacieux,
Vn querelleux mutin qui les plus grands prouoque.*

*Puis tout cela s'en va (ô Dieux) le plus souuent
Ainsi que la poulsiere emportee du vent,
De quoy chacun de vous dans son siege se moque.*

10

Vien orgueilleux, qui fronces le sourcy
Comme vn taureau qui dans le parc tempeste,
Quand furieux au combat il s'apreste,
Vien escouter ce que ie chante icy.

*Croids tu les Dieux auoir plus de soucy
De toy enflé quand tu dresses ta creste,
Que de celuy, qui miserable queste
Trainant son corps déia demy transy?
N'estes vous point faits de mesme matiere,
Pour estre apres vne mesme poulsiere
Ayants serui à fortune d'estœufs?*

Connois tu point ce grand Dieu qui ordonne

A ij

Au berger simple vne belle couronne,
Et vn grand Roy faict paistre entre les bœufs.

II

PEignes vn Goliath plein de rage écumante
Et vn petit berger, qui le foule à beaux piez:
Le sacrilege bruit de Titans serpen-piez,
Auec l'ire du ciel sur leurs corps éclatante.
Peignes vn Phaeton que la foudre acrauante,
Après qu'il a les cours des fleunes essaié:
Niobé, & les Dieux qui furent deffiez,
Puis cent corps renuerséz qui font l'herbe sanglante.

Peignes vn Salmoné horreur du souuerain,
Tout vif cullebuté deffous vn pont d'airain:
Et la fin du domteur de pegase aux deux ailes.

Vous aurez le pourtraict au vif d'un arrogant,
Qui faict ce que ceux cy faisoient, & quant & quāt
Verrez du vain orgueil les issues mortelles.

12

Comme la fleur son orgueil printanier
Déploys au pré quand le soleil arriue,
Dont le faulcheur incontinent la priue,
Et puis la met toute seiche au grenier.

Comme vn gros flot que lon voit aboyer,
Porté du vent bien arrier de la riue,
Se vient creuer contre la roche viue
Qui luy gardoit son massacre dernier.

Comme de Bise est domtée la rage,
Qui en siflant torneboule vn orage
Par vn petit de pluie seullement:

Ainsi se pert tout d'un coup l'arrogance
De l'orgueilleux, qui ne laisse apparence
Du lieu auquel il fut premierement.

13

Que vous sert cet orgueil: mais que sert cett' audace,
 Vous voulez estre veus plâtez aux premier lieux
 Que chacun vous adore ainsi que peüs Dieux,
 Que de vous vn grand cas le menu peuple face!

O diuin iugement que d'vne populace
 Qui suit, non la raison, mais ce qui luy plait mieux,
 Reputant gens de bien souuent les vitieux,
 Et sages ceux qui n'ont de l'homme que la face!

Si vous pensez complaire à nostre Dieu benin,
 Et vous guinder au ciel enfléz de tel venin,
 Voyez, voyez combien vostre esperance est faulse.

Dieu eleue celuy qui simple, est contumier
 D'humilier son cueur, fust-il dans le fumier:
 Et renuerse aux enfers celuy qui plus se haulte.

14

Qui ne rira escoutant vn Thrason,
 Plus euenté qu'vne putain de raphe,
 prescher ses faitts à Gnaton son estaphe,
 Et n'a laissé l'essueil de sa maison?

Braue en parler plus qu'Alcide ou Iason
 Pour se monstrier, vn coquin fait la riaphe,
 Démant sa race, ainsi qu'vn iour Epaphe
 Vint reprocher à l'enfant d'Apollon.

Icy conuient l'esopique Grenouille,
 Qu'vu Bœuf du pié par dépit écarbouille
 Quand il la voit pres de luy se vanter:

Et la montaigne enflée outre mesure,
 Qui ne sceut onc (ô merueille en nature!)
 Qu'vn souriçon ridicule enfanter.

15

Iamais le feu de soy, n'a la maison troublée,
 A iij

LE PORTRAIT DE LA

Ny les conteaux encor des deux costez tranchants,
Qui n'ont mal que pour ceux qui mal y vont cerchans,
Et trouuent au danger l'utilité meslée,

Le fer, l'or & l'argent, la maison bien meublée,
La riche marchandise, & le bestial aux champs
Les hommes ne rendront meilleurs, ny plus meschants,
Ny la cheuance aussi par trois fois redoublée.

L'estime chose sainte vn honneste labeur,
O bien-heureux celuy qui du ciel a tel heur,
Qu'il peut viure du gain que son travail aporte!

Mais celuy, ou raison trouue si peu de lien,
Que d'un tresor auengle il contrefait son Dieu,
Le le dy malheureux en plus que d'une sorte.

16

ET ie pensois estre vn souuerain bien
Ce qu'on reçoit de la main de fortune,
Mais ie congnoy qu'au de-sous de la Lune,
Le bien present demain ne sera rien.

Richesse vaine? he! qui dira combien
Amour de toy les hommes importune?

O moy heureux (aussi tu n'es commune)
Qui puis chanter que ie n'ay rien du tien!

Quel danger voit l'auare qui te serre
Tranchant la vague, & mesurant la terre?
Combien d'ennuis prent-il pour te garder?

Mais c'est le bon quand toy prenant la fuitte,
Le malheureux qui en fait la poursuite
A mille maux ne craint se hazarder.

17

Ou est ce tēps heureux, quand lon viuoit sans peine
En ce beau siecle d'or, avecques tel plaisir
Que la terre donnoit tout son bien à choisir,

Auant qu'un soc cané eust entamé sa veine?

*Pour nourriture lors estoit la douce feine,
Le chesne secoué contendoit le desir,
Et au pié des rochers lon pouuoit à plaisir
Dans le creux de sa main puiser à la fontaine.*

*Avarice n'auoit retiré de la-bas,
Pour les biens malheureux les mutineZ debas,
Et n'estoient au cordeau les terres my-parties.*

*Comme l'air est commun, estoit commun le bien,
Et le iuge n'auoit, pour ces mots tien & mien,
Trouué au fond du sac le droit des deux parties.*

18

*Si tost que fut l'homme fol abreuné
Du venin froid qui haument enyure,
L'or & l'argent furent changeZ en cuyure,
Le bien au mal qu'enfer auoit conué.*

*Ambition le sourcil a leué,
Plus en repos le monde n'a sceu viure:
Le ventre enflé de la terre (deliure
Au bon vieil temps) par depit fut creué:*

*En mille endroits sa face dechirée
Sentit le faiZ de la fosse murée,
Et les rampars d'effroyable épaisseur.*

*Au mesme instant l'ustice fut perdue,
L'huis fut cloué, la serrure pendue:
Et ne fut l'hoste au pres de l'hoste seur.*

19

*Mais d'ou vous vient (mortelZ) ceste soif obstinée
De voir en vn bahut tant d'escrts entasseZ,
Qui en crainte tenus comme en peine amasseZ
N'enrichissent iamais la troisieme lignée?*

Ainsi faict de ses biens fortune mutinée

LE POVRTRAICT DE LA

Que la pruiue aux fleurs & bourgeons friquassez,
Qu'elle eparpille en l'air au premier vent chassez,
Et n'ont d'un seul demain la lumiere assignee.

Elle auengle, mettra bien souuent en la main
D'un prodigue & paillard, ce que palle de faim
Abanant espargnoit un Dardancier auare.

Ainsi venant la pluye, à sept ou huit rateaux
Lon assemble le foin par le pré en monceaux,
Puis vne fourche au vent toute seule l'egare.

20

DAns l'estomac du fourneau enfumé
Se tient long temps vne braise cachee,
Après, la flamme en tourbillons crachee
Monstre le feu furieux alumé.

Par auarice est ainsi enflammé
L'homme qui l'a aux entrailles fichee,
Mais elle, estant en grand fureur lachee,
Monstre son feu quand elle a bien fumé.

La foy par elle est chassée du siege,
Religion fait place au Sacrilege,
La loy se change en des idolles d'or.

Est-il mortel (ô dannee auarice)
En te suiuant, qui par toy ne perisse,
Et qui pour Dieu n'adore son tresor?

21

D'Epité aux enfers pour le fruit qui deuale
Iusques deuant son nez, & ne le peut gouter,
Non plus que l'eau qui vient à son menton flatter,
Redouble son torment le malheureux Tantale.

De l'auare beant ie croy la peine egalle,
Plongé dans les tresors qui le viennent tenter,
Et ne seruent non plus à sa soif contenter,

Qu'au Coc Esopean sa perle Orientale.

Il a mesme besoin du sien que de l'autrui,
Et perissant de faim, il serre pour celui
Qui perdra tout en ieu & en folle despençe.

Pour autrui sont chargez ainsi les arbrisseaux,
L'asne ainsi, pour autrui porte les bons morceaux
En broutant les chardons qui vont piquer sa pance

22

IL n'est rien cher maintenant que le prix,
Selon les biens la gloire se mesure:

L'amitié feinte autant que l'argent dure,
Et le pauvre gist tout plat en mespris.

Les mieux disants, & les meilleurs esprits
Ne sont plus rien que l'ecueil & l'ordure,
Mais qui s'aquiert, par cautelle & usure,
Or & argent il est des mieux appris.

O que du gain l'odeur est desirée,
Du gain bourreau, forger du fer pointu,
Bien qu'il naisstroit d'urine salpêtrée!

Sus Citoyens courez à la monnoye,
Après cela vous chercherez la voye
Pas, à pas, qui conduit à vertu.

23

EN ce temps malheureux que vint l'enfant de Rhee
Par le fer violer le beau siècle doré,
Ire qui nostre bien depuis a deuoré,
Laisa l'Orme d'Auerne, & sa couche ferree.

Mille serpens enfléz ont sa teste entourée:
Du gros sang pitonifut son front coloré,
Et pour un habit propre & bien elabouré
Cette harpie s'est dans le fer enserrée.

De grands ongles crochus ses doigts furent garnis,

LE POVRTRAICT DE LA

Et de pieds serpentins marchoit ceste Erymnis,
Qui surmontoit l'horreur du sanglier d'Herimante:
De sa gueule ondoioit la flamme, & de ses yeux,
Ne prognosticant rien que la fureur des Dieux
Qu'au monde vomissoit sa poitrine puante.

24

Tant outrageux n'est le brut animal,
Que l'homme estant dessous la tyrannie
D'une fureur, qui ses membres manie,
Et luy découure un passage à tout mal.

Le sang my-cuit, fremit dans son canal:
Son corps frissonne, & sa face est ternie
Martire freis tousiours cette manie:
Luy va puiser au Cocyte infernal.

Il n'a ny sens, verité ny raison:
Le champ luy put: il refuit la maison:
Le fer sanglant cest tout cela qu'il pense.

Et si bien tost son venin n'est vomy
Dedans le sein d'un fuiart ennemy,
A son corps propre il fera violence.

25

Sur le sourcil froncé, vous imprime une audace
La colere brulée: & les sens trop legers
Font hazarder le corps en infinis dangers,
Donnant force de fer à la charnelle masse:

Puis l'homme forcené pense qu'en toute place
Luy naist un ennemy, & de ses bras meurtriers
(Du mal couué au cueur postes & messagers)
Comme un Tiphé les cieux & la terre il menasse:

Ainsi luy, qui doit estre à l'homme un petit Dieu,
(Voyez que l'Ire peut ou la raison n'a lieu!)
Est un loup rauissant, si pire il ne se nomme:

il deuient Licaon, encor plus dangereux,
 Car sous la peau d'un loup cestuy cy malheureux,
 Fut homme: l'autre est loup sous le masque d'un hōme.

26

LE poing reclos, l'ongle bien aiguisé
 Furent premier les instrumens de guerre:
 Apres suit le baston, & la pierre,
 Vangeurs du feu dans le cueur attisé.

Mais quand le droit de tout point fut brisé,
 L'on vint tirer des durs flancs de la terre
 Le fer rouillé qu'elle y tenoit enserre,
 Duquel le sang humain fut épuisé.

Finablement le gros brenze se perse,
 Poudre & boulets mettent à la renuerse
 Hommes, rampars & chasteaux bien fermez.

Malheur à vous (ô Dieux) si ceste poudre
 Eust resisté à la brillante foudre,
 Qui accabloit voz ennemis armez.

27

LA bataille est aux chāps: l'arriere & l'auātgarde:
 Les fifres & tabours, trompettes gomphanons:
 Ia, déia i'oy tonner la foudre des canons:

L'embuscade est posée ou lon ne prent point garde:

La poussiere & le son de l'horrible bombarde
 S'entre-heurtent en l'air: & ia nous moissonnons
 Les ennemis deffaits dedans nous les tenons:

Cachon dans leurs costez & pique & hallebarde.

De masses renuerse & coutelas tranchants
 Les corps, qui seruiroient de gresse pour les champs
 La victoire est deia dans nostre main hardie.

Dieux puissans estes vous de tel massacre Auteurs?
 Vous estes (pour le moins) de la-haut spectateurs,

LE PORTRAICT DE LA
Ne vous moquez vous point de telle tragedie?

28

L'vn veut du fer ses ennemis domter,
Et l'autre veut elargir sa prouince:
L'autre le ioug secouë de son prince,
Et contre luy s'ose bien reuolter.

Par trahison l'autre veut surmonter,
Et la remache entre ses dents qu'il grince.
L'autre en flattant, comme Scorpion pince,
Par quelque mort pensant plus haut monter:

Et l'autre armé, de liberté permise
Vient dans le sang faire baigner l'Eglise,
Bruler, meurdrir & butiner le bien.

O siecle dur! ô nation ferree!
Quand s'esteindra ta soif desesperée?
N'y verra lon iamais fin ny moyen?

29

Vous auancez le iour deu à voz funerailles
Sans scauoir si le fil est demy deuïdë,
Voyez si l'animal tant soit il debridë
Aborde son pareil en si dures batailles.

Dittes: Quell' Enion de ses rouges tenailles
Vous pincette le cœur? vostre appetit guidë
D'erreur, veult il tousiours que le sang soit vuidë
Sur le champ, par vn fer cachë dans voz entrailles?

Voyez combien de corps sur la terre coucheZ,
Sont par les laboureurs à beau contre trancheZ,
Comme s'ils prenoient d'eux la seconde vengeance!

Voyla les fruits, voyla, (ô mortels obstinez)
Voyla (di-ie) les fruits des conflits mutinez,
Et le riche loyer de l'humaine arrogance!

30

SI Mars sanglant aux cieux n'est rechassé,
 Si l'on n'abat ceste Ire Emateenne,
 Si pour iamaïs estendu en la plaine
 L'on voit vn corps de sur l'autre entassé,
 De l'univers l'honneur presque effacé,
 Ira au vent ainsi qu'une ombre vaine,
 Ou l'eau qui chet dedans la blonde areine,
 Et bien-heureux qui ia est trespasé.

D'espais buissons les grands campagnes vertes
 Se vestiront: & des citez desertes
 Seront seigneurs les Tigres & les Ours.

Puis quand aura la flamme qui transperce
 Mis peu à peu le monde à la renuerse
 Suiura le but general de noz iours.

31

PResque au point ou l'on tient de la terre le centre
 Vn destroit cauerneux de grands Rocs s'est conuers
 Horrible tenebreux englacé, & desert
 Pource que du Soleil le beau rayon ny entre.

Plus moysi que l'enfer est le fond de cét antre,
 Car la bise iamaïs ne la veu descouuert,
 Ou pleine de venin, au grand gousier ouuert,
 Emuë sans repos se traine sur son ventre.

Elle ronge sa chair, & celle des Serpens
 Qui vont dans sa cauerne à tous les coins rampans,
 Ou le bon-heur d'autruy sans cesser la borrelle:

La verdure, les fleurs & l'homme épouuanté,
 En tous endroits du monde ou se Monstre est planté,
 Meurent de son haleine & puante & mortelle.

32

IE ne voy point en ce monde quel bien
 Peut enfanter vne poignante enuie,

*Sinon qu'estant à tout vice afferuie,
Elle voudroit tout le monde estre sien.*

*L'homme qui n'a ny raison ny moyen
Pour reprimer ceste ardente furie,
Son ris est dueil, son viure n'est point vie,
Et ce qu'il a ie ne l'estime rien.*

*Si assommé quelque fois il sommeille,
Son eguillon le piquette & reueille,
Qui pour luy traîne un eternal torment.*

*Ainsi qu'au feu est la verte ramée
Long temps brulant, sans estre consumée,
L'enuieux fond & perit lentement.*

33

Q*uand du venin secret Aglaure malheureuse
Sentit le froit breuuage en sa bouche versé,
Et quand la poison eut ses poulmons transpercé,
Qui d'auare la fit deuenir enuieuse.*

*Elle plomboit le blanc de sa poitrine creuse,
Et embrasée plus qu'onques ne fut Dirce,
Elle creuoit de dueil, pour la blonde Hercé,
Quand le Cylemien en fit son amoureuse.*

*Ce mariage heureux luy donnoit mille ennemis:
Elle bruloit de iour: Et les trop longues nuits
De sa sœur & du Dieu luy presentoient l'Image:*

*Plus les voyoit heureux, plus l'enuie croissoit,
Et tant fort l'agitoit cette infernale rage,
Qu'elle morte viuoit, & viue perissoit.*

34

C*omme un glaçon à la Bise endurcy,
Lors que Phebus son limonnier retourne
Vers le logis du grison Capricorne,
Fond lentement quand l'air est adoucy,*

Le cœur glacé de l'enuieux ainsi
 Se va fondant: & l'ame ne sejourne
 Au corps, qui ia comme celuy se tourne
 Qui fut changé en un caillon noircy.

Onc ne songea vn si cruel martire
 L'impitoiable & periure Busire,
 Baignant l'autel dans le sang estranger.

Ny le bourreau, qui dans le bœuf de cuiure
 A petit feu faisoit mourir & viure
 Celuy duquel il se vouloit vanger.

35

LE premier qui sucça le laiët de la mammelle,
 Comme s'il fust sorti hors d'un ventre d'airain,
 Dans le sang innocent premier trempa sa main
 Et vilain, la souilla d'une mort fraternele.

Cela fut l'auant ieu de l'enuie cruelle,
 Qui luy rampoit deia dans le ieune intestin,
 Et le fit tout d'un coup deuenir si mutin,
 Qu'il viola la terre encor toute nouuelle.

Depuis iusqu'à nos iours, ce vieil Monstre pourry
 Dedans le sang humain s'est baigné & nourry,
 Brouillant celuy parmy, qu'il prent de la vipere.

Il poulse le larron & pendart raiisseur
 Il fait le frere armer contre sa propre sœur,
 Et l'enfant malheureux contre son propre pere.

36

Ainsi que l'œil malade & chassieux
 Voit à regret du Soleil la lumiere,
 En depitant son ame prisonniere
 Du bien d'autrux enrage l'enuieux.

Pour son prochain il voudroit que les cieux
 Fussent d'airain: la terre nourriciere,

LE PORTRAICT DE LA
De fer rouillé: & l'onde Marinier
A la mercy des vents plus furieux.

Touſiours hideux, d'une face defaite
Mort ou malheur ſur le monde il ſouhaite,
Pour deuorer tout ſeulement le bien d'autrui:
Contre le ciel (tant ceſte fin maudite
Le va rongeanſ) il ſe drefſe & depite,
Pource que Dieu eſt plus riche que luy.

37

CE Dieu qui fit ceſſer la diſcorde guerriere
Du Chaos, embrouillé, pere de l'uniuers,
Premier qu'on vit des cieux les mouuemens diuers
Mit en quatre quartiers toute cette matiere.

Puis les aſtres rouans par ſente couſtumiere,
Dedans le firmament il nous fit deſcouuers,
Qui autour de l'eſſueil tranſperçant le trauers
D'une eternelle courſe alegrent leur carriere.

Pource icy le Printemps donne place à l'Eſté,
L'autonne fructueux à l'hyuer agenté,
Et ſelon les ſaiſons leur retour continue.

Ceſte ame que l'on dit tout le monde agiter,
Le vient ſecrettement au travail inciter,
Au travail qui iamais laſſé ne diminue.

38

TOUT ce que voit ſur la terre croiſſant,
Cet œil ardant qui le iour nous raporte,
Quand l'Indienne Aurore ouvre la porte,
Tout ſon labeur pour nous va compaſſant.

Tel eſt l'Edict de ce grand Dieu puiſſant,
Duquel il faut que le plein eſſait ſorte:
Qui veut auſſi, l'homme de meſme ſorte
Eſtre au travail prompt & obeiſſant.

*A raser l'air les oiseaux il ordonne,
L'homme au travail, afin qu'il abandonne
Oisiveté la source de tout mal:*

*Luy toutefois, dementant sa nature
Veut viure oisif: mais où est l'animal
Qui sans labour deuore sa pasture?*

39

LE fourmy en esté portoit dans sa cassine
Quelque grain de froment: pendant le vint trouuer
La cigale, & commence à se rire & iouer
Du fourmy, qui d'ahan ployoit sa tendre échine.

*Quand l'hiver fut vetu de neige & de bruine,
Elle vint du fourmy la prudence louer,
Et pres de son grenier à traicts d'ailes rouer
Flatant, comme celuy qui pour son pain coquine.*

*Hé! qu'as tu fait (dit lors le fourmy) en esté?
I'ay dit elle en chantant mon desir contenté:
Or va donc maintenant (dit le fourmy) & dance*

*Celuy qui paresseux, ne cueille quelque bien
Endemantiers qu'il a le temps & le moyen,
S'il meurt de faim apres, cest iuste recompense.*

40

ESperes tu des Dieux tant de faueur,
Te penses tu tant chery de fortune,
Croids tu nature estre tant oportune
Que tes ans soient immunez de labour?

*Voy que du miel la celeste liqueur
Est seulement aux abeilles commune
Filles du ciel, qui toutes iusques à vne
Vont leur butin piller dedans la fleur!*

*Leur bel estat policé ne depraue,
Ny le fresson, ny l'animal ignaue*

LE PORTRAICT DE LA

Qui est banni comme un hôte étranger.

Ainsi ne doit paresse estre receüe,

Et le faquin qui au travail ne suë

Certainement il ne doit point manger.

41

Nonobstant les efforts des vents, voiles & rame,
Par la remore on voit un vaisseau mastiné:

C'est un poisson petit, mais bien tant obstiné

Qu'il faict aux Matelotz, chacun coup perdre l'ame.

De paresse allenti ainsi l'homme se pame

Nonobstant la vertu, & un esprit bien né

Qui l'auoit aux honneurs tout premier destiné,

Et demeure rouillé comme une vieille lame.

Nature, ainsi qu'on dict, ne nous a point produicts

Pour nous tant seulement: car nous deuons les fruiets

De nostre age, au pays, & au doux parentage.

Mais n'atendeZ cela d'un truant paresseux

Qui ne vault rien pour luy, & moins encor pour ceux

Que luy ioinet le pais on le propre lignage:

42

Qui au bien faict ne tend vite la main,

C'est proprement le rustique d'Horace,

Qui veut auant que la riuere il passe

Laisse couler tout le fleuue bien loin.

Fol est quiconque au milieu du chemin

Quitte sa course, & se couche en la place:

Qui de bien faire aujour d'huy n'a la grace,

Il ne fault ia qu'il l'attende à demain.

Le paresseux, comme une lourde beste

Qui panche en bas incessamment la teste,

Voit seulement ce qui est à son nez;

Mais le prudent qu'une alegresse tire,

Regarde au loïn, & au bien-faict aspire,
En euitant les cas infortunez.

43

Bien estoit contre nous cette terre offensée,
Quand de son estomac icy furent vomis
Des Monstres, qui nous sont & aux dieux ennemis,
Tant une Philantie a charmé leur pensée.

Ces monstres que ie dy, sont (ah troupe insensée!)
Au liēt d'Endimion en tel point endormis,
Que leur b'en souverain en volupté est mis
Chose qui aux enfers ne fut onques pensée.

Leur geule est le repos de l'esprit attendu:
Leur Dieu cest un gros ventre à trois piez estendu,
Et ne leur reste rien apres leur sepulture.

Voila ceux qui sans Dieu, d'eux-mesmes sont contās
ConceuZ dans l'antré noir qui couua les Titans,
Et qui succent la truie au troupeau d'Epicure.

44

NE seruons nous que de nombre icy bas?
Ne viuons nous que pour charger la terre,
Et deuorer ce que son sein desserre?
Ne naissons nous que pour deuenir gras?

Dormon de iour apres les bons repas:
Puis reueilleZ au son de la guiterre
Venon au bal nouveau plaisir aquerre:
L'ame & le corps ont un mesme trespas.

Mangeon. Suiuon l'escole d'Aristipe:
Nous ne viuons icy que pour la tripe:
Vertu nous put: oston la du milieu.

Voila le but, non où l'homme s'arreste
Proueue de sens, mais le Monstre ou la beste
Qui n'a au cuer ny foy, ny loy, ny Dieu.

B ij

HEureux ceux du viel tēps ausquels la tendre feine
 Estoit le doux repas, & le grand nourricier,
 Et qui n'ayant soucy du raisin autonnier,
 S'alloient desalterer aupres d'une fontaine.

L'on n'effilloit l'acier pour chiquer la veine,
 Le pouls n'auoit appris qu'on le vint manier:
 L'en ne puluerisoit les drogues au mortier,
 Ce neanmoins les ans redoubloient leur centaine.

Mais quand le repas fut par saulces déguise,
 Quand le sang de la terre à beaux muids fut puisé,
 Si tost qu'on se farsit de viande diuerse:

L'esprit fut corrompu: & le corps alteré,
 Au boire & au manger du tout intemperé,
 Print coup, comme voulant tomber à la renuerse.

ONc ne planta le fils de iupiter
 Ce bon Denys, la vineuse racine:
 Ou s'il le fit, ce nous estoit vne signe
 Qu'il se vouloit contre nous depiter:

O que la loy n'estoit à regetter
 Qui bannissoit le sang de ceste vigne!
 O toy (Romain) d'un nom eternal digne,
 Qui en voulois du tout l'usage oster!
 L'aliment pris sobrement, s'en vient comme
 Le medecin, à la vie de l'homme,
 Pour la garder dedans le corps charnu:

L'excessif fait à sa fin l'homme tendre,
 Trembler le ieune ainsi que le chenu,
 Ou bien le change en nouveau scolopendre.

APres que les enfans de la nuë seconde,

Plus paillards que vieux boucs, eürēt les vĕtres pleins,
 Ils trepignoient au sang, voulans getter leur mains
 Sur la belle Hypodame à nulle autre seconde,

Ce Macedon, frateur de la terre & de l'onde,
 Sceu bien faire trembler sous luy tous les humains,
 Qui domté de vin, fit des cas tant inhumains,
 Qu'encores maintenant s'en estonne le monde.

Heureux le premier homme! heureux s'il eust bridé
 Son apetit lascif! & si outrecuidé,
 Il n'eust esté par trop indulgent à sa bouche!

Heureux encor le fils de celuy qui planta
 Le sep, dont la liqueur tout premier l'anchanta,
 Si son pere il neust veu yure dedans sa couche.

48

L'Apetit s'affre est ainsi compasé,
 Que pour punir les secrets homicides
 Commis au lit des meurdrieres Belides,
 Est fait leur muid en cent lieux creuassé.

Quand le gourmand a beu & friquassé,
 Tant que creuer son estomac tu cuides
 Plus que du Bœuf ses entrailles sont vuides
 Qu'au Labyrinte on tenoit enchasé.

L'homme modeste à soy mesme commande.
 L'intemperé à sa bouche friande
 (Plus qu'à son maistre vn serf) s'assubietit.
 Voyez (mortels) voyez, ie vous prie, comme
 Inferieur à la beste est vn homme,
 Si la raison ne bride l'apetit!

49

Ainsi que les vertus, des sainsts thresors tutrices
 S'entrelassent si bien que l'une à l'autre tient:
 L'une del'autre naist: l'une de l'autre vient:

LE PORTRAIT DE LA

Lon voit tous emboucler pareillement les vices.

*Comme un gouffre enfoncé aux pieds des precipices
Smont un autre gouffre, ainsi souvent aduient
Qu'un vice appelle un vice, & l'autre à l'un conuier,
Pour tramer d'un fil brun nos eternalz suplices.*

*Ce corps lascif, à boire & manger dissolu,
Nourri trop grassement: bien tost se sent polu,
Des liqueurs que Cypris luy verse dans sa tasse.*

*Car si Ceres ne fait la campagne iaunir,
Si Bacchus veult l'honneur d'Autonne retenir,
Venus demeurera plus froide que la glace.*

50

Q*ui a point veu autrefois son corps nu
Tout moucheter d'une herbe le satire,
Qui au plaisir du raphien attire,
Et en parer encor son chef cornu?*

*Celuy vraiment de mesme aura congnu
Le vis pourtraict, mieux qu'on ne le sçait dire,
De ce qui est pour nous donner martire,
Du noir enfer en ce monde venu.*

*L'herbe chatouille, emeut, pique & enchâte,
Et le Bouquin satire represente
Un apetit corps & ame tuant.*

*Luxure aussi les entrailles nous brule
Mieux qu'un fourneau ne fait la seiche estule,
Et plus qu'un Bouc son effect est puant.*

51

L'*Epouuantable mort du malheureux Leandre.
Les deux qui une nuit noircirent le Mœurier,
Celuy qui s'enuola sur le flot marinier,
Alumer le flambeau qui mit sa ville en cendre.
Celuy qui ne voulant à sa merastre entendre*

Par son char déchiré tomba sur le granier,
Celle qui du Troyen prit le glaive meurtrier
Pendü à son cheuet pour sa poitrine fendre.

Celuy qui pour punir le meurdre Paternel
Versa sur le pauë tout le sang maternel,
Celle qui de son frere aux poissons fit curée,
Celle de qui Tarquin raut la chasteté
Nous enseigne combien proffitable a esté
Le plaisir deshonneste, & de quelle durée.

52

Tant eut Circé par son charme pouuoir,
Que des humains elle faisoit eschanges
S'il luy plaisoit en des bestes estranges,
Ne leur laissant ny raison ny sçauoir:

Ce qu'elle fit aux Ithaciens sçauoir
Muez en porc, qui emplissoyent ses granges:
Toy (Scylle) aussi, qui tes beaux membres changes
En chiens marins, l'as peu apercevoir.

Circé n'est rien que la vaine figure,
Representant l'impudique luxure,
Qui nous transforme en diuers animaux:

Le paillard est sale plus qu'une truie,
Chaud comme un Bouc, comme un chien plein d'enuie
Asne, & encor un retraict à tous maux.

53

Au milieu de ce fond, ou le triste riuage
Recourbe par neuf fois le droit fil de son cours,
Emmurant fierement par ses profonds détours
La prison qui deffend au sortir le passage,

L'adultere est tout plat, qui voulut faire outrage
A Diane: & sur luy s'acharnent deux vaultours
Pour borreler son foy' renaissant tous les iours,

A fin que tous les iours renouuelle sa rage.

*Lon diët que quatre arpens d'estendue il contient,
Espace, qui de vray, proprement t'appartient
Apetit débordé, dont ne prent fin le germe:*

*Le foye renaissant (car il faiët conuoiter)
C'est vn plaisir qui veut vn plaisir enfanter,
Et vn desir brulant qui iamais n'est à terme.*

54

CE demy-Dieu, qui aux labeurs sua
Portant la peau d'un Lyon pour cuirasse,
Faisoit sentir le pesant de sa masse
Par tout le monde aux Monstres qu'il tua:

*Luy du Serpent, cent chef il remua
Sceut moissonner: Puis per dant cette audace,
A la quenouille il lia la fillace,
Et au peson le fer du traiët mua.*

*Qui ne dira au non-pareil Hercule
Tel changement nouveau & ridicule?
Qui se pourra tenir de l'accuser?*

*Il n'est si fort, si docte ny si braue,
Qui sa vertu & grandeur ne déprauie
Si par la femme il se laisse abuser.*

55

OR sus enfle ton cœur, pour de toy faire épreune,
Enfle ton cœur mortel: maintenant tu es mis
Au milieu du combat, entre tes ennemis
Contre lesquels il faut que ta vertu s'épreune.

*Le monde d'un costé ses estandars élève,
La chair comme vn Tiran, à ses pieds t'a soubz-mis;
Ce Monstre à qui l'empire est des ombres commis
Ia bée apres ton sang, à fin qu'il s'en abreue.*

D'un petit fil qu'il peut aysement se trancher

Est pendu sur ton chef herissé le rocher,
Qui dans l'Orque punais faict trembler les auares.

Toutefois orgueil point ton cœur audacieux!
Que serois tu (dy moy) si les souverains Dieux
Ne retenoient bride & tant d'ennemis barbares?

56

UN villageois trouuant sur le chemin
Vne Couleuvre à grands coups abatue,
Va recueillir ceste beste tortue
Et doucement la rechauffe en son sein:

Puis il au feu la frotte de sa main,
Tant que bien tost elle fut reuenue:
L'ingrate apres, en sifflant s'euertue
Pour au bon-homme élancer son venin.

L'enfant ainsi, va recueillir le vice,
Demy estaint dans l'impure matrice,
Et dans son sein l'apporte enuvelopé:

Qui se voyant en sa plus grande force,
Contre l'enfant aussi tost il s'efforce
Que du maillot il est déuvelopé.

57

QVand la Vipere tient des serpens dans sa pance
Tant qu'elle ne peut plus le grand nôbre endurer,
Elle forcée, en fin se permet dechirer,
Achétant par sa mort de son part la naissance.

Ce cheual qui domta d'Ilion l'arrogance,
Par vne nouueauté se faisoit admirer
Mais sinon, de ses flancs ceux là vint deuancer
Qui de Troye & de luy prindrent mesme vengeance.

Aussi le vice estant dedans l'homme couué
Vient naistre furieux, apres auoir creué
L'endroit mieux ramparé de sa chambre secrette.

LE POVRTRAICT DE LA
L'homme(dy-ie)à le mal plus d'une fois receu
De ce que sa pensée auoit premier conceu,
Où sont plus de détours que dans l'erreur de Crette.

58

Avec tel fard le menteur s'est vestu
Du bel habit dont verité se pare,
Que nous prenons (tant la sagesse est rare)
Le mal pour bien, & vice pour vertu.

Seme poison: frappe de fer pointu:
Tu seras preux: sois trompeur ou auare:
Ce n'est qu'honneur: & si ton bien s'égare
En folz excez, lors liberal es tu.

Qui sçait trahir, qui plus que Polipheme
Contre son Dieu & son prince blasphème,
Est inuenteur subtil & vertueux:

Bien bordeller sous vn nom de maistresse
N'est rien si-non vne ieune alegresse:
Bref plus sage est, qui plus est tortueux.

59

Comme quand ses amours a graué dans l'écorce
D'un puyrier aquatic, quelque ieune berger,
Tant plus viennent les ans cet arbrisseau charger,
Plus l'escriture empreinte acroist & se renforce:

Ainsi plus l'homme croist, plus le vice a de force,
Plus il deuient puissant, plus il est en danger:
Le vice aux ieunes ans facile à corriger,
En vain pour l'effacer l'age suiuant s'efforce.

Tout ce que faict l'enfant n'est que plaisir & ieu,
L'adolescence apres, luy alume le feu,
Reueille l'apetit, & faict trompre la bride:

Sur le mydy de l'age, il se fault obster,
Empiler des esculz ranir & butiner,

Car tant plus il encoffre & plus il est cupide.

60

Plus n'a soucy celuy qui tient vn fort,
 Quand l'ennemy par armes s'en faict maistre,
 D'y mettre pain, vin, boulet & ny salpestre,
 Pour enrichir ceux qui luy font effort.

Mais tant plus l'homme est voisin de la mort,
 Tant plus il veult voir sa cheuance croistre,
 Comme vn Naucher qui son vaisseau veult estre
 Plus que munny, quand il arrive au port.

Hé chetif verltutin de pourriture!
 Quand tu viendras enfler ta sepulture
 Esperes tu ton tresor rencontrer?

Repose toy, & pour autruy ne serrez
 Pense que nud tu es venu de terre,
 Et que tout nud aussi t'y fault rentrer

61

Quand Bellone timbroit Asie contre Europe,
 Au camp cōtinué quatre ans & deux fois trois,
 Lon cognoissoit pendant, & du peuple & des Rois
 Les feux plus alumés qu'au fourneau du Ciclope.

Antenor est d'aduis que la guerre on recope,
 Mais Paris ayme mieux mourir cent mille fois:
 Nestor d'autre costé, tempere les effrois,
 Entre le Peleide & le Roy de leur trope.

Quel ordre tenoyent lors tous les peuples meslez,
 Quand les princes, d'amour & de fureur brulez,
 Emmonceloyent sur eux le faix de leur folie?

A la ville & au camp tout estoit mutiné
 Ravi, pillé, trahi, polu & butiné,
 Car on le prince fault tout le peuple s'oublie.

Princes & Rois, oyez, non pas de moy
 Les vers sacrez: Mais d'un diuin Poete,
 Qui de pasteur deuint Roy & Prophete.
 Faisant marcher meint peuple sous sa loy:

 Aprenez Rois: Que chacun endroit soy
 (Puisque sous vous est la terre subiette)
 pour bien seruir le grand Dieu se soubmette
 Et honorez en crainte ce grand Roy:

 Embrassez moy sa discipline sainte,
 De peur qu'un iour pour sa parole enfreinte
 Ne trebuchiez du bien-heureux chemin:

 Car quand sera embrasée son ire,
 Heureux tous ceux, heureux se pourront dire
 Qui leur espoir auront mis sous sa main.

Si quelqu'un est marqué sur le front d'une tache,
 Un Theriste vilain bien soudain la verra:
 Mais l'ulcere pourry en ce point n'aperra
 Aux membres plus honteux, que l'habillement cache.

 Et si aux grands seigneurs quelque vice s'atache,
 Beaucoup plus de murmure au peuple elle aquerra
 (Peuple vray truchement) & trop plus déplaira,
 Que si quelque forfant ou marault elle tache.

 Le Roy n'est pas pour soy seulement couronné,
 Mais pour la sainte loy & les siens il est né,
 S'il veult estre estimé de son pais le perc:

 Pour cela Gerion qu'Alcide surmonta
 Trois testes sur son col plein de veines, porta:
 Et en ce du Tiran le bon prince differe.

Qui ne rira d'un cœur ambitieux?

D'un courtisan qui iamaïs ne sommeille?
 Lequel s'il a du Courtisé l'aureille
 pense déia estre au nombre des Dieux?

En esperant, il grisonne enuieux,
 Et ce pendant que sur la proye il veille,
 Secrettement la Parque s'apareille
 pour luy venir d'un coup siller les yeux.

S'il a faueur, ce n'est qu'une fumée
 Que chasse en l'air une estule alumée,
 De quoy le vient sa fortune abuser:

Car le tiers hoir des biens aquis par vice,
 par tromperie est subtil arcifce,
 Heureusement iamaïs ne sceut vser.

65

Nostre vie est ainsi comme un ample théâtre,
 Où les Dieux sont assis au plus hault spectateurs;
 Nous masquez (la plus part) y sommes les acteurs,
 Nostre Chorage c'est la fortune marastre.

L'un represente Hector bien armé pour combatre,
 L'autre Cire ou Cesar: icy les acheteurs,
 icy sont les vendeurs Bourgeois & crocheteurs,
 Le maigre laboureur, le sage & le folastre.

Nous changeons de manteau, de robe & de collet
 Bien souuent: Bien souuent nous changeons de rolet,
 Quand fortune le veut plus que vent variable

Mais apres ce ieu vient un mystere nouveau,
 Que la mort faict iouer au ventre du tombeau,
 Ou le riche se trouue au belistre semblable,

66

VN mesme bois de ses antres produit
 L'aureille, Lieure, & la Biche craintine,
 L'apre sanglier qui contre l'homme estrins

LE POVRTRAICT DE LA

L'Ours, & le Loup qui les troupeaux destruit.

Sur mesme fleur l'abeille à petit bruit,
Vient volleter, ou l' Arignee arrinue:

L'une vn venin pince dans la fleur viue,

L'autre le miel qui sa chambrette enduit.

L'enflure aussi de la terre pesante,
De ses durs flancs tous les iours nous enfante

Des gens de bien, & des hommes peruers:

Et ses enfans qui de mesme air iouyssent,

Diuersement toutesfois s'en nourrissent,

Car l'un vit bien, l'autre tout à l'enuers.

67

ET ie l'ay tousiours dict qu'assez on ne reuere
Ceux qui pour mieux brider leurs sens demesurez
Se consacrent à Dieu, & se sont emmurez
Ordonnans à leur chair vne reigle seuer:

Mais ceux qu'un dur habit, & vn visage austere
A de religion & vertu epurez,

Et qui au vestement leurs vœux ont mesurez,
Semblent larmes tirez du fond d'un Cymetere.

Heureux qui resserré dans le froc & les murs
Reluit en sainte vie & chasteté de mœurs,
Et malheureux aussi qui y faiet le contraire.

Ce dernier semble au fol qui en l'obscur nuict
Leuant le nez au ciel, cache le feu qui luit,
Et n'en veut point à soy ny aux autres bien faire.

68

HEUREUX Egypte, heureux vous Indiens
Tant bien instruits par vos Gymnosophistes.
Heureux Cald'ans, qui le semblable fites
Pres les autelz de vos Asiriens!

Heureux encor, vous Gaulois anciens,

Quand

Quand dans voſ bois le Druides vous vites
Sacrifiant, & quand de luy vous prites
Avec les loix les dons Paladiens!

Ah ſiecle dur, qui tout mangé de rouille,
D'oïſiveté & d'ignorance ſouille
Ceux qui deuroyent nous monſtrer noz leçons!

De vray lon voit de Preſtres quelque nombre
Dignes d'honneur: mais le reſte n'eſt qu'ombre
Qui au deuoir ſont plus muets que poiſſons.

69

Vous verrez quelquefois une lourde ſtatue
Au de-ſous d'une poutre, ou au pié d'un pilier:
Qui courbée ne fait que l'échine plier,
Et ſemble que d'ahan elle eſt toute boſſue.

En ce point vous croirez que tel au travail ſue,
Que tel de piété eſt le ſupport entier,
Qui n'a autre ſoucy qu'à ſe faire héritier
Du bien, en le ſuçant à mode de ſang ſue.

Dignes vous bons Prelats, dignes de double hōneur
Mais celui digne auſſi d'éternel deſhonneur,
Qui de ſon tropeau nud la chair a decoupée:
Qui au temple ſacré a dreſſé un marché,
Qui n'a l'erreur maudit en preſchant arraché,
Qui pour la croce a pris le poignart & l'épée

70

Je ſuis ravi, voyant à quoy tendoient
Les vieux Thebains: Et voyant la peinture
Du ſainct ſenat qui leur faiſoit droiture
Quand à leurs murs les cent portes pendoyent

Les Sénateurs leurs ſentences rendoyent
Aſſez: peſants par prudente meſure
Bien poſément, ou le droit ou l'iniure

LE PORTRAIT DE LA

De ceux lesquels au barreau contendoient.

Pour n'abuser de leurs mains occupées
Après les dons, elles estoient coupées
Et quant au iuge ils luy creuoient les yeux.

De vray quiconque au droict de chacun veille
Ne doit rien prendre: & doit, pour faire mieux,
Fermer ses yeux & iuger de l'aureille.

71

Q'vi faict honneur aux Rois & aux gēs de Iustice
Il faict honneur à Dieu qui les a ordonnez,
Et qui leur a encor les instruments donnez
Pour maintenir vertu & la vanger du vice.

A dire verité, sans ce bel exercice
Auquel tous droituriers iuges sont adonnez,
Bien tost les Elements s'en seroient retournez
Au gouffre qui couuoit du monde l'artifice.

Mais en diuers endroiets de l'épaisse rondeur,
Iustice a secoué sa premiere splendeur,
Et n'a plus icy bas que sa moindre partie.
Voy, voy qui que tu sois, qui vends ton iugement
Après que le present t'a vaincu, voy comment
Le grand Iuge immortel les faux iuges chastie.

72

TElles disoit Anacharsis les loix
Que les filletz ten duz de l'arignée,
Ou la mouche est en passant, butinée
Mais le Taon les rompt à chaque fois.

Au Corbeau sale à la croquante voix,
La Iustice a souuent grace donnée,
Et la colombe à la mort condamnée
En renuersant toute espee de droits.
CraigneZ vous point la fureur pallissante

Du Gnosien, d'Eac & Rhadamante

Vous qui auez tousiours le poing ouuert.

Ny les vangeurs qui leur iuge écorcherent,

Et de son cuir un tapis composerent

Duquel apres son siege fut couuert!

73

DEmosthene aduocat fut droitement contraire
A ceux de nostre temps, qui n'ont meilleur aquet
Que de ferrer leur poing en vendant leur caquet
Mais luy estoit payé tout contant pour se taire

O Bien-heureux celuy qui de ceux n'a que faire
Ausquels il faut argent, & seruir de laquet,
Quand aux despens d'autrui ils courent au parquet,
Pour estre la terreur du simple populaire!

Ainsi que dans l'estang, qui tout ouuert atent
L'eau d'un petit ruisseau qui fil à fil y tend,
D'un pauvre homme le bien dans leur bourse s'amasse.

Contre-immitants les Dieux, ils se vâtent bien telz
Que par eux les procez deuiendront immortelz,
Pendant la main pour prendre ils n'aurônt iamais lasse.

74

Quand freschement vient de naistre l'Ourson,
Il n'aparoit qu'une masse rebourse

Sans membre aucun: mais incontinent l'Ourse

En le leichant luy donne la façon

Procez ainsi, des Parques nourriçon,

D'effectueux vient naistre, mais la bourse

De piez crochus luy alegre sa course,

Et le reuest de peau de herisson

Les Aduocats, procureurs, & notaires,

Sergents, tesmoins, enquesteurs commissaires

Le Iuge à quo apres estre informé.

C ij

LE POVRTRAICT DE LA
Luy donnent sang, membres, veine & artere,
Pouruen qu'argent enfle la gibesiere
Et de tout point le rendent bien formé.

75

O V l'amour d'un vray biē, ou il fault qu'une fonte
Viennne te corriger, & talonner tes pas
Au chemin de vertu, autrement tu n'es pas
Homme, ny digne aussi que pour tel lon te conte.

Si quelque mal subit au visage te monte,
S'il descent à la cuisse, ou s'il se tient au bras,
Dy amoureux de toy, dy comme tu courras
Au remede, craignant que cela te suir monte!

Hé tu sens bien le mal qui te va pincetant
L'esprit ià demy-mort! Quoy? seras tu contant
Qu'au grenier de Pluton par ta faute il te meine?

Si faut-il que le vice en fin soit abatu.
Les bons le banniront pour l'amour de vertu
Et les meschants aussi pour crainte de la peine.

76

C E n'est assez d'auoir guidé son vol
Auantureux, par les peuples estranges
Qui aux deux bordz boinent l'onde du Ganges,
Ou sur les flotz du iaunissant Pactol.

Ce n'est assez fendre le ventre mol
Du vieil Triton: de voir les poisson-manges,
Et ceux qui d'or à l'acier font eschanges,
Comme fit Glaucque & bien ieune & bien fol.

Ce n'est assez (marchand) que tu amasses
Pour te souler les Midicennes masses,
Loin de ton lieu en infinis dangers.

Il fault aussi que ta tenaille pince
Tes plus prochains. Il faut que ta prouince

Sente le heurt, comme les estrangers.

77

HEureux qui iustement conduit sa marchandise,
Et malheureux cent fois qui de ceux vient au rāg
Qui béent apres l'or, ainsi qu'apres le sang
Celuy duquel le chef fut des Scites la prise.

A ceux là ne suffit ce qu'Afrique & la Bise
Ont de beau, mais encor il fault tout mettre à blanc:
Deuorer l'intestin, le cerueau & le flanc,
au pauvre homme sur qui la griffe ils auront mise.

Lon eschapera mieux les mariniers pipeurs,
Que les gluaux tenduZ aux logis des trompeurs,
Et leurs filletZ tissus de dol, fraude & usure.

Ne boireZ vous point l'or comme Crasse le but
Quand fondu & bouillant dans sa poictrine il cheut,
Pus qu'ainsi comme luy vous l'aymeZ sans mesure?

78

AFin que fust l'homme gaillard & sain,
Arhebus tira du Ciel la medecine,
Mais à l'habit, ny à la bonne mine
Lon ne congnoit vn parfait medecin.

En remuant l'excrement au bassin,
En guignetant l'hypostase en l'urine,
Où cependant que le poulx on tatine
Deux sont trompez; mais à diuerse fin:

Au patient, chef de la tragedie,
Esperant voir fin à sa maladie,
Vient Lachesis, pour luy coudre les yeux:

Mais de son meurdre ayant la somme prise
Le medecin voit sa faute commise,
Et en remet la coulpe sur les Dieux.

C. iiij

PAr quelque herbe le cerf du fer se sçait defaire,
 Par herbe se refont les hirondeaux des yeux,
 Par herbes se font beaux les Serpens déia vieux
 Et s'éteint le venin par vne herbe contraire:

Pour se guerir le chien sçait ce qu'il luy fault faire,
 Nombre d'oiseaux encor auoisinants les cieux,
 Auec herbes purgez se portent beaucoup mieux,
 Et l'ibide sçait bien se donner vn clistère.

Ah (Nature) as tu tant l'homme seul deprouués
 De sain entendement que l'usage il n'a sceu
 Des herbes simplement sur la terre posées

Sans retrancher son cours, à force d'aualer
 Ce que l'apotiquaire indocte a sceu mesler,
 Broyant la mort par-my ses drogues composées?

Qui veult trouuer des hommes mesdisans,
 Blasphemateurs, beaux suborneurs de filles,
 Ioueurs de Detz de chartes & de quilles,
 Blasmans autruy, & autruy mesprisans,
 Trompeurs naïfs des plus fins Courtisans,
 Cabarestiers, à butiner habiles,
 Vrays boute-feux pour les guerres ciuiles,
 Qu'il cherche vn tas d'incongnu & artisans.

D'errer ceux cy qu'il charge encor en crope,
 Des scelerats la signallée trope
 Quide voller aux villes font metier:

Et prophanants toute sainte police,
 Dans la cité ne font moindre leur vice
 Que s'ils estoient dans l'autre forestier.

D'où vient au villageois cette face nouuelle?

Qui a changé la faux en hostile fureur
Le petit chalumeau en martial horreur,
Et le coulter terreux en meurdrière alumelle?

Au bon vieil temps estoit plus qu'une colombe
Simple rusticité: Mais quoy? le laboureur
Veult de tous les estats deuenir la terreur,
Plein de deception, de fraude & de cautelle:

Affecté, soubsonneux, Empereur par vouloir
(Heureux Princes & Rois de ce qu'il n'a pouuoir!)
Qui contre tous estats à tous propos gasonille.

Rude plus que n'estoient les vilains Liciens,
Quand pour empescher l'onde aux bessons Deliens,
Leurs corps furent changéz en forme de grenouille.

82

Si le soudart n'est pareil au brigand
En cecy est la seule difference,
L'un auoué, de meurdrir à licence,
L'autre estant pris est pendu quant & quant.

Ils ont tous deux le courage arrogant,
Hardy tant plus que moindre est la deffence,
A butiner chacun d'eux se dispençe,
Et par blasphemé est le ciel prouoquant:

De promethé à l'un est deu la peine,
Ou de Thésé la plutonique chaîne,
Qui ont le ciel & l'enfer étonné:

L'autre s'en va parmy les gresles nues,
Qui pour pleurer là-bas sont detenues,
Depiter l'heure & le iour qu'il fut né.

83

Du gros sang que python par sa playe percée
Fuida dans un boubier, le voleur se concent
Et le sauuaige lait d'une Tigresse il but,

LE PORTRAICT DE LA
Qui sur l'homme premier a sa rage versée.

Il a contre le ciel la Centaine dressée
De ses meurtrieres mains, & tant cruel il fut,
Que d'un Molosse cuit, Iupiter il repent,
Et de son propre enfant à la chair transpercée.

Il ne pensoit que Dieu eust le pouuoir d'en haut
(Car il n'en croioit point) de punir son deffaut,
Et reprimer un iour son cruel malefice.

Bref ie croy que l'enfer ne s'estoit souuenu,
Après auoir au bois mis un homme tout nu,
Faire du pauvre corps un sanglant sacrifice.

84

Quiconque fit rouler les grands Sapins
Au bord de l'eau, du plus haut des montaignes,
Pour fendre apres les liquides campagnes,
Il n'aymoit pas le repos des humains.

Il viola de ces crepelu & plains
Le long seiour, y dressant des enseignes.
Aux ondes lors (Neptune) où tu te baignes,
De-soubz le fer fallut ployer les reins.

Prothé de sur ses épaules glissantes
Pourra forcé, les armes meurdrissantes,
Qui rougissoyent ses marbrines couleurs:

Le continent, & puis l'onde Marine
Se veirent lors bien peuple & de vermine,
D'hommes sanglants, auares & volleurs.

85

Si l'ordre naturel se renuerse en nostre age,
Si la terre à son sein cache fruit resserre,
Si tout son bien Neptune au gouffre tient serré,
Et si le ciel emeu nous darde son orage:
S'il nous aduient encor Catatlysme ou vorage,

Si nostre air est d'airin & le dessous ferré,
 Si le monde par guerre & peste est atterré,
 Si nous voyons encor quelque plus grand dommage,
 N'accuson point les Dieux, pour n'estre assez benins
 N'accuson point les cieux, qui sont trop peu sereins,
 Les Planettes qui sont en aspect trop malignes:

Mais die le plus grand, le moindre & le petit,
 Que le peché où trop l'homme s'assubietit,
 A tout seul anfanté ces enormes ruines.

86

Maudits soyent ceux qui furent les premiers
 A retirer d'Auerne la Magie,
 Et qui ont tant nostre terre farcie
 De fanx Deuins, enchanteurs & sorciers.

Cela n'est plus qu'un estat à bouuiers,
 Qui tant souilla la vieille Canidie,
 Thessale avec toute sa centurie,
 Et de Circé les dangereux bourbiers.

Tirer les morts du fond d'un Cymetiere,
 Torner en haut le fil d'une riniere,
 Mettre le ciel & les Astres en feu,
 Voir au printemps la pruine qui rampe,
 Voir le venin glacé qui se detrampe,
 Faire ternir fleurs & fruiets n'est que ieu.

87

Plus grand bien ne requiert, quand ieunesse l'abuse,
 Que venir au vieil temps un muable Prothé:
 Puis quand le beau printemps de sa vie est osté,
 Changeant d'affection, sa vieillesse il accuse.

Tant horrible ne fut la teste de Meduse,
 Qu'il cuide estre sa fin qui vient d'autre costé,
 Tant plus il sent les ans charger son dos voté,

LE POVRTRAICT DE LA

Tant plus à souhaitter la ieunesse il s'amuse.

Il voudroit auoir l'heur du pere de Iason,
L'étuy porte-beauté du Leshien phaon,
Et les ans eternels du mari de l'aurore:
Où les iours de celuy qui le sang étancha
Des cent cols serpentins, qu'Alcide retrancha,
Et peu à peu (pendant) son age le deuore.

88

NE ris tu point (ô petit Dieu d'amours)
Quand tu as pris le grison en cet age,
Où il deuoit se monstrier le plus sage,
Et l'as fait fol sur la fin de ses iours?

Par toy il fait le iour cent mille tours:
Il court cherchant vn amoureux breuuage,
Les points couplez, quelque charmé langage,
Sans épargner des sourciers le secours.

Le triple tour par trois fois il tournoye:
Deuant le feu, qui du Laurier ondoie,
Il met la cire & le limon aussi:

Il va pincer ce que vers sa cruelle
Tient le poulain, pour flechir sa cruelle,
Quand enragé il la voit sans merci.

89

Pourquoy donc cachez vous les lumieres subtiles
De vo^x yeux, quand il faut peser vostre forfait,
Puis venans decouurir d'autrui quelque meffait,
Vous estes transformez en Momes ou Zoiles?

Les Lamies errant's par les plaines fertiles,
Ont des yeux Linceans pour voir ce qui sy fait:
Mais au retour d'iceux, chacune se deffait,
Pour ne voir rien au fond de leurs antres steriles.

Ainsi dit on que l'homme a tousiours dessus luy

*Vne besace, ou sont tous les vice d'autrui,
 Au sac qui pend devant, & les siens en derriere.
 Tu veux pincer dans l'œil de ton frere vn fectu,
 Et tu ne sens (ô fol) tant auenglé es tu,
 Vne poutre qui ia te couure la paupiere!*

90

E*N fin raiut d'Achil' le bouclier fort
 Entre les mains de l'itquois Neptune:
 Et le porta dessus la fosse brune
 D'Ajax, à qui les Grecs en firent tort.*

*Pense tu point qu'apres ton vain effort,
 Nemese a sise au dessus de la Lune
 Ne laisse choir de sa dextre importune
 La recompense & loyer de ton sort?*

*Si tous tes iours en vices tu consommes,
 Si tu ne crains la puissance des hommes,
 Et si ne peut leur force t'offencer.*

*Les Dieux (pourtant) qui du mal se souuiennent
 Comme du bien, quand tu n'y penses viennent
 Pour tous les deux iustement compenser.*

91

I*On adoreroit or' le pourtraict de Silie,
 Embrassant tendrement son pere d'une main,
 De l'autre luy tendant le nourricier tetin
 Qui soustint en prison sa vieillesse moisie.*

*Qui verroit sans horreur la tygresse Tullie
 (Vitupere eternel de l'empire Latin)
 Ayant du char meurdrier, dans le froid intestin
 Du viel corps paternel, la rouë enseuelie?*

*Le ieune Cicouneau par deuoir mutuel,
 Alimente & soustient son pere naturel,
 Recompensant le bien receu en son bas age:*

*Au contraire l'enfant a son pere en mépris,
D'ennuy luy faict blanchir ses cheueux deia gris
Eſperonnant ſes iours, pour voller l'heritage.*

92

IEprise plus l'ennemy deſcouuert,
Que le flatteur qui pour amy s'aduoue,
Quand le flatté au deſſus de la roue
Voit de fortune à plain le coffre ouuert:
Car ſi vn coup cette faueur ſe perd,
Le fin pipeur autre perſonne iouë,
Ce qu'il chantoit premier, il deſaduouë,
Et iette au vent ce qu'il tenoit couuert.

De ſon paillard tout ainſi ſe depeſche,
Qui ne ſçait plus de quel bois faire fleche,
En ſe moquant la ruſée putain:

Mais comme l'or en la braiſe s'épure,
L'âpre ſaiſon & la fortune dure,
Font bien ſçauoir qui eſt l'amy certain.

93

Heureux à qui le ciel tant de faueur oëtroye,
Qu'il boit à ſon plaisir au vaiſſeau de Neſtor,
Qu'il voit mourir Polux & reuiuire Caſtor,
Et voltigeant ſur l'air ſuit l'Atlantique voye:

Mais ſi trop temeraire, vn coup il ſe fournoye,
Or laiſſant le coſté qu'il deuoit ſuivre, & or
Volant trop lentement, puis trop roide, & encor
Si trop par les cachots de l'Olympe il tournoye,
Comme Icare, branlant ſon plumage trop haut,
Abuſé de ſon ſens, ſe vit verſé d'un ſaut
Où ſon ſepulchre fut la mer Icarienne,

Ainſi luy en prendra par ſe trop eſtranger,
Furetant tels ſecrets, & ſe met en danger.

De tomber au plus bas de l'onde Stygienne.

94

IE ne voy point à quoy sert le freslon,
Qu'à remplir l'air d'un groumellant murmure,
Et à ficher la cuisante peinture
Qu'il tient au bout de son traistre éguillon.

Du mesdisant autant dire en peut lon,
Né pour le tort, pour le blame & l'iniure,
Semant l'amair de sa lange periure,
Comme lon faict l'orge sur le sillon.

Mettant au iour vn visage qu'il farde,
Secrettement son venin froid il darde
Ne plus ne moins que le Scorpion fait:

Auec tel art il deguise sa ruse,
Que bien souuent l'innocent il accuse,
Quand luy-mesme est coupable du meffait.

95

Combien de trahisons auons nous veu dressées
Du fils contre le pere, & du frere à la sœur?
Combien de fois encor le frere trahiseur
A il du frere sien les entrailles percees?

Combien de villes sont à fleur de champs laissées,
Que le propre habitant, loin d'humaine douceur,
Et transformé en Ours ou en Loup rauisseur,
Auec l'ennemy luy-mesme a renuersees?

Si quelcun a souffert insigne trahison,
Elle a esté conceüe en sa propre maison,
Par celuy qu'il cuidoit luy estre plus fidelle.
Ainsi l'oiseau priué, au fillet du pipeur
Attire son semblable avec vn chant trompeur,
Puis le laissant au fond fend l'air à tire d'aile.

L'vn proprement sçait manier le dé,
L'autre en iouant pipera bien la charte,
Pour en choisir la cinquiesme ou la quarte,
Quand lon a d'as ou de sept demandé.

Le ventre à l'un tousiours a commandé,
L'autre aime mieux que l'empire du Parthe
Sa dame, alors qu'avec elle il s'écarte
L'autre apres l'or conuoité s'est bandé.

L'un fait bastir comme si tousiours viure
Il pretendoit: l'autre creué, s'en yure
Comme il feroit à son dernier repas.

Pendant languit le pauvre nud qui couche
Sur le fumier: & sec comme vne souche,
Attend la mort qui le suit pas à pas.

Pendant que le Lion & Sanglier s'entrebattent,
L'affamé Vautour est sur quelque arbre perché:
Et guette qui sera le premier depeché,
Attendant pour butin l'un des deux qui combattent.

Cependant que les Rois & les Princes debattent,
Le voleur qui estoit dans son antre caché.

Vient butiner, voyant l'un & l'autre empesché,
Et les uns qui meurdri, sur les autres s'abatent.

Les grands larrons qui font attacher les petits,
Soulent iusque au creuer leurs gourmands apétits
Aussi tost qu'il s'écroule vne guerre cinille,

En ce point le pescheur sent son gain redoubler,
Quand pour pescher l'Anguille il a veu l'eau troubler,
Qui periroit de faim l'ayant claire & tranquille.

Ie ne veux point la ieunesse excuser,

Ny ceux qui ont attint le viril age,
Et moins beaucoup ceux qui ont l'avantage
Sur les vieux iours, & en peuuent vsr.

Le riche peut de ses biens abuser,
Et le coquin souhaite en son couragé
D'en faire autant, ou encor d'avantage,
Et tousiours croist matiere d'accuser.

Comme vn Poulain qui n'a senti la bride
Vague lascif, par la campagne vuide,
Ainsi chacun au vice debordé

Mais de-sur tout i'impreue la paresse
Des ieunes ans : la paillarde vieillesse.
Et encor plus le pauvre outreuidé.

99

IL faut à Iupiter refendre la ceruelle,
Et retapir Pallas en son nic ancien:
Il faut murer les sœurs dans l'autre Tessien,
Ou rechasser au ciel cette trope immortelle.

Puis si de quelque bien l'esperance t'apelle,
Sois rusé & flateur, voila l'heur de ton bien,
N'aten point que les arts iamaïs t'aportent rien,
Quand bien tu serois né sur la crope ieumelle.

Cette vertu n'est rien qu'un proverbe commun,
Le plaisanteur en table est prisé de chacun
Plus que ceux dont le nom de siecle en siecle vole.
Malheureuse vertu ! (ainsi Brute disoit
Quand le poignart meurdrier Iason sang'épuisoit)
Car fortune a les biens, toy rien que la parole.

100

On ne voit point les poissons tant diuers
Entre les murs de Thetis Argentee,
Que les costeX de la terre habitee

De differens citoyens sont couuers:

Deux points nous ont ces diuorces ouuers:

Richesse est l'un, des mondains souhaittee,

Et pauurete de chacun depitee,

Rien que cela ne trouble l'uniuers.

En fin (pourtant) le belistre & le braue

Tombent d'acoord, dans l'obscur de la caue


Qui les retient estroittement cachez.

Ainsi la fin d'une partie assemble

Sur l'echequier Rois & pions ensemble,

Et puis ils sont pesle-mesle ensachez.

Fin de la premiere senturie.





LE POVRTRAICT DE

LA VIE HVMAINE,

SECONDE CENTVRIE.

Sonnet premier.

PLEVREZ mes tristes yeux : Tristes yeux
messagers
Des internes regrets, & postes du martyre,
Du cuer presque pame, qui tremblotant
souple,

Et en larmes noyeZ voZ rayons passagers.

Et toy cerueau gelé, pour ces flambeaux legers
Fai degouter plus d'eau, que sous le doux Zephire,
Quand l'Aurore nous voit, le beau prén'en retire,
Les bocages toffus, ny les riches vergers.

Vous encor immortels qui tenez cette boule,
Et ce qui à l'entour par bon compas se roule,
Donnez moy maintenant abondance de pleurs.

Donnez moy les regrets, des tristes Heliades,
Et les cuisans soupirs des sept belles Hiades,
Qui seront truchemens de mes aigres douleurs.

2.

Dieux tout-voyans, desquels la main puissante
Tient le bon-heur & mal-heur des humains,
Astres perlez qui en estes tesmoins,
Dont la beauté quelque fois nous enchante.

D



LE POVRTRAICT DE LA

Et toy encor Deité pallisante,
 Qui as l'obscur Empire sous tes mains,
 Et vois errer, par les sombres chemins,
 Tous ceux qui vont aux iours de Rhadamante.
 Si cela n'est contre voſ ſaincts decretz,
 Accompagnẽz à ce coup mes regrets,
 Regrets heraux de la miſere humaine.
 Veneſ de moy toute ioye bannir,
 Et (ſi ie puis tant de bien obtenir)
 Que mes deux yeux ne ſoyent qu'une fontaine.

³
Vous eternelles nuitẽs, ſi encores au iour
 Ce qui eſt enfermẽ la-bas vous pouuez rendre,
 Rechassez ce Tymon, que vous fites deſcendre
 Au fond oũ ſtix defend le paſſage au retour:

Lors le ſort mal-heureux de ce mortel ſeiour,
 Vous pourrez de là-bas (Palles eſprits) entendre,
 Par les cris qui feront ſous nous la terre fendre,
 Puis il vous chantera le meſme à ſon retour.

Noſ regrets qui feront meſme gemir la terre,
 Ramolliront auſſi le dur flanc de la pierre,
 Que nous arroſerons du ruiſſeau de noſ yeux.

Les ſanglotans ſoupirs tirez de la poitrine,
 Quand l'un & l'autre poing à la plomber il ſ'obſtine,
 Pourront bien émouuoir à pitié tous les cieux.

⁴
 202/3 **S**i au danger doit rire le vilote,
 Quand ſon vaiſſeau dans les vagues pendu,
 Par mille endroits i'a caſſé & fendu,
 Humela mer qui dans le milieu flotte:
 Si le marchand auallé dans la grotte,
 Oũ le volent l'embuſcade a tendu,

Peut s'égayer, ayant bien entendu
Que là sa mort prochaine se complete:

Si pres du loup s'assure l'aiglelet,
Et l'oïsson quand il chet au fillet,
Ou le sanglier que l'épieu quarré sonde:
Bref, si quelcun au milieu du mal-heur
Se tient ioyeux, sans changer de couleur,
L'homme a de quoy s'esjouir en ce monde.

5
4 **Q**uand le simple oïselet chante tout à loisir,
Perché sur l'Aubepin au plus haut de la cyme,
D'un iargon fredonné tous les plains il anime
S'enjurant de son chant, tant il y prend plaisir:

Mais l'afféré pipeur, qui l'a bien sçeu choisir,
Le vient enveloper plus soudain qu'il n'estime,
Lors le pauvre animal pert son chant & sa rime,
Et luy est tout son bien changé en déplaisir.

De l'homme tout ainsi la fortune se iouë,
Le iettant pour un temps au plus haut de sa rouë,
Où son mal aduenir, hélas! il ne voit pas:

Mais elle qui ne veut que long temps il sejourne
En un estat heureux, son traistre bras retourne
Et le vient tout d'un coup cullebuter en-has.

6

3 **V**ne prudence en une ame bien nee
(Ah pesant corps! que n'es tu aussi prompt?)

Les vains efforts de la fortune rompt,
Quoy qu'elle soit depite & mutinee,

O qu'il est bon tout en une iournee
Voir le passé & les iours qui suivront!
Pource portoit iadis un double front
Ianc, principe & terme de l'annee.

D ij

LE PORTRAIT DE

Mais l'homme fol, quand il s'est deuestru
Et de prudence & de toute vertu,
Et quand sur luy le vice s'est fait maistre,
Il suit le mal (perdant le souueur
Du temps passé & du temps à-venir)
Comme vn cheual tiré par le cheuestre.

7

De **L**E Loup mange-tropeau tant soit il affamé,
Jamais au plain des chāps l'autre Loup ne deuore.
Le Lion son pareil: le Tygre, ny encore
Jamais l'Ours à la mort l'autre Ours n'a entamé.

Iamais le serpent froid l'autre n'a diffamé.
De son venin mortel, ô grand Dieu que i'adore,
D'où coule tant de sang qui la terre colore?
Pourquoy voit on vn corps de-sur l'autre pamé?

Contre l'homme éperdu l'autre homme se mutine,
L'homme trame & ourdit à l'homme sa ruine,
Et dans son tiede sang vient échauffer sa main.

L'homme depit, n'en veut qu'à l'hōme son semblable,
L'homme seul est à l'homme & rude & intractable,
Et le iuste est souvent du meschant le butin.

8

Sur **P**Our auoir fait vne image de bouë,
Braue se peut promethee exstimer,
Et mieux encor l'ayant peu animer
Du feu raiu sous la diuine rouë:

Les pieds, les mains, les aureilles, la iouë,
Par moy le font industrieux nommer,
Mais l'estomac qu'il est venu fermer,
Fait que du tout son labeur ie ne louë.

Hé qu'on eust veu (ouurant cette prison)
De traistre fard d'enuie & de poison

Cachée au fond de l'armoire subtile!
L'aigre-douceur y a masqué le fiel,
L'abîsme y dort sous la vague tranquille,
Et le venin y trempe sous le miel.

9

Lon dit que Jupiter dans son Olympe tient
Deux grands tonneaux remplis de matière diverse,
Desquels sur les humains différemment il verse
Tout le bien désiré, & le mal qui advient.

Le bien sort lentement de la fenestre vient,
Mais la dextre sur eux l'autre des maids renverse,
Qui bien tost les mettroit tout plat à la renverse,
Si n'estoit la bonté du Dieu qui les soustient,

Las chetif animal ! animal trop fragile !
Sepulchre de l'esprit ! pauvre vaisseau d'argile !
Qui a si fort enflé ton cœur audacieux ?

Voy que pour accabler ton vain orgueil se bande
Non seulement ici des animaux la bande,
Mais l'homme ton semblable, & la terre & les cieux !

IO

Soit ou Daimon, ou personne mortelle
Qui vint graver ce petit escriteau,
Cognoy toy-mesme, au plus haut du poteau
Où diuinoit le saint harpeur de Dele,

La gravité de la sentence est telle,
Que ie voudroy' que dans l'humain cerueau
L'eust peinte au vif quelque divin pinceau,
Pour y rester viue & perpetuelle.

Ces mots, de vray, monstroient en quel mépris
Le Dieu chassoit tous ceux qui mal appris
N'auoient, trop lourds, d'eux mesmes cognoissance.
Car qui de soy luy-mesme ne sçait rien,

LE POVRTRAIT DE LA
Or diuines comme il cognoistra bien
Les saintes decrets de la haute puissance.

II

NY l'orgueil Indien, ny l'Arabe tresor,
Ny du leuant perlé la cheuance plus rare
Ne plait à l'estranger, bien qu'il pourroit auare,
Y prendre pour du plomb des riches lingor & d'or.

Bien qu'il guinde la voile, & qu'il s'enuole encor
Sur les flots écumeux, & qu'actif il s'égare,
Pour voir la terre neuue & le peuple barbare
Sous les Astres beneins de Polux & Castor.

Iamais il n'est content si le vent ne ramène
Son vaisseau & son bien de sur sa propre arène,
Et s'il n'a de son port le sein moite aperceu.

Il ne faut point aussi qu'heureux l'homme se vante,
Quoy que le flatte icy la terre deceuante,
Tant que l'esprit au ciel d'où il vient soit receu.

II

LE premier iour qui nous fait voir la terre
Et le dernier, sont les extremités
Des maux icy à l'homme limitez,
Dont l'un en peine, & l'autre en paix le serre.

La vie humaine est de vray une guerre,
Où les tranchans sont autant frequentez
Qu'aux plains sanglans, où deux camps irritez
L'un contre l'autre ont braqué leur tonnerre.

Pource pleuroit Thrace le premier iour
Que ses enfans voyoient nostre sejour,
Desquels ioyeu se estoit la sepulture.
Pource at on creu que le principal point
Du vray bon-heur, est de ne naistre point,
On de tomber bien tost en pourriture.

13

Tout ce que descendant au giron de Thetis,
Mille fois nous repeint la flamboyante lumiere,
Quand Aurore aux yeux vers, du beau iour tresorier,
Tient ses cheuaux de court au frein assuiettis:

Tout ce que vont (enflé de cent ruisseaux petis)
Les fleuves furetant au long de leur carriere,
Tout ce que tient caché la plus riche miniere,
Tous les biens que nous a la terre departis:

Si quelque poids retient la doctrine des sages,
Que le peuple ancien estoit heureux d'ouir,
Ne doiuent émouvoir des humains les courages.

Car combien peut durer la fortune prosperée
Qui croira que son bien deceuant perseuere,
Et qu'un iour sans aigreur lon en puisse iouir?

14

Mieux a depeint de la vie mortelle
Un vis pourtaict le prophete affligé,
Qu'en un tableau tout expres erigé.
Ne l'eussent peint Protogene & Apelle.
L'homme (dit Iob domtant sa chair rebelle)
Sent de son cours le bref temps corrigé
Par mille maux, dont il est outragé
Comme au milieu d'une guerre mortelle.

L'homme qui est du iour fatal attint
Infortuné, comme l'ombre s'étint,
Et n'a rien seur son heure fugitive.

Ainsi voit-on sous Aurore la fleur
Deuveloper vne vaine couleur,
Puis se fanir quand la chaleur arrine.

15

Il ne m'ebay plus si les saints du vieil temps

82 LE PORTRAICT DE LA
MeneZ d'un saint desir, auoient tous mesme enuie,
Que de ce pesant corps leur ame fut ranie,
Ne voyans rien icy pour les rendre contrains.

Car les sages mondains, beaucoup plus inconstans,
EnnuyeZ qu'à ce tronc l'ame fut asseruie,
A la sanglante mort ont eschangé leur vie,
Iusque au dernier soupir leurs malheurs depitans.

Ceux cy d'humain sçauoir tant seulement épris,
D'un sepulcre charnel deliuroient leurs esprits,
Les tirans par le fer d'une prison obscure.
Les autres deprisans, d'un cueur bien plus diuin,
Tout le bien qui s'enclot sous la mortelle main,
Aspiroient au thresor de la vie future.

16

9 **S**i le peché liure mille batailles,
Si par peché le vray bon-heur nous suit,
Si le peché nostre vie destruit,
Dardant la mort au fond de noz entrailles,
Où sont noz biens auant les funerailles,
Puisque perse comme l'ombre nous suit?
Est il espace où peché n'ait le bruit
Aux plains des champs, ou entre les murailles?

Or si mal-heur suit le vice damné,
Miserable est l'homme auant qu'il soit né,
Puisque de vray, il est conceu en vice.

Concluon donc que le mal-heur cuisant
L'homme au tombeau reclus va conduisant,
Qui le chargea au fond de la matrice.

17

10 **L**a plus grand part de ceux que sages nous disons,
Tant se sont mutinez crians contre nature,
Que son sein amoureux ils ont remply d'ordure,

Vomissants au milieu leurs mortelles poisons.

Mille plaquars vilains, mille & mille blasons
Ont este mis au iour, rebobinez d'iniure
Vieille, auenble, marastre, aspre, ennemie, impure
Estoient les plus beaux mots de leurs graues chansons.

Aucuns d'eux murmuroient qu'elle estant offensée,
Douce plus se monstroït à la beste insensée,
Qu'à l'animal armé de raisonnable sens.

Autres luy souhaittoient vne forme visible,
Esperants bien qu'alors il leur seroit loisible
Euit les malheurs à-venir & presens.

18

Lors que Circé, impudique sorciere,
Lent en pourceau son Grille transformé,
Il refusa, tant il estoit charmé,
De reuestir sa figure premiere.

Qui le tenoit ventré dans la lictiere?
Je suis (dict-il) plus qu'assez informé,
Par quantes loix le vice est reformé,
Qui des mondains va haultsant la banniere:

Or maintenant deliure ie me voy
Du iugement, du iuge & de la loy
Auec plaisir ensondré dans la fange.

Ah monstre sale! est-ce si peu de cas
Du genre humain, que tu ne voudrois pas,
D'un vilain porc à l'homme faire échange?

19

Terre mere de nous, qui ia riens écachez
Tât de braues morcelz que l'age a faict dissoudre,
Dy moy les as tu tous faict retourner en poudre
Si tost qu'ils ont esté dans ton giron couchez?

Leurs biens sont ils aussi dans ton ventre cachez?

LE POVRTRAICT DE LA

Ne les verrons nous point encor un iour ressoudre?
 Respon, feras tu point tes entrailles descoudre
 A celle fin qu'ils soient du milieu arrachez?

Cesse cruelle, cesse ô, tes grands bras estendre
 Pour resserrer noz corps prests à tomber en cendre
 Qui pour viure & marcher sur tes flancs, furent mis.

Mais quoy? ie parle en vain: car dās tō Palais sombre
 Faut que i'aille augmenter de ceux mesmes le nombre
 Qui sont dedans ton sein serrez & endormiz.

20

LAs: que ne m'est par quelque Dieu monstree
 Cette forest, ou le Rameau luisoit
 Qui outre Stix au beau pré conduisoit,
 A fin qu'aussi i'y eusse mesme entree?

le congnoistroy de quelque ame sacrée,
 Mon bien futur, là ou le predisoit
 A son Enée Anchise, & luy disoit,
 Qu'il mettroit loix en estrange contrée.

Palles esprits dont les corps décharnez
 Sont ia poudreux, par decret ordonnez
 Quel'un de vous remenne sur la terre:

Lors discourant sur les humains malheurs,
 Ceux qui l'oyront auront un cœur de pierre,
 Ou de metal, s'ils ne fondent en pleurs

21

Stimulé de douleur au plus beau de ses iours
 Ce pacifique Roy, Roy le plus pacifique
 De tous ceux qui ont eu le sceptre Iudaïque,
 Avec soupirs aigus fit ces tristes discours.
 Las, quelle fin prendra de ma vie le cours
 (Disoit ce Roy sacré) si la pointe me pique
 (Et ie suis seur qu'ouy) de cette parque inique,

Rompant tout le plaisir de mes heureux seiours?

Bon Dieu! que deviendra cette charongne sale?

Faut-il point qu'au sarcueil poudreux elle denale

Pour estre le repas des anmiaux abiests?

Ou sera (pauvre corps) ou ta gloire diuine,

Quand tu seras rangé parmy cette vermine,

Dans le mesme cendrier qui couue tes subiects?

22

Heux qui sçait la grand plaine estendue

Et le profond liquide mesurer:

Heureux qui peult de la terre épurer

Tous les metaux apres qu'il la fendue.

Heureux qui a l'ordonnance entendue

Du faix qui vient sur Atlas s'asseurer:

Heureux qui peult dans l'air s'auanturer:

Pour voir cela qui est outre la nue.

Heureux qui a la promesse d'Achil:

Heureux qui est plus facond & subtil

Que l'Itaquois, qui decent Polipheme.

Tout cela fait l'homme heureux estimer,

Et malheureux mille fois le nommer

S'il ne cognoist & son Dieu est soy-mesme.

23

Q'on tende maintenant la harpe qui sonna

Parmy le peuple Hebrien: qu'il tel son elle entône

Que tout homme viuant icy bas, s'en étonne;

Puisque Dieu immortel luy-mesme la donna.

O malheureux mortelz que le ciel ordonna

Pour congnoistre & seruir à ce grand Dieu qui tonne,

Est-ce à iamais qu'au mal vostre cœur s'abandonne

En méprisant le bien ou Dieu vous destina?

Ce monde chatouillant & ses delices vaines,

LE PORTRAICT DE LA

*Vous feront elles voir les richesses certaines
EnfleZ des biens qui sont en vne heure écoulez?*

*Tât plus vous deuoreZ, plus vostre faim s'augmète,
Tant plus vous yurongneZ, plus vostre soif s'augmente.
Tant plus vous estes plains moins vous estes soulez.*

24

CE brave corps ieune, fort & agile
Gras & ventru, mieux paré & vetu
D'habillemens que d'honneur & vertu,
Trouue le cours de sa vie facile.

*Penses tu point (ô animal fragile)
Que tu seras aussi sec qu'un festu?
Et qu'auisi tost tu seras abatu
Que le vaisseau qu'un potier faict d'argille?*

*Le corps te plait, & le monde te rut:
Tu n'as soucy que deviendra l'esprit
Quand par la mort ta chair sera frappée.*

*Tu prens le mal, & fuis le bien ainfi
Que faict un fol, & comme un fol aussi
Tu prises plus le fourreau que l'espee.*

25

LEs bestes n'ont si tost veu l'air du premie iour,
Que celle à quatre pieds bien vite ses pas dresse
Hors de son petit nic: puis de mesme alegresse
Elairette le chemin pour y faire retour.

*L'autre faict de son corps un double ou triple tour
Et de son ventre froid l'herbe tendrette presse:
L'autre prisant trop peu la terre qu'elle laisse,
Tranche l'air, & va voir des nues le sejour.*

*L'autre ioue à son aise & dans l'onde se glice:
Mais des membres humains nul ne faict son office
Pour son corps nouveau né, comme un tronc estendu*

Il semble que déjà le premier iour diuine
A l'homme son malheur, que l'autre iour termine,
Qui le voit pour long temps au Sarcueil descendu.

26

Que penses tu? qu'elle fureur t'enchante?
Qui t'a (dy moy) derobé ton bon sens!
La mort (dys tu) vient acoursir mes ans
Qui traistre vont comme l'onde est coulante
Le Cerf réant qui au bois se contante
Le vil corbeau, mille autres par les champs
Qui affamez leurs apatz vont cherchans,
Triplent les ans de ma vie fuiante.

Ah malheureux! ah tu ne connois pas
Que cette mort n'est qu'un léger trépas,
Par qui ton ame en repos est rauie!

Le criminel bien auéglé seroit,
Quand à celuy resistance il feroit
Qui pour la mort luy vient rendre la vie.

27

Si tu veux profiler insqu'au commencement
Qui sur terre produit l'humaine creature,
Quel venin elle prend en lieu de confiture,
Quel est son beau logis, quel son bel ornement!

Si de quelle matiere est son accroissement,
En quel danger la tient vne matrice impure
Quel écueil pour son liét luy prepare nature,
Et combien à sa mere elle, fait de torment.

Voy ceux qui ont cherché l'origine mortelle:
Voy que la seule odeur qui vient d'une chandelle,
Peult se petit tendron au ventre suffoquer:

Voy comme en lieu vilain lon gette la semence,
Comme naist en douleur, & en peril s'anance

LE POVRTRAICT DE LA
Celuy qui veult la terre & le ciel prouoquer

28

NE pouuois tu contant de ta misere,
Enfant cruel? venir à la clarté,
Sans tout premier que tu sois enfanté
Mettre en danger de mort ta propre mere?

Quoy? n'as tu point ainsi que la vipere
Son pauvre ventre à demy éclatté?
Ah! quantes fois (ô mere t'ont osté
Ton part sanglant, le fer & le cantere?

Meint animal se trouue sous le ciel
Qui entretient son pere deia vieil,
Sa mere aussi au mesme age affermie:

Mais toy, auant que prendre le tetin,
Laisse de mort le malheureux destin
Ou tu as pris commencement de vie.

29

Quel est le premier chant de la natiuité?
Quel est le beau manteau? de soye ou d'escarlate?
Quel blanc linge à couuert cette chair delicate
Quand au gouffre de maux l'homme est precipité?

Les pleurs, les cris, le froid & l'ardeur de l'esté
Le tranchant de la mort qui la caresse & flate,
Le sang ia épais qui la fait incarnate
Sont les auant coureurs de sa felicité.

Cette pollution, cette aparente ordure,
Du vice originel est la viue figure,
Et de ses maux futurs les signes euident.
Noz peres imprudents ont la grape mordue,
Et la faulte aux enfans est si bien descendue
Qu'ils retiennent encor l'aigreur entre leurs dents.

30

Tout ce qui vient sous la voûte Etherée
 Pour se mouvoir, pour croistre & pour sentir,
 Se voit naissant, de la robe vestir
 Qui ia luy est consue & preparée.

De calicule & plume peinturée
 De cuir & poil qui dessus vient sortir,
 Nature sçait les habits assortir,
 D'écaille aussi, & de peau bigarrée
 Mais l'enfant nud hors du ventre arraché
 N'a point vn seul de ses membres caché,
 Bien que le ciel tonne, gresle ou foudroie.
 S'il n'est bien tost au giron recueilly,
 Du premier hurt qu'il se sent assailly
 Le voila faict des animaux la proye.

31

DE tout ce que la terre en ses flancs a porté,
 Elle est la douce mere, & soigneuse nourrice:
 Mais l'enfant, aussi tost qu'il chet de la matrice,
 Il est chassé au loin comme vn fruit auorté.

Quand ce petit douillet doit estre conforté
 Du tetin maternel, oubliant son office
 L'âpre mere permet que d'elle on le bannisse,
 Et qu'au sein estranger son fruit soit transporté.

Va miserable enfant va vers quelque seuillarde,
 Succer le lait impur de cette babillarde
 Et les vices parmy, en ton age enfantin.

On est (à vostre aduis) la brutte sauuagine,
 La Tigresse hircanic, ou rampante vermine
 Qui faict estre son part d'un autre le butin?

32

TRistes esprits vn iour vous fistes fendre

LE PORTRAICT DE LA

Le plain de l'air, quand vous aliez puisants
Dans l'estomac mille soupirs cuisants,
Et regrettiez de vos citez la cendre:

Ne pleurez plus le stupre d'Alexandre,
Ne pleurez plus le siege de dix ans,
Ny les clairs & fiffres conduisans
Ceux qui alloient en affrique descendre.

Ne pleurez plus l'honneur Batien,
Le double port iadis Corinthien,
Ny les hauts murs de la braue Bellone.

Mais bien venez accompagner mes pleurs
Et des mortelz regrettons les malheurs
Tant que du cry le ciel mesme s'étonne

33

N'Attens tu point (mortel) de ce grand Dieu la
voix

Qui fait l'homme semblable à la fugitiue ombre,
A la fumée encor, de tous ses iours le nombre
Obliquement traîne par infinis détroits?

Mais qu'est-ce (à ton aduis) cét ombre que tu voids
Qu'un phantome sans corps, ou une idole sombre
Qui ne sert à tes yeux que d'ennuyeux encombre
Qu'une heure en mesme lieu naïrcir tu n'aperçois
Ainsi l'homme orgueilleux semble quelque grand
chose,

Mais étoupe son nez & tien sa bouche close,
A l'instant tu verras son orgueil effacé.

Comme l'ombre perit quand la nuit est venue,
Lon ne scauroit aussi iuger qu'est deuenue
L'excellence du corps, quand il est trépassé.

34

L'Epais brouillard quand en voure il s'entasse

semble la terre & le ciel menasser,
 Mais un rayon s'en vient outre-passer
 Qui bien soudain tout ce chaos efface.

Souuent un feu dans le chaume s'amasse
 Qui veut sa pointe outre Olimpe chasser,
 Mais peu apres si tu viens repasser
 Tu ny verras tant seulement la trace.

J'ay veu (disoit le Prophete Royal)
 Leuer le chef à l'homme déloyal
 Comme un Cipre qui sur Liban vient naistre,

Mais peu apres ce beau commencement
 Je l'ay cherché, & m'ébay comment
 Son premier lieu ie n'ay sceu recognoistre.

35

O R vienne maintenant Critolas droiturier
 Peser également dans sa iuste balance.
 Qu'il pose d'un costé l'ardeur d'adolescence,
 Et l'autre de l'enfant tiendra le temps premier.

Alors on cognoistra que sortant du cendrier,
 Ou des maux infinis luy forgeoit son enfance,
 Tant plus il deuient grand plus contraire est la chance,
 Plus se pense affranchir plus il se va lier.

Le sang tempestueux dans ses tuyaux bouillonne:
 Le monde le pincette, & l'age l'éperonne:
 Dans leurs toiles l'ont pris les plaisirs atrayants.

La la chair le chatouille, & la saison l'incite.
 Mais qui resistera quand l'ire se depite
 De tant, tant de scadrons, comme éclairs foudroyants.

36

I L n'en est plus: le temps qui tout deuore
 Les a sercle ces bons Catons Rommains,
 Qui declairoient en termes plus qu'humains

LE POVRTRAICT DE LA

A leurs petits, ce que nostre age adore.

L'enfant s'en va (auant qu'il puisse encore
Bien begayer) souuent de-sous les mains
D'un maistre indocte: ô parens inhumains
Larrons du temps que tant ie regrette ore!

Vous nourrissez pres de vous à tropeaux
Les bœufs, les boucs, & les sales porceaux,
Assaisonants de vos mains leur mangeaille!

Et vos enfans vont (peult estre) en mépris
A ceux qui n'ont rien plus cher que le prix,
Y feront ils (dictes?) chose qui vaille?

37

Du.
n

D'une trop folle amour les singes auenglez
Leurs petis Singeteaux tant serent & embrassent
Qu'ainsi les mignardans dans leur sein ils trépassent,
Aussi tost mis au iour, aussi tost estranglez.

De charme tout pareil ceux sont enforcelez
Qui par trop indulgens à leurs enfans, amassent
Peu a peu les cordeaux qui leurs colz entrelacent,
Pour n'auoir corrigé leurs vices dereiglez.

Ah malheureux regretz! Ah pere trop folatre!
Malheur mere, non mere ains inique marastre!
Malheureux vous enfans, priuez de correcteurs!

Destins infortunez! bon Dieu qu'elle misere,
De voir punir l'enfant deuant les yeux du pere,
Et auoir des borreaux en lieu de precepteurs!

38

R.
12

TRembler me fait le prophetique oracle
Qui fut porté à ce prestre chenu,
Pour auoir mal ses deux fils retenus
Trop insolents, dans le saint Tabernacle.
Vne heure fit non sans diuin miracle

Choir les enfans sous le bras incongnu,
Et du vieillard pour tel cas aduenu,
Monstra la fin un tragique spectacle.

Lequel des trois sent le plus dur assault,
Celuy que mort dans son fouier assault
Où ceux qui sont meurdres parmy les armes?

Ou est celuy d'un cœur tant endurcy
Qui ne frissonne en pensant à cecy?
Où est celuy qui contiendra ses larmes?

39

OR sus allon chercher dans le sacré vaisseau
Duquel la bonne odeur, du tēps ingrat maistresse,
Rauissoit les esprits que produisoit la Grece,
Et nous descourirons au fond cet écriteau.

Dy moy (pauvre mortel) que trouues tu de beau
Sur la terre, & conter dès la fole ieunesse
Iusques au dernier pas de ta froide vieillesse,
Et mesme iusqu'au iour qui te verse au tombeau?

Nefaut il point sentir la Canicule ardante?
La glace, la tempeste, & la faim abayante?
Ce que la terre garde & le ciel irrité?

Pense donc que la mort est ainsi qu'une rive
Qui du mal turbulent finablement te prine,
Et le commencement de ta felicité.

40

L'Age croissant enrichit le visage
D'un poil follet: & alors ceux qui ont
Du noble cueur la marque sur le front,
Sentent le feu épris dans leur courage.

Vertus de fer, comme un brillant orage
Les plus nombreux tranchans ils foudroyront,
Et les scadrons ennemis forceront

LE PORTRAICT DE LA
En dépitant la fureur du carnage.

Ils sont heureux sentans sur le rempart
Leurs flancs percez d'un plomb de part en part,
Quand echauffez l'un sur l'autre chamaille:

Et ceux qui sont en plus bas estat neZ,
Bien souuent sont aussi peu fortuneZ,
Que s'ils mourroient au fort de la bataille.

41

TS. 14
Ou est l'homme vinant de sous le ciel vouté;
Qui n'a senti au vis l'éguillon de fortune?
Or sus nommez m'en vn sous le creux de la Lune
Qui n'a de sa poison douce-amair e goûté.

Ombres (car de vos yeux ia le voile est osté)
En scauez vous quelqu'un dans la caverne brune?
Dites, ce nous sera vne beste commune,
Voire un miracle à vous, & au nostre costé.

Vn Cresse du iourd'huy aura demain l'office
D'un guen mange-tropeau de la maison d'Vlisse,
Au iourd'huy bon bannit celui qu'on flatoit hier
Tel pense estre bien sain à qui la palle fiebure
Vient imprimer la mort sur le teinct de la leure,
Et pour tout bien le faiet citoyen d'un charnier.

42

CE n'estoit pas dans la riche Emeraulde
(O Policrat qu'il falloit estimer
L'heur du destin la icctant en la mer,
Car tu n'y sceus apercevoir sa fraude.

Tu ne congneus comme fortune fraude,
Comme elle vient tous ses efforts armer
Pour assaillir, faisant semblant d'aimer:
Et ne pardonne en sa colere chaude.

Quand lon disoit par surnom mutuel

Fortune mere, & toy fils naturel,
Elle te vint ses pippeurs tresors tendre:

Mais non-obstant (ton plus beau iour esteinct)
Du traict mortel tu te sentis atteint,
Quand lon te vit sur le gibet estendre.

43

Si lon alloit encor au temple d' Apolon,
Si encores parloient les chesnes en Dodone,
Si prophetisoit or' la fille de Latone

Si lupin diuinoit en forme d'un mouton,
Si lon s'aualoit or' dans l'antre de Trophon,

Si la prestresse encor du Dieu qui la poinçonne
Chassoit les vers au vent quand par cent huis il tone,
Ou si groumeloit or' quelque trompeur Daimon:

Si du vol des oiseaux lon faisoit quelque estime,
Si lon auoit esgard au bond du Solistime,
Ou au chant babillard de b' Oscine amoureux:

Cela pourroit-il bien, veu le temps ou nous sommes
En termes assurees prognostiquer aux hommes
Leur destin auenglé, soit bon ou malheureux?

44

Ve sans malheur n'est le regne ou l'empire,
Les lieux poudreux ou fut l'honneur Latin,
Volant depuis la porte du matin

Jusqu'à la breche ou le iour se retire,
Ce qu'on escrit d' Alexandre & de Cira,

Xerse orgueilleux & le Scite mutin,
Du Grec menteur le Trophée & butin,
D'autres aussi en sçauoient bien que dire.

Dire en pourroit le philosophe encor
Quand introduit au lidique tresor
Il reuerroit la richesse confuse.

LE POVRTRAICT DE LA

Mais mieux Priam que nul autre mortel
Qui de son sang abreuua son autel,
Et le flatteur du Roy de Siracuse.

45

Si tost que le Mary de la belle Cipris,
Par commandement de celuy qu'on adore,
Ont de nouveau formé la pucelle Pandore,
Oeuure digne d'un Dieu, comme luy bien appris:

Minerue luy donna de sagesse le pris,
Venus de grand beauté le visage luy dore,
Mercure l'enrichit d'éloquence, & encore
Furent les autres Dieux de tel vouloir épris.

Ainsi les Rois cree par le vouloir des Dieux
Prennent dès le berceau les riches dons des Cieux,
Et ce que la largeur de la terre produit.

Mais fortune enuieuse & aux vertueux chiche
Cache tousiours le dueil de sous ce qui est riche,
Et l'ombre plus noircit quand plus le soleil luit.

46

Pour maintenir vne grandeur royale,
Pour estre aux bons bouclier & deffenseur
Pour reprimer le rebelle.opresseur,
Pour rendre à tous vne iustice égale,

Pour nourrir paix qui du haut ciel deuale,
Pour repoulser l'ennemy raiisseur,
Pour se monstrier au siecle successeur,
Tousiours viuant malgré la main fatale,

Combien d'ennuis & d'espineux obiects
Sont-ce à vn Roy qui cherit ses subiects,
Ne permettant seulement qu'il sommeille?

Mais ie vous pry quel repos a celuy
Qui comme vn fort, vn pilier, vn apuy,

Tout seul pour tant de milliers d'hommes veille?

47

Mais où est, dites moy vous qui suivez la court,
Où est ce grand profit qui tant vous y conuie?
Il semble que ce soit Nectar ou ambrosie,
Tant d'un pas obstiné chacun de vous y court.

Si plaisir vous y traine (& ie croy qu'il est court)
Vous ressemblez à ceux dont Circé fut suivie,
Quand par enchantemens leur formelle eut ravie,
Qui s'en alloient border tous les coins de sa court.

Ils couroient au profit & aux choses nouvelles,
N'estes vous point épris de mesmes estincelles?
Les flots les y portoyent, vous les boueux chemins:

Ils y estoient changez en animaux difformes,
Vous autres ne veste (ce croy-ie) telles formes
Si vous ne les cachez sous des masques humains.

48

L'Apré veneur tout un taillis foudroye
Tant que la beste il rend de-sous sa main,
Puis, n'atendant celle qui vient demain,
Charge sa prise & s'es toiles repleye.

En court aussi toute sa force employe
La poursuivant, & n'est rien plus humain:
Mais contenté en peau ou parchemin
Il fend le vent & emporte sa proye.

L'autre plus fat (comme l'éponge prend
L'eau dans ses flancs & pressée la rent,
Après demeure en quelque coin flettrie)
A son plaisir pince du premier coup,
Puis rend le sien & l'antruy tout a-coup,
Et n'est en fin que fable & moquerie.

E iij

Qui vouldra du seigneur aulique estre subiect
Cent personnes le iour faudra qu'il represente,
Comme faict ce poisson dont la peau deceuante
Change autant de couleur qu'on luy change d'obiet.

Si le maistre est moqueur, il faut que le proiet
Du courtisan soit tel: s'il songe il faut qu'il mente:
S'il fronce le sourcil il fault qu'il se tourmente:
Est-il donques (bon Dieu) vn estat plus abiet?

S'il voit que de faueur vn autre ait quelque signe
Il creue de depit, en faisant bonne mine:
Bref c'est Epimethée en Singe retourné.

De tant de taches n'est vne hidre bigarrée:
Tant n'eust diuersement sa forme figurée.
Achelois, quand il fut a demy écorné.

50

Estre honoré des princes de la terre,
Avoir en main le bien spirituel,
Estre au milieu du Thresor temporel
Cela vaut bien qu'à grand soin lon le serre.

Estre élevé au siege de saint Pierre,
Tenir le lieu du grand Dieu immortel,
Garder les clefs du Royaume eternal
Par sainteté cela se doit aquerre.

Mais estre au terme obligé & debteur
D'un tel depos, & voir du creditour

L'apre sergent qui déjà execute,
C'est pour changer, voire en moins d'un clin d'œil

Contentement en lamentable dueil,
Car plus lourde est de plus haut lieu la chute.

51

Oie miserable! O combien de dangers

(Dit le Pape Adrian) celui sent & épreuve
Qui trop ambitieux, sur ce siege s'éleve
Qui nous est deu, ainsi comme à gens passagers!

Ces precieux tapis, ces rubis estrangers
Qui font que bien luisant ce saint throne se treuve,
C'est un fardeau pour nous qui iour & nuit nous greue
Comme un rocher marin, les pauvres voyageurs

Le manteau triumpant, la chape & la chasuble,
Ornemens precieux desquels lon nous affuble,
Sont gestons épineux qui nous flattent le dor:

Ceste couronne triple où les pierres flamboyent,
Comme de nuit les feux qui vers le ciel ondoyent,
Est pour l'ame un brasier larron de son repos.

52

Comme Notus enyuré de l'abime,
Quand il veut l'air & la terre embrouiller
A l'arbre fait pié & membre mouiller,
De l'eau qui vient fil à fil de la cyme:

Ainsi le mal du chef au membre infime
Vient iusque aux os de l'Eglise fouiller,
Tant qu'on diroit qu'il veut du tout souiller
Ce que sacré le siecle vieil extime.

L'aveugle erreur, de la maison de Dieu
A voulu faire un deshonneste lieu,
La remplissant de sang & sacrilege:

Il a voulu, ainsi que les Titans,
Prendre d'assaut & chasser de leur siege
Tous ceux qui sont dans les cieux habitans.

53

Donques tu voleras (luge) de-sur le mont
Tant célébré iadis par les vers d'Hesiodé!
L'institute n'y guide, & le texte du Code,

Le digeste le vent, & la loy t'y semont.

Quel sinistre Daimon 'a échauffé le front!
Plus tost tu mariras à la Sphinge Oedipode,
Plus tost s'assembleront le Scythe & l'Antipode
Que les hauts magistrats, bien-heureux ne seront.

Pren tant que tu voudras l'affectée grimasse
Et l'acueil que te faict l'indocte populace
Puis bronche seulement, ton honneur est à rien.

En ce point la commune à pleine bouche louë
L'histrion, quand la farce est à son gré, qu'il iouë:
Mais s'il faut d'un seul pas iamaïs il ne fit bien,

54

Lors qu'il donnoit ses saintes loix en sparte
Lycurge fut des siens presque adoré.

En Ionie ainsi fut honoré
Solon, peignant le mesme en vne charte.

Ce peuple apres (ce que n'eust faict le Parté)
Du sang de l'un a le chemin doré,
Prinant d'un œil son chef decoloré,
Et loing de soy l'autre mi-mort écarte.

O que trois fois & quatre disoit bien
Quand deffendoit le sage Samien
L'usage lourd de la febue trop dure!

Il n'eut égard seulement au manger,
Mais plus au sort douteux, où le danger
Estoit couuert de la indicature.

55

Quel plaisir trouuez vous, misérables bannis,
Vltigeans nuit & iour à rames de-sur l'onde,
Et quitans de voſ ports courbez l'arene blonde,
Pour voir la mer Egée & les Maures ternis?

Les vaisseaux pleins d'écueil, qui vous seruent de nſ,

Où vous tient assiéger cette vague profonde,
Est-il (bon Dieu!) prison plus horrible en ce monde,
Ny au fond de l'Herebe où les maux sont punis?

Qui vit iamaïs Caron sur la rive infernale,
Et le vieil torchemain qui du col luy desale,
La crasse de sa barbe, & son œil furieux?

Telle est vostre façon, telle vostre vêtüre,
Tels les gestes du corps, telle vostre nature,
Et vostre regard n'est de rien plus gracieux.

56

D'Autant sa fin le marinier approche

Que son vaisseau se recule du port:

Plus de cent fois luy presente la mort.

Ce que le ciel tempestueux decoche.

De tous endroits s'ensle, en faisant aproche,

L'horreur des flots qui de l'abime sort:

Aquilon vient, Euronote & le Nort,

Pour le meurdrir à la prochaine roche.

Famine court par ce vaisseau roullé

Où le pirate, ayant tout depouillé,

raist les Nauchers à belles anguillades.

Les ieux plaisans sont de mort les frissons,

Les beaux palais l'estomac des poissons,

Voila de mer les plus douces aubades.

57

Q Voy? te veux-tu fier à vn flot mutiné,

Qui sur son chef cornu iusque aux nuës te lene,

Et puis au plus profond de son ventre te creue,

Et te dresse vn tombeau dans le gouffre obstiné?

Je ne scay en quel rang tu seras destiné,

Ou avec l'animal estouffé dans le fleuve,

Ou avec que celuy que sur terre l'on trouue.

Es tu vif, ou si ia la mort t'a butiné?

Ne vois tu point comment est fragile & peu ferme
La prison, qui retient de ta vie le terme,
Espaïsse seulement de deux ou de trois doigts?

Vois-tu point le danger où ton bien se hasarde,
Qu'un vaisseau rapiecé & tout pourri te garde,
Où tousiours à trois doigts de la mort tu te voids.

58

Q uerepondroit le deuin Androgine,
Qui adingea le droit à Iupiter,
Quand il verroit l'homme se depiter
Contre luy-mesme, & chercher sa ruine?

Quand aux Troyens leur Cassandre diuine,
D'Agamemnon qui se vient irriter
Contre Ilion, nul ne veut escouter,
Tant insensee est la tourbe mutine.

L'assid qui craint les bien-sonnans acords
En tire loin tous les plys de son corps,
Et au doux chant étoupe son aurreille.

Souuent aussi l'obstiné & mutin
A fortune est le triumpuant butin,
Pour n'écouter raison qui le conseille.

59

S i le saturnien iadis s'est deguisé
En Cygne, sur l'estang où Lede fut surprise,
Si le blond Apollon sur les riués d'Amphrise
A parmy les tropeaux neuf ans temporisé,

Si Venus n'a des champs le beau wert deprise,
Si Simois la vit amoureuse d'Anchise,
Si Adonis la vit par les forests éprise
Du brasier que son fils luy auoit atisé,
Si pour Oenone fut en son amour premiere,

Agreeable à Paris la verdecure forestiere,
 Si pour le sceptre prit le coulre vn Empereur,
 Il n'est plaisir au champs (pourtant) qui m'y conuie,
 Et ne voy point encor plus miserable vie
 Qu'elle est du vigneron ou maigre laboureur.

60

Qui te faisoit au beau berger si braue
 Leuer le chef contre ton createur?
 N'estoit-ce point le subtil tentateur
 Duquel tu fus pour ton forfait esclane?
 L'arrest subtil tout à l'heure se graue
 Que prononça contre toy ton facteur,
 Suivant lequel tu vis de la sueur
 Qui le de-sus du front ridé te laue.
 De ton labeur le champ ne te rendra
 Que des chardons & du bois qui poindra,
 Dit le seigneur, qui iamaïs ne se mue.

Ce dur dicton nous est tousiours present,
 Mais la rigueur mieux que nul autre en sent
 Celuy qui tient le bout de la charrue.

61

LE vilageois halé, pres d'un puant fumier,
 Pour chambre tapissée & magnifique sale
 Vous a vne cabane, ou plus tost vne hale
 Percee tout autour ainsi qu'est vn panier.

Le liét mal emplumé du pauvre casanier
 Est derrier ses pourceaux pleins de vermine sale,
 Auquel demy gelé à minuiét il s'auale
 Plus rompu du trauail qu'un forcé marinier.

Il n'est si bien couuert dans ce maigre reauue,
 Que la pluye & le vent ne transpercent le chaume,
 Rauageans tous les coins du logis enfumé:

LE POVRTRAICT DE LA

Et s'il laisse échaper le feu dans ceste estule,
Il voit en vn clein d'œil son petit bien qui brule,
Et luy-mesme au milieu est souuent consommé.

62

Avant le iour sortant de son estable
Le laboureur sec comme vn tronc de bois,
Et assiégué par infinis abois
Desquels la charge à toute heure l'acable:

Puis pour dîner il trouue sur sa table
Du pain moisi, & quelques maigres pois,
Ou des naueaux, dont lon dict qu'autrefois
Se repaissoit vn Romain Conestable.

Après beuvant vne grand iatte d'eau,
Il va bien tost se courber sur l'aireau,
Et là se ploye ~~tant~~ au long de la iournee.

Ainsi conduit d'un miserable cours
L'homme rustic de sa vie les iours,
Que chacun crie estre bien fortunée.

63

IL semble que les cieux & le grand Iupiter,
La foudre, le tonnerre, & la gresle menuë,
Ce qui sourgit de terre, & coule de la nuë,
Contre le vilageois se vueille depiter.

Le torrent du hault mont se vient precipiter,
Qui laisse par les plains la terre toute nuë,
Où la place des bleds ia mœurs n'est recogneuë,
Ny des tropeaux camuë qu'il a faillu quitter.

Lors le menteur espoir & labeur d'une annee
Se pert entierement en vne matinee,
Laisant l'apre famine aux pauvres laboureurs.
Le loup dans le tropeau, la vache qui est morte,
Le Taureau qui languit, la iument qui auorte,

De leurs biens à-venir sont les auant-coureurs.

64

Sur les grand's tours se depite la foudre,
Sans outrager le viorne petit,
Laisant entier ce qui s'assuiettit,
Ce que resiste elle le met en poudre.

Mais au contraire a fait son fer émoudre
Pour decoper, d'un sanglant apetit,
Le vilageois que famine allentit,
Si bien domté qu'il ne se sçait ressourdre.

Voila, voila (ô pauvre infortuné)
Où le discord mal-heureux t'a trainé
Discord, borreau du priné & publique,
Bien que l'erreur onques ne t'ait polu,
Ce neantmoins (belas) il t'a fallu
Courber les reins sous la rage heretique.

65

Ou est ce grand Romain qui purgea de voleurs
La maison de Tethus, & qui enuoya boire
Leurs esprits forcenez là-bas en l'onde noire,
Et dans les tristes champs eterniser leurs pleurs?

Où sont les Scipions de leur age les fleurs,
Desquels malgré le temps tousiours dure la gloire
Nee non seulement du bruit de leur victoire,
Mais pour auoir banny du camp tous les pilleurs?

Vn tabour enroué en huit iours vous assemble
Friponniers, larroneaux, & voleurs tout ensemble,
Non point pour rebouter l'ennemy qui assaut,
Mais pour mettre les veaux & moutons en pillage,
Et s'accager aussi le mal-heureux vilage
Qu'ils feroient vne ville emportee d'assaut.

CE qui reſtoit du briez de la tempeſte
Deuoit nourrir la ruſtique maiſon.

Mais de rechef la cruelle ſaiſon

Autre torment plus rude luy apreſte.

Le Sergent vient qui foudroye & tempeſte,

Raclant le blé, le vin & la toiſon,

Et monſtre eſcrit de ſon faiet la raiſon

Dans vne lettre en ſa main toute preſte.

Ainſi pour ſoy n'eſt rangé le Taureau

Deſous le ioug, pour y trainer l'aireau:

Et la brebis pour ſoy ne porte laine.

Ainſi n'eſt faiet pour l'abeille ſon miel:

En vain l'oïſeau niche contre le ciel,

Car pour vn autre eſt le fruiet de ſa peine.

Qui vent icy forger vn nouveau paradis,

Vn ſanctuaire où ſoit felicité aſiſe,

Il doit chercher ſans plus, l'eſtat de marchandife,

Ainſi que maintenoient les ſages de iadis.

Cet eſtat alteré faiet les hommes hardis

Voir tout ce qu'eſt de beau entre Afrique & la Biſe,

Et du ſoleil leuant iuſques à la Tamife,

Contentant leurs deſirs en cent façons tandiſ.

C'eſt ce ſemble l'eſprit qui tient la terre & l'onde,

L'air & le feu en paix: & ſans lequel ce monde

Peſant & engourdy, ne ſe pourroit mouuoir:

Mais tant ne ſçait le miel qui par de-ſur la dore

Adoucir ſon aigreur, qu'on ne cognoiſſe encore

Le fiel qui ſ'eſt caché au fond pour deceuoir.

AMour vn iour voulut tromper l'abeille

Prenant son miel, mais il s'en repentit:

Car l'aiguillon & le miel il sentit

Cachez ensemble, au fond de la corbeille.

Le gain pipeur (ô marchand) te conseille

D'abandonner d'un auare appetit

Femme & enfans, & priser bien petit

Ceux pour lesquels Dieu veut que chacun veille.

Pendant tu viens en la main d'un voleur:

Ou (encor pis) te chasse le mal-heur

En la mercy d'un pirate ou forcere.

Tu n'es en rien different des bannis,

Fors que ceux cy par rigueur sont punis,

Mais tu t'ensuis en exil volontaire.

69

BRulant apres le gain au marchand ne suffit,

Pour esteindre sa soif, la terre spatieuse?

Ny les liquides plains de la vague écumeuse

Sepulcre du second qui l'oïseau contrefit.

Ses tresors mal aquis luy font mesme profit

Qu'à l'amoureux d'Echon sa beauté malheureuse,

L'un par trop aymer l'or cherche la mort hideuse,

Aymant trop sa beauté l'autre aussi se desit.

Dans son cœur transporte tousiours un feu s'enflame

Plus qu'au ventre d'Etna, qui le fait par la flame

Darder, & sur le roc grimper comme un lezar.

Tantost le vent le bat, & la pluye, & la gresle,

Puis les rayons ardents, la glace pesle-mesle,

Et s'il se trouue encor plus dangereux hasar.

70

Plus est l'Anguille estreinte & mieux echappe,

Quand le marchand dehors pense serrer

Dedans se tient qui sçait bien desserrer,

LE PORTRAIT DE LA

si le mal-heur de sa main y frappe.

Vn larronneau dont l'épee & la cape
Estoit le tout pour la mule ferrer
Sçait bien le coffre ou bahut defferrer,
Puis gaigne au pié craignant qu'on ne l'atrape.

Le marchand vient qui pour des pieces d'or
Trouue vn nihil où estoit son tresor,
Pour compenser la perte du voiage.

Lors demi-mort, auant le bout de l'an
Il se voit prest de courir au safran,
Laisant aux siens honte pour leur partage.

71

NE pense ~~en~~ point vn iour entier se reposer
Quiconque hasardeux vent marchandise suivre:
Et qu'il se face vn corps ou d'acier ou de cuyure,
Pour à mille traux excessif l'exposer.

La nuit pour le matin luy viendra composer
Nouuel espoir de gain, qui tellement l'enyure,
Que tant plus du travail il pense estre deliure,
Tant plus dans son cerueau l'ennemy se vient poser.

Ainsi le malheureux qui pensoit d'vne nue
Qu'il embrassoit l'un ou corps à corps toute nue
Se fuit & se poursuit au profond des enfers.

A Sisiphe en ce point, pour sa pesante boule
Qui de la croupe en bas incessamment se roule,
Sor à chaque clin d'œil nouueaux tormens offers.

72

ENtre deux huis voyez l'areigne enfilee
Tendre ses rets d'vne braue rondeur,
Pour egaler d'un logis la grandeur
Et la courrir de sa toile filée,

Après auoir sa besongne assemblee

*Vn balay vient perdre tout son labeur,
Et trebuchant d'une foible roideur
Dessous les pieds elle mesme est foulée.*

*L'estat est beau & ceux sont demy-dieux
Qui dans leurs courts tirent de diuers lieux
Le bien, qui là comme à vn haure aborde!*

*Mais quelques vns sentant le gain trop court,
Se sont pendu, tant le malheur y court,
Et estranglez eux mesme d'une corde.*

73

*OR sus metton au vent guidons & estandars:
Coiffon superbement le morrion à crette:
Ouuron ce temple viel du Dieu à double teste:
Qu'on ne voye gresler que ianelots & dars.*

*Coupez moy les cent nœuds qui retiennent ce Mars
Dans son ventre caché où boulang il tempeste,
Qu'il vienne derechef pour vomir sa tempeste,
Qu'on ne voye qu'éclairs d'armes & de soldars.*

*Allon, allon tirer ceste poudre maudite,
Vray sablon en souffré, des riués de Cocite:
Et selon le calibre adapton les boulets.*

*Braquon doubles canons, Basilics, Serpentinaes,
Spiroles, Fauconneaux, Monsquets & Couleurines,
Que les hommes ne soyent non plus que des poulets.*

74

*EN est il vn (ô Dieux) plus miserable
Que le soldat, alors qu'il est mené
Comme vn taureau à l'autel destiné,
Parmy le heurt de la mort effroyable?*

*Tout animal rentre dans son estable
Quand Vesper brune a le soir ramené,
Mais le soldat par tout infortuné,*

Au plain des champs à son liect & sa table.

Le vent, la pluye & le brillant éclair,
Les tourbillons, & ce qui vient de l'air,
Sont les rideaux pourfilez de sa couche.

Si de dormir il faict quelque semblant,
Tost en sur-saut le retrouue tremblant
Ou la surprise, ou bien l'âpre escarmouche.

75

LEs lions aux taureaux, ny les loups affamez
Au milieu d'un troupeau ne font si grand outrage,
Tant du tygre Hircanic n'est ardant la rage,
Que des hommes qui sont l'un contre l'autre armez.

Aux vns lon voit sortir de leurs corps entamez
Les tendres intestins qui font un long carnage,
Les autres ont perdu la forme du visage,
Les autres sous les piez languissent assoumez.

Ca & là par milliers les corps meurdrys s'entassent
Pour engresser les chäps, sur qui les veinqueurs passent,
Renuersans, furieux, ceux qui sont moins puissans.

Les cheuaux écumeux traient sur la poussiere
Leurs maistres par l'estrier dans la rouge carriere,
Qui le sang callonné vont apres vomissans.

76

NEstoit-ce assez pour toy, miserable homme,
D'estre subiect à tant d'autres malheurs,
Sans adiouster encor à tes douleurs
Ce qu'aux enfers mesme à peine se nomme?

Ne vois tu point ta fin tragique, & comme
Ton tiede sang faict changer les couleurs
Au vert des prez, & pert l'honneur des fleurs
Quand la dessus comme un beuf lon t'assomme?

Ton sepulchre est dans la pance des loups.

Qui plus que toy l'un à l'autre sont doux.
 Quand ton courage en cueur lupin se mue:
 Mais la fureur, mais le glaive trenchant
 Nuit plus au bon & simple qu'au méchant,
 Quand l'innocent non le coupable il tue.

77

Ce fut Thesiphoné aux cheueux serpentins
 Qui d'herebe punais vint icy faire entree,
 Pour rechasser au ciel la belle vierge Astree,
 Et ce monde partir comme nouveaux butins.

Saturne fut banni par ses enfans mutins
 Changeans l'or & l'argent en la hache aceree
 Qu'eux mesmes turbulens de terre auoient tiree
 Expres, pour l'enfoncer dedans ses intestins.

Lors versa le poison de sa boïste Pandore
 Sur Aurore & Thetis, sur le Scyte & le More,
 Et furent ces deux mots tien & mien pratiquez.

Lors Stix & Acheron les vices degorgerent:
 Lors leurs foudres aussi les Cyclopes forgerent
 Pour le secours des Dieux, dans leur ciel prouoquez.

78

Tu les plantas (citoyen) des grand's villes
 Les fondemens & les puissans rampars
 Superbement flanqueZ de toutes pars,
 Labours de vray aux grands Dieux difficiles.

Mais malgré toy, les tempestes hostiles
 Ont ça & là tes bouleuers épars,
 Et sont raseZ par vn foudroyant Mars,
 Pere du meurtre & des guerres civiles.

Tu vois les feux! tu écoutes les cris!
 La ta femme est & tes enfans meurtris!
 Et ia la mort dans ses tranchans te serre

LE POVRTRAICT DE LA

Tu vois les bourgs en deserts demeureZ
Noyez de sang, ou par feux deuoreZ!
Et ce qui suit l'impitoyable guerre!

79

Si tost que le vaisseau eut versé sa poison,
SDigne loyer du vol commis desous la coche
De Phebus, par celuy qui sur la froide roche
Tint à crampons de fer vne longue saison,
Tout le monde sentit le fais de la trahison:
Car dessus les mortels la peste fit aproche,
Sur eux-mesmes le ciel mille fiebres décoche,
Infectant du soleil l'une & l'autre maison.

L'un demeuroid tout plat, ou vne phrenesie
S'en venoit agiter sa vaine phantasie,
Contre soy le faisant soy-mesme depiter.

Vn autre court les champs de rage qui l'enflame,
L'autre au fond de l'abime, & l'autre dans la flamme
Ou cherche vn grand rocher pour se precipiter,

80

CE n'est rien or' que commun exercice
CDe detramper, pour vn qu'on nomme amy,
Afin qu'il soit longuement endormy,
Ce qu'au vieil temps estoit cruel suplice.

Quand maintenant renaistroit vn Ulysse,
il ne vainqueroit si bien son ennemy,
Qu'un petit grain comme un œuf de fourmy
Ne fist de luy vn mortel sacrifice.

Le reagal, ny l'argent sublimé,
Ny l'arcenic mesme n'est extimé
Par le meurtrier, poison assez mortelle:

Plus viuement vient son homme toucher.
Celle qu'on peut au couteau attacher,

sur le bouquet, ou dans vne chandelle.

81

IL ne faut plus courir au riuage Etean,
Plus ne faut éprouuer la rigueur Meotide,
Pour trouuer l'instrument d'un secret homicide,
Et ne faut plus trancher de l'arbre Cirnean.

Ce que vomit (domté du bras Herculean)
Le chien aux trois gousiers dans la campagne vuide
Et prouigné par tout, dont le venein ie cuide
Plus mortel que celui du monstre Lernean.

Il ne faut plus trotter à la prestresse Maure,
Ny au sang callonné de ce paillard Centaure,
Qui des Heroes sceut les plus braues outrager.

Car comme par depit, la terre s'est chargée
Par toute sa rondeur de semblable dragee,
Qui fait un homme vif mille fois enrager.

82

AH trop cruelle ! ah maratre nature !
Cruelle trop, i'en ay mille tesmoings !
Pourquoy n'es tu aussi douce aux humains
Qu'à l'insensee & brute creature ?

Tu luy fournis armes & nourriture,
Sans la charger des trauaux inhumains
(Où à toute heure il faut auoir les mains)
De l'artisan ny de l'agriculture :

Mais l'homme seul cessant de trauailler,
Tu le repais (cruelle) de bailler
Le laissant nud comme un ver hors de terre.

Où compensant son assidu labeur,
Quand il attend de toy plus de faueur,
Lors tu luy es plus dure qu'une pierre.

F iij

Que fera le pauuret voyant vn ciel d'airin,
Tous les Astres plombeꝫ, l'aspre terre endurcie
Comme fer, & de tout l'esperance rauie
A l'heure qu'il pensoit iouir de l'air serin?

Auerne ayant vommy son monstre sous-terrain
Auec mille serpens à la langue partie,
La terre a son enfer iustement apropié,
Et en lac Stygien change le flot marin:

Lors la fin de Numance ou celle de Sagonte
N'est que rosee au pris, ny celle qu'on nous conte
Qui fit son propre enfant à la mere manger.

Car la dure saison tout deuore & dissipe,
Tant que l'homme est contraint souuent come vn Pelipe,
Ou comme Erisicton soy-mesme se ronger.

Mais qui te faict ainsi haulser la face?
Di? qui te faict marcher si brauement,
Puisque le ciel & chacun element
Ont coniuré d'abatre ton audace?

Le ciel de vray, de ses feux te menasse,
En ton orgueil la terre te dement:
Quitte de l'air tu meurs subitement,
Et comme infaiect l'eau pure te dechasse.

Les animaux (si là est ton recours)
Se monstrent encores plus rebours,
Excepteꝫ ceux qui sont en ton estable.

Serois tu bien (ie te pry?) assuré
Pres l'animal fier & demesuré,
Qui n'es pas seur aupres de ton semblable?

IL me semble que trop celuy s'est abusé,

Qui a nommé amour cette idole qui change
L'homme par luy charmé, en vne beste étrange:
Et ne croy point qu'il soit sans raison accusé.

Il vouloit par ce mot finement déguisé
Un Diable furieux transformer en un Ange,
mais pendant, lon voit bien comme traistre il se vange
Du fol qui tant soit peu à luy s'est amusé.

Il le falloit nommer vne infernalle flamme
Qui l'esprit & le corps de mesme braise en flamme,
Quand il peult sur quelqu'un auoir commandement.

Par temps tout autre mal cede à la medecine,
Et comme cettuy cy tousiours ne se mutine
Contre l'ame, contant du corps tant seulement.

86

I Amais les Dieux n'ont receu en leur trope
Celuy qu'on dict estre né de Cipris,
mais luy bastard fut conceu en mépris
Dans le rocher d'Ismare ou de Rhodope:

Ou sous Etna quelque brulé Cyclope,
Foulant gagner de cruauté le pris,
Forgea celuy qui nous a bien appris
comme son fils la mere en pieces cope.

L'aporteroy les exemples des vieux,
mais quel besoin? d'autres plus furieux,
Tous fraiz forgez, épouuentent nostre age.

Il falloit donc qu'au comble de nos maux
Vinssent aussi ces foudroyans assaux,
Pour nous tramer un tout nouuel orage.

87

O c'est l'homme aujour d'huy qui du sien est contant?
La vie de chacun sur le bureau est mise,
Ou celle du voisin l'autre voisin aduise,

LE PORTRAICT DE LA

Et tousiours s'en va l'un apres l'autre écoutant

Si l'un a mille écus l'autre en desire autant,

Le prestre voudroit bien exercer marchandise,

L'apre marchand ronger ce qui vient de l'eglise,

Et le simple Aduocat la presidence atant.

Le Citadin trop gras presche de la charruë,

L'auare laboureur voudroit bien en la rue

Cloze de bouleuers, sa Cabane planter.

L'un à qui dure trop la coniugale couche

Prise le Celibat: l'autre qui tout seul couche

Du mariage l'heur ne cesse de chanter.

88

L'Age viril si lon y peult attaindre

De mille ennuis vient l'homme poinçonner:

Il faut estat à son fils ordonner,

Et sous Hymen sa fille se veut ioindre.

Sa femme est là, dont la charge n'est moindre:

Desir d'honneur le vient éguillonner:

Amour du gain fait son sang bouillonner:

Debats, proceZ ne cherchent qu'à le poindre.

Perte des biens, la mort de ses parens,

Tristes succeZ à ses vœux differens,

Et les frissons d'une fiebure future.

Il vaudroit mieux, ayant ia fermé l'œil,

Qui l'armoyant est tesmoin de ce ducil.

Se reposer dedans la sepulture.

89

Pour auoir la beauté du iune Cyprien,

Et les bras indompteZ du bien aymé d'Omphale

L'on ne peut d'un seul pas fuir l'heure fatale,

Ny pour estre baigneZ au fleuve Stigien,

Le sablon de Parol, le tresor Lidien,

Le bel acoutrement ny le meuble d'Atale,
N'adouciront la mort qui à tous est esgale,
Ny tout ce que la terre & la mer ont de bien.

Voila le but qui met l'homme sur le riuage
Ou il flate Charon & paye le naulage,
Quand luy mesme s'en va respondre de son faict:
Et battre à pas douteux la voye brunissante
Pour recevoir contant du iuge Rhadamante
Le suplice du mal ou loyer du bien-faict.

90

Pendant qu'aux biens & grands honneurs aspire
Pour s'y guinder l'homme trop alteré,
Il ne voit pas le sort inespéré
Qui iusqu'au fond de son tombeau le tire.

Ainsi les Grecs pensant leur nef conduire
Bien seurement au rocher Capharé,
N'aperceuoient le peril preparé
Au fond du gouffre, où estoit leur martire.

Ah monde vain! Ah monde deceuant!
Qui sçais charmer le fol & le sçauant,
Le foible, & ceux de nature bien forte!

Tout le plaisir, tout le bien & l'honneur
De quoy tu veux qu'on te nomme donneur,
Vn petit vent en vne heure l'emporte.

91

Encoffre si tu peux l'Arabique thresor,
Voy que tu voudras prosperer ton mesnage,
Pren l'usure des fructs annuelz du vilage
Et sois seur de durer autant que fit Nestor.

Monte premier des tiens aux estats, & encor
Pour auoir des enfans, & viure apres ton age
Qu'une vierge en ton liét entre par mariage

LE PORTRAICT DE LA
Belle plus que Lucrece ou la sœur de castor.

Quel plaisir auras tu si ton ame beante
plus qu'Auerne proffond, est tousiours languissante
D'un desir Tantalic assidu qui la point?

celuy doit estre sain de corps & de pensée
Qui voit entre ses mains la richesse amassée,
Autrement il l'aura & n'en iouira point.

92

Bien diuina le boeteux parricide
L'estat humain, quand il fut si osé
Qu'il entama l'Enigme proposé
Et donna fin au monstre Thebaide.

A quatre pieds le tendre enfant se guide,
puis à deux pieds fort & bien disposé
Il marche un peu, en fin il va posé
Sur un baston quand vieillesse le ride.

Si vous tranchez à l'homme de son cours
L'enfance fole & l'ennuy des vieux iours,
puis que cela n'est que folie & peine

Il restera le milieu assez beau,
mais sa durée est aussi incertaine
Que d'une empoûle enlenée de l'eau.

93

Nous sommes malgré nous finablement gettez
Par chemins espineux, sous la main larronneſſe
De la dame qu'on dict des ages la maistresse,
Qui s'aproche tousiours à petits pas contez.

Lors l'un tremble d'horreur: Les autres effrontez
crient qu'en trahison la chimere les blesse,
mais ils ne sentoient pas qu'en leur chaude ieunesse
Au nombre de leurs ans ils se sont mécontez.

ce dernier temps (du moins) deuoit estre deliure

*Des labeurs infinis que la ieunesse liure,
Et de quelque repos nos traux compenſer.*

*Mais trompez des pipeurs de la mer de Sicile,
Pour Charibde euitier nous alons cheoir en Sille,
Car penſans eſtre a fin c'eſt à recommencer.*

94

Ainsi que quand le ruſtic ſe depite
Contre vn ſoleau, il vient tant l'ebranler,
Et tant de coups dans le tronc redoubler
Que le dernier en fin le precipite.

L'age empenné de desbridee ſuitte
Sur nous auſſi iour ſur iour fait voler
Tant qu'un dernier vient le corps acabler,
Chaffant l'eſprit qui bien toſt prent la ſuitte.

L'homme eſt ainſi que la plante croiſſant,
Qui deuelope vn bouton floriffant
Eſcrit au viſ d'une couleur diuine:

Et puis lon voit que tout cela s'eſtaint,
Eſtant d'un ver le freſle pié ataint,
Qui ſe gardoit meſme dans la racine.

95

Mais pourquoy ſi cruels nous ont eſté les cieux?
Helas! que n'auons nous auſſi bien l'auantage
De repeindre au vieil corps un tout nouueau viſage,
Comme ont les animaux quand ils ſont déia vieux?

En quelque lieu preſſé le ſerpent tortueux
Se trainant y depouille & ſon cuir & ſon age
Et l'oïſeau qui ne craint la foudre ny l'orage
Reprend (pendant le bec) ſes ans plus vertueux.

Mais (pauvre malheureux!) ce dernier age domte
Le corps ia demy mort, luy faiſant rendre compte,
Et de tout le paſſé debourſer l'intereſt:

LE POVRTRAICT DE LA

Et quand plus furieux, dessus l'homme il foudroye
plus helas sans repos éperdument l'effroye
Le mal déia passé, & celuy qui est prest.

96

IA la palleur, & ia la siebure empogne
Ce mechant corps: & ia dessus le bord
Des leures est l'image de la mort
La toux le poin, la grauelle & la roingne.

L'œil empourpré & chassieux tesmoigne
Le mal cuisant: & puis l'ame qui sort
Voit ia la cruche & Charon sur le port
Dans son esquif qui les naŕeaux refroingne.

Le nez sentir, & la langue goûter
Ne scauroit plus, ny l'auoreille esconter:
Bref tous les sens sont prinex de leur force.

Il ne faut plus musique ny plain chant:
Le ieu ne plait au corps se deseichant,
Qui de charné ne semble qu'une écorce

97

AToute heure n'est point le ventre silloné
Du champ tât soit il gras: mais le fer luy pardône
Et quelque an de relaiŕ son laboureur luy donne
Quand trois ou quatre esteŕ il y a moissonné.

Le bœuf qui en sa force a le champ retourné,
Sur sa fin le bouuier son foin luy assaisonne
Et le laisse au sejour: Ainsi passé l'Autonne
L'huiuer pour le repos de l'arbre est ordonné.

Le vaisseau qui sur mer se crenasse & pertuisce,
Matté des longs abois du flot & de la Bise,
Son maistre en quelque coing du port la fait tapir.

Mais nostre vie (las!) plus elle est enuieillie
Plus elle sent les maux dont elle est assaillie.

Qui s'aigrissent tousiours iusqu'au dernier soupir!

98

LE marinier qui reuire sa prouë
Vers les perils du riuage estrange.
Quand dans son port il la deuoit ranger,
Le ne croy point que pour sage on l'adnouë,

Le veageur qui la poudre secoue
Du lieu barbare où il fut en danger,
Et voit son seuil, qu'il veut encor changer
A l'inconnu, ne vaut point qu'on le loue.

L'homme pourtant, s'il laisse vn lieu mortel
Pour voir le sien, craint comme vn criminel
Qui sent de loin l'horreur de son outrage.

Ou comme faict le Naucher obstiné,
Qu'une bourrache a si fort etonné,
Que mesme il craint au port faire naufrage.

99

CE n'est petit effroy de voir s'entrehurter,
Ainsi que s'ils vouloient renuerfer vn empire,
Eüre fremissant & le tiede Zephire,
Et contre Austre brulant Aquilon tempester.

Effroyable est encor parmy l'air écouler
Le tonnerre éclatant, & voir briller & luyre
Les feux, comme ils faisoient quand decocha son ire
Le ciel sur les Titans, qui vindrent l'irriter.

Hidenses sont des flots enragez les alarmes,
Hidense est la famine, & hidenses les armes,
Hidoux est le volleur, hidoux l'hostille effort:

La face du veinqueur aux veinquus est horrible,
La mort est vne idole entre toute terrible,
Et plus terrible encor le chemin de la mort.

LE clair flambeau par les coings d'une ville
 Tandis qu'il ard, resfovit tout nuict:
 Lequel esteint, par sa puanteur nuit
 Et plus deplait qu'il ne fut onc vtile.

Aussi l'homme est plaisant, gentil, agile,
 Flaté quand l'or & la santé le suit.
 Mais luy estaint chacun l'elongne & fuit
 Comme lon fuit la charangne inutile.

Sur Hector mort un iour lon vit brauer
 Les plus couars, & impudens bauer
 Qui n'eurent onc, luy vivant, telle enuie.

La beste ainsi ose vn mort aprocher,
 Si au sarcueil lon ne le va cacher,
 Qui le craignoit quand il estoit en vie.

Fin de la seconde Senturie.





LE POVRTRAICT DE

LA VIE HVMAINE,

TROISIEME SENTVRIE.

Sonnet premier.

Tousiours ne fault chasser en un mesme
 taillis:
 Tousiours ne faut toucher sur vne mesme
 corde:

Tousiours bruire ne faict l'horreur d'une discorde
 Homere, & n'est tousiours au sang ny au chaplis.

Tousiours ne sont des Grecz les Troyans assaillis:

Diane en quelque temps aux Argiues s'acorde:

A toute heure le Nil ses ondes ne déborde,

Et les malheurs humains quelque fois sont faillis.

Quand l'hiver herissé, & la neige menue

Ont de son riche honneur la terre deuestue,

L'amy de flore vient expres, la reuestir:

Ainsi quand le malheur sur l'homme se depite,

Du ciel vient le bon-heur qui luy donne la fuite

Et faict le mal poingnant en grand bien conuertir.

2

Souuent lon voit l'audacieux Eole

Faire un iouet du flot Neptunien

Puis s'endormir, & alors lon peult bien

Guinder la voile, & quitter la Gondole.

G

LE POVRTRAICT DE LA

Souuent s'estend de l'un à l'autre Pole
L'épaisse nuit, si bien qu'on ne voit rien
En plein mydy sous l'astre Sirien,
Mais peu apres tout ce chaos s'enuole.

Mille accidens peuuent l'homme estoufer,
Desquels il sent la fureur homicide,
Car il n'est pas ny d'acier ny de fer:

Mais comme Hercule en la plaine endormy
Faisoit trembler le Pymée ennemy,
Ou il les chasse ou il leur met la bride.

3

Puissance de haults cieux qui establis les loix
Telles comme il te plait à la mere nature,
Qui tends le ciel d'Azur comme vne couuerture
Sur l'homme genereux, miracle de tes doigts:

Tu luy dreses les yeux, tu luy donnes la voix,
Tu fais qu'il met le ioug sur toute creature,
Qu'asseuré il se guinde à la vie future
Et luy offres le bien & le mal à son chois.
Donne le premier son à ce que ie veux dire:
Fay qu'en mes petis vers ton nom se puisse lire,
Et que dessus leur front soit graué ton honneur.

Sous ta dextre hardy, le bon-heur ie rechant
De l'homme (si ie suis vn suffisant sonneur)
car plus digne argument à moy ne se presente.

4

Celuy dira l'arc, le traict & la trouffe
Du Paphien, qui se sent amoureux:
Et se pourra reputer bien-heureux
Le Luth sonnante au fredon de son ponce.

L'autre fera sa harpe graue-douce
Pousser vn son bien plus auantureux,

Touchant dessus les hommes genereux,
Et d'Enion l'effroyable secouffe.

L'autre a deia son desir contenté
D'un saint Epode à quelque Dieu chanté,
Et sa chanson sur l'autel a sacrée.

Pendant ie dy lentement (mais qui peut
D'un chalumrau dire tout ce qu'il veut?)
L'honneur humain qui du tout me recrée.

5
Muse qui as versé un monde de malheurs,
Quand tu chageois mes yeux en iumelle fonteiné,
Et de souffirs cuisans poinçonnois mon haleine
Pour remplir l'air de cris & la terre de pleurs:

Ne faisons plus tonner l'effroy de ces douleurs,
Changeon (Muse) d'accords: fendon une autre veine,
Dison ores le bien qui surmonte la peine,
Et parmy les buissons cuillon les belles fleurs.

Vien tendre de tes doigts, pere qui de vermesse
Gardes les bords sacrez, ma corde chanteresse
Qui chassera au vent un accord adoucy,

Lesson ces ris poingnans au reueur Democrite,
Lesson ce dueil cuisant, & ces larmes ausy
Fondre pour le plaisir du pleurard Heraclite.

6

Quand au matin la radieuse Aurore
Laisse Titon dans sa couche seuklet,
Court la pucelle au iardin verdelet
Pour y piller le bel honneur de Flore.

Là est le Tim, l'eperuanche, & encor
Le lis, l'anet, le soucy & l'œillet,
Le Rommarin, le branchu serpoulet,
Et ce qu'au iour le Rosier vient declore.

G ij

LE POVRTRAICT DE LA

Tant plus le bord du iardin elle suit,
Tant plus le iour de perles luy produit,
Et ne sçait presque ou pincer la premiere:
Ainsi, voulant chanter l'homme, ie voy
Mille argumens tout d'un coup deuant moy,
Lequel verra donc premier la lumiere?

7

Voy la voule qui tient tous les astres couuers:
Contemple de-rechef l'admirable ordonnance
Qui d'egale rondeur dedans l'air se balance,
Et tient le centre enclos de ce grand vniuers.

Des cercles les vns plus les autres moins ouuers
Ecoute la musique, & cognoy la cadance:
Voy comme la carriere à ses cheuaux auance
Phebe, & voit chacun an douze signes diuers.

Voy qu'il faut que son sein cette terre élargisse
Comme à l'enfant douillet faict sa douce nourrice:
Tu t'esmerueilleras si tu n'es tout de fer:

Puis contemple au milieu des ceuures nompareilles
L'homme, qui tient le sceptre & y vient triompher,
Lors tu seras rai en plus grandes merueilles,

3

NE cherche plus Iupiter Olimpique,
Ny les hauts murs du Babilonien,
Ny ses vergers: ny le temple ancien
Faict pour la sœur du prophete Delphique.

Ne cherche plus la pointe magnifique,
Orgueil iadis du peuple Egyptien,
Ne cherche plus de l'honneur Carien
(Si tu me crois) la superbe fabrique.

Ne cherche plus le Colosse massif,
Ny la hauteur de ce Phare excessif,

Qui ne craignoit les menasses de l'onde.
 Arreste toy sur l'homme, & tu diras
 (L'ayant congnu que vrayment tu verras
 Ce qui est seul la merueille du monde.

9

Malheureux est il bien qui veut mettre en mépris
 Et plonger aux enfers la belle creature,
 Vray chef d'œuvre de Dieu, miracle de nature,
 Ou tant de biens le ciel liberal a compris!

L'homme est moindre vn petit que les diuins esprits
 Au reste il a le chef à celeste figure,
 Tout encerné d'honneur comme d'une ceinture:
 Qui pourroit souhaitter vn don de plus haut pris?

Les bœufs & les taureaux qui broutēt par la plaine
 Les camusés brebis qui se chargent de laine,
 Les feres qui se sont les Antres departis,
 Tout ce qui va planant de l'aile par le vuide,
 Les hostes vagabonds de la campagne humide,
 Dieu les a sous les pieds de l'homme assubiectis

10

L'Air seulement, l'eau & la terre on baille
 Aux animaux qui viuent sans raison
 Soyent emplumés, ou vestus de toison,
 De poil, d'escorce, ou limonneuse escaille.

Mais l'homme preux autre chemin se taille
 Et cherche au ciel plus antique maison,
 Ou bien heureux, il vit toute saison,
 Et ne craint point que le vray bien y faille.

La beste lourde à tousiours contre bas
 Le chef panché, & ne recognoit pas
 Les biens qui sont en la maison diuine:

Mais l'homme sent cette felicité,

LE POVRTRAICT DE LA
Et tend les yeux vers la diuinité
Où il reuoit sa premiere origine.

II

Voids tu bien le soleil courir par son sentier
Quand entre toy & luy roue vne espaisse nuë?
Quand tu voids le dehors d'une masse charnuë
Se mouuant, penses tu voir l'homme tout entier?

O que si tu voyois (tant sage fut l'ouurier!)
De ce braue animal la beauté toute nuë!
O que si tu l'auois parfaitement congnüë,
Comme Dieu la créa en son estre premier!

Tu dirois que les vieux trop ne se méconterent
Quand à demy ravis, hardiment ils ingerent
Que les hommes ne sont rien que des petis Dieux.

Mais quoy? le beau froment sous la paille se cache,
Le bouton de la rose à l'espine s'atache,
Et dans l'urne de terre est mis l'or precieux.

12

DE Dieu puissant la vertu est meslee
Parmy ce tout, & luy donne pouuoir
Secrettement d'estre & de se mouuoir,
Taillant le pas à la voute estoilée:

Cette ame rend nostre terre peuplée,
Et les grands bords que les ondes vent voir,
Et bien soudain sans elle iroit recehoir
En son Chaos la machine asssemblée.

Nostre ame aussi, qui de cette ame vient,
L'homme, qui est petit monde, soustient:
Luy donne sens, l'entretient & manie:

L'autre ame n'a commencement ni bout:
La nostre aussi qui imite son tout
Est immortelle, & pure, & infinie.

13

IE ne croyray iamais estre perpetuel
 Le mouuement leger de la claire vouture,
 Car ce seroit tout haut desmentir la nature,
 Et blasphemmer aussi contre Dieu immortel.

Je ne croyray iamais, iamais estre eternal
 Le genre des humains: ny que par aduenture
 La terre l'ait vomy, comme quelqu'un murmure
 Qui ne voit rien du tout que ce qui est charnel.

Je croy que de la main du voleur Promethée
 Cette masse de chair ne fut onc enfantée,
 Ny du limon gluant par les rayons aydé.

Je ne croy rien encor de ces nueux Phantomes,
 Que voulut fabriquer Epicure aux Atomes
 Qu'il songeoit s'assembler par l'espace uuidé.

14

SI du vray Dieu n'est la loy recongnüe
 Qu'en peu de lieux, si n'est-il nation
 Qui son pouuoir n'ait en deuotion,
 Dessous le creux de l'estoille cornüe.

Celuy qui a sa nature eongnüe,
 Son corps pesant, son imperfection,
 congnoist aussi l'ample perfection
 De Dieu, qui tout à son plaisir remüe:

Ce congnoissant, & congnoissant aussi
 Le Dieu qui tel le laisse viure icy,
 Et tant de biens luy repand de sa dextre,

Qu'il ne soit plus d'autre bien desireux,
 Car mille fois & mille est l'homme heureux
 Quand pour tel heur le beau ciel l'a faict naistre.

15

TRouues moy un tresor plus riche & prec ieux

LE POVRTRAICT DE LA

Que la sainte raison, tousiours entiere & vne,
Raison qui est aux Dieux & aux hommes commune,
Et le lien sacré de la terre & des cieux.

plus que raison ne doit estre doux à noz yeux
L'astre qui plonge en l'eau vne nuit importune:
Raison qui n'obert à la loy de fortune,
Celuy qui l'a pour soy doit il souhaitter mieux?

Quand cette raison vient à la pleine hautesse
De sa perfection c'est la vraye sagesse
Qui conserue ce tout en son integrité.

Iray-ie plus auant? lon maintient quelle assemble
En ce monde les Dieux & les hommes ensemble,
comme vnis habitans d'une mesme cité.

16

IL est certain que du Ciel vient la flamme
Au corps charnu, qui luy donne pouuoir,
Accoissement, estre, viure & mouuoir,
Quand au dedans les membres elle enflame.

Mais ce feu n'est autre chose que l'ame,
Pourtraict du Dieu qui la nous fait auoir
Auecque sens iugement & sçauoir,
Feu sans lequel nostre vie se pame:

Il nous fait voir & le bien & le mal,
Veindre nos sens, & brider l'animal
Qui d'un tel heur n'eut iamais congnoissance.

Ce mesme Dieu, puissant par dessus nous,
Par tel outil ploye sous nos genoux
Tout ce qui prent sur la terre naissance.

17

ET bien: vie plonger l'homme au gouffre des douleurs
Vien vomir dessus luy l'effroy de ta tempeste:
Fay le tapir honteux, sous le pié d'une beste:

Efface si tu peux ses plus belles couleurs.
 Va puiser aux enfers un monde de malheurs,
 Pour furieusement luy verser sur la teste:
 Frappe de pieds & poings, & enragé tempeste,
 Epanche de-sur luy une gresle de pleurs.

Fay qu'il soit plus abiect que toute creature:
 Songe encores qu'il est la honte de nature,
 Et qu'elle luy a fait de tous ses biens refus.

Foudroye sur son corps mille morts, & encore
 Qu'il te soit si tu veux, un Pasquil ou Marphore:
 Penses tu pour cela (dy?) le rendre confus?

18

Comme une tour par tout bien cymentee,
 Ne craint des vents, depiteux les abois,
 Ny le torrent enflé qui mille fois
 En se roulant du mont, la tourmentee:

Où tout ainsi que la roche plantee
 Au fond de l'eau, prise peu les effrois
 Des flots mutins, quand à sifflantes voix
 Les mesmes vents ont la mer irritée:

Ainsi ne peut le bon cueur s'ébranler
 Quelque tourment que l'air puisse gresler,
 Bien qu'au combat fortune le defie.

Plus roide il voit venir le fer pointu,
 Plus brusquement il opose vertu,
 Qui au danger mortel le fortifie.

19

Qui fait luyre vertu si non l'aduersité?
 Où s'éprouue l'or sinon en la fournaise?
 Si tu ne voids iamaïs chose qui ne te plaise
 Dy moy, quand aura bruit ta magnanimité?
 Celuy qui repri ma Cerbere depité

LE POVRTRAICT DE LA

*Qui par trois lieux souffloit son haleine punaise,
Et donna le sanglier qui vomissoit la braise,
Par quel degré vint il a l'immortalité?*

*Les astres sont plus beaux quād plus est la nuit brune:
Plus est loin du soleil plus se monstre la Lune:
Plus la Palme est chargée & plus sa hauteur croist.*

*Et l'homme genereux, plus vif il sent l'orage
Plus il se fortifie, & du masle courage,
Tant plus il est pressé, plus la force aparoist.*

20

HE! que dis tu? Ingrate creature?
*Qui ta versé en ce cuisant é moy?
Qui t'a fillé les deux yeux, dy le moy:
Dy: en quoy t'a onc offensé nature?*

*Quoy? n'es tu point (ô fol) sa seule cure?
Ne vois tu point qu'elle t'a fait le Roy
Des grands tropeaux que tu tiens dessous toy?
Telle faueur meritoit elle iniure?*

*Les animaux plus que toy sont heureux?
O que si Dieu te rangeoit parmi eux,
Que de regrets naisstroient de tel eschange!
Graces rendoit à nature Platon,
Qui le fit homme, & non bœuf ny mouton,
Cerf ny sanglier, ny autre beste estrange.*

21

Lon a veu fourmiller des cerueaux éuentez
*Qui pour cracher impurs, leur colere échauffée
Contre l'homme, pensoient se dresser un trophée,
Tant le charme sorcier les auoit enchantez*

*Les mortels (disoient ils) du ventre sont portez
Dans l'abime, de maux infinis étoffée,
Où leur felicité est du tout estouffée,*

Et naissent tout expres pour estre tormentez,
 Puis comme enfans conceuz d'une race adultere
 Ils accusoient les Dieux & nature grand mere,
 Et publoient les cieux & les astres cruels:
 Ils mugloient, comme fait vne beste sauvage,
 Pource que sans travail ils ne passoient leur age,
 Ou bien qu'ils ne naissentoyent, comme Dieux, immortels.

22

CE n'est l'argent, ny le fer, ny le cuiure,
 Ny les maisons, ny le riche tresor,
 Mais la vertu plus precieuse qu'or
 Qui nous fera par tous les siecles viure.
 Ce n'est la mort qui noz talons vient suiure,
 Mais vn sommeil bien doux qui nous endort,
 Quand nostre esprit pour voler à bon port,
 De sa prison facheuse se deliure.

Le corps s'en va lors dormir au tombeau
 (Restant mieux peinct au vif que d'un pinceau
 En ses enfans) d'où en fin il s'éveille.

Ainsi du grain, qui en terre pourrit,
 Secrettement le germe se nourrit,
 Duquel le fruit en la saison se cueille.

23

PLus doux que n'est le miel sont les fruiets de vertu,
 Quoy que soit au plus bas amaire la racine:
 Celuy qui pour l'amair quitte la medecine
 C'est bien fait s'il languit en sa couche abatu.

Contre infinis assaux Enee a combatu,
 Ains que d'estre seigneur de la terre Latine:
 Par vn large chemin au ciel lon ne chemine,
 Le sentier est plus seur qui est le moins batu.
 Ce n'est point par argent ny par or que se vendent

LE PORTRAICT DE LA

*Les presens que les Dieux debonnaires nous tendent,
Mais vn peu de travail tant seulement y sert:*

*Cela du Samien veut la lettre cornuë,
Dont l'vne corne fait voler outre la nuë,
L'autre dans les rochers solitaires nous part.*

24

LE laboureur se courbe à la charrue
*Bien volontiers, esperant la moisson,
Et pour le lait, & la cresse toison
L'actif berger apres son tropeau sue.*

*Le voyageur par la sente bossue
Ne craint le froid, ny la chaude saison,
Et tant desire à reuoir sa maison,
Que pour tel heur, à peu qu'il ne se tue.*

*Quel bien vois tu en ce monde aussi cher,
Que le repos qu'il faut aller chercher
Là où vertu seule te peut conduire?*

*De quel desir dois tu estre incité,
Puisque rien ferme icy ne se peut dire,
A rechercher ta premiere cité?*

25

Qui pourra limiter au temps quelques arrests,
*Au temps, duquel lon dit que nostre race est nee,
Dans vn crible il tiendra la mer emprisonnee,
Et ferrera en vn les vents dedans ses rets.*

*Quand Flore a raiunny le beau front des forests,
Ceres de ses tresors vient enrichir l'annee:
Et puis quand la liqueur d'lache est entonnee,
Chiron vient empanner de glace tous ses traits:
Au matin le soleil l'Antipode abandonne
Pour voir icy à plomb: puis la carriere il donne
Du soir, vers le palais où Neptune se tient.*

Donques si nostre estat d'heure à autre se change
 Par decret naturel, ne le trouuon estrange:
 Car nous ne sommes seuls ausquels cecy aduient.

26

L'on dict qu'il n'est plus aspre maladie,
 Que de celuy dont le corps de seiché
 Porte son mal aux membres épanché,
 Et ne le sent en aucune partie.

Je sçay ma chair au vice assuiettie
 Dés que i'estoy' dans le ventre caché,
 Et qui se dict estre né sans peché,
 Je croy qu'il est agité de manie.

Si nous n'estions par peché contrefaits,
 L'on nous diroit des demi-dieux parfaits,
 Et non suiets à mort comme nous sommes.

Mais cognoisson que nous viuons mortels
 prompts à pecher, & (à vray dire) tels
 Que nous auons ce qui est propre aux hommes.

27

Si le peché nous fit esclaués de la mort,
 La mort qui quelquefois tint nostre ame asseruie,
 Nous renaissions aussi maintenant à la vie
 Par la mort de celuy qui s'est fait le plus fort.

Du bois nous sourçoyoit cet outrageux effort
 Ministre du vilain qui sur nous eut enuie,
 Mais sa proye luy fut par bois aussi rauie,
 Et en pensant meurtrir, luy-mesme il tomba mort.

Comme le Scorpion tient au bout de l'échine,
 Aueque son venin, la prompte medecine,
 Au bois fut le mal-heur, & le bon-heur humain.

Des serpens plains de feu au desert Arabique
 Ce sacré bois sauua le saint peuple Hebraïque,

LE PORTRAICT DE LA
Quand il soustint en l'air vn grand serpent d'airin.

28

Quand le iardin sa semence a receüe
Sur le printemps, dedans son moite sein,
Au chaud rayon il iette vn petit brin,
Qui met apres la belle fleur en veüe:

Non autrement cette masse est conceüe,
Ce petit corps, ce reietton humain
A qui nature a poli de sa main
Pour son plaisir, la tendrette chair nuë:

Puis peu à peu l'age qui va croissant
Le rend plus beau, mieux formé & puissant,
Apte & aux artz & à la monarchie.

En ce point l'or & les biens de grand pris
Sont en honneur, bien qu'ils se soient nourris
Long temps au fond d'une grotte moisie.

29

L'Ouurier ingenieux qui pour vn grand seigneur
Entreprend d'enleuer vn superbe edifice,
Employe de ses sens le subtil artifice,
Pour le rendre admirable au sieclè successeur.

Il compasse le long, le large & la hauteur,
Il fait enfler les murs & le beau frontispice,
Afin qu'aux rayons clairs le net marbre y blanchisse,
Et dresse les piliers d'une égale rondeur.

Il dore les lambriX, le front & l'entailleure,
Il asiet l'escalier & cerne la vouture,
Puis il met au plus haut le sommet émaillé.

Ainsi nature a fait, mais de plus riche l'ame
Et d'un ouurage encor mille fois mieux taillé
La prodigue maison où se loge nostre ame.

30

ONques ne fut la montagne entamee,
 Quand le deluge engloutit les humains
 Pour retirer de ses froids intestins
 Noz membres vifs dans la pierre animee.

Nous ne succons vne louue affamee,
 Et ne font pas noz cheueux serpentins
 Roidir les corps tout au long des chemins,
 Ny n'en fut onc nostre race blamee.

De tendre chair sont composez noz corps,
 Blanche, polie & qui monstre en dehors
 Vn teint plus vif que la rose vermeille.

Merueille n'est si l'esprit desireux
 Voyant du corps la beauté nompareille
 Quitte le ciel pour en estre amoureux.

31

Nostre chair qui s'en va encerner tous les os,
 Les nerfs & les tendons qui dedans s'alongissent
 Les veines sous la peau qui s'enflent & rougissent,
 Bornent à nostre esprit l'industrieux enclos.

Là les quatre elemens l'un dans l'autre sont clos,
 Qui pour garder cela en vn se retinissent,
 Et plus s'entre hirtans de rage ils ne fremissent,
 Ainsi comme ils faisoient dans leur premier chaos.

Là le sang atiedy nourricier de la vie,
 Tempere la froideur de la melancolie,
 Et ce qu'elle a de sec dans sa moite chaleur.

Là du phlegme pesant la nuë mi-gelee
 Reçoit en son brasier la colere brulee,
 Pour nous entretenir en nostre integrité.

32

Nous sommes faitz d'une double substance,

LE POVRTRAICT DE LA

Nous ne venons aussi d'un mesme lieu,
L'esprit qui est immortel vient de Dieu,
Du corps mortel en terre est la semence.

En haut iallit & brusquement s'elance
L'esprit diuin plus leger que le feu
Le corps pesant veut tousiours le milieu
De ce bas siege où est sa demeure.

Donques pensons que nous viuans icy
Ne deuons trop eleuer le sourcy,
Quand Dieu benein quelque bon-heur nous preste.

Et puis vsans de semblable compas
Il ne nous faut auoir le cœur trop bas
Quand quelque mal tombe sur nostre teste.

33

Nature n'a donné, mais cherement vendu
Ce que d'elle reçoit vne beste insensee,
Soit elle au plain des champs ou dans l'onde mussee,
Soit ce qui court au bois ou qui l'air a fendu.

De peau tendre & de cuir où le poil est pendu
D'escaille de toison & de plume agencee,
Compense la raison cette mere effencee,
Dont l'usage à la beste est du tout deffendu.

Si bien ieune elle court, si elle rampe ou vole,
Elle n'a sens aussi, ny scauoir ny parole,
Ny pour se faire ouir tant seulement la voix.

Donc si nature estoit de ce peu larronesse
Qu'à ce pauvre animal, ie vous pry, que seroit-ce
Qu'une masse de terre ou bien un tronc de bois?

34

Imaginez à quelcun vne hure,
Eclattez luy la machoire, & dedans
Alongissez d'un demy pie's ses dents,

Plan-

plante & d'un cerf au dessus la ramure.

Ses griffes soient d'une mesme parure
Entonne & luy du venin dans les flancs
Et comme feu faites ses yeux ardents
Ne sont-ce pas les armes de nature.

Hé cette dame a bien mieux ordonné
Et tels fatras à la beste a donné
Qui autrement estoit toute difforme

Mais l'homme vient au iour plein de douceur
Et au milieu des bestes le tient seur
La maïesté de la diuine forme.

32

LE Monarque s'il vient en ordre trionfant
Voir son propre país & faire son entree
Il ne porte ny plons ny poudre salpetree
Ny la masse aux cent nœuds, ny la hache qui fend.

Quand en cette lumiere aussi vient un enfant
Pour estre professeur de la basse contree,
Et que ses tendres pie & la terre ont rencontrée,
Faut il qu'il soit ou tygre ou Indique elephant?

Rien moins: car il s'en viét non pour semer la guerre,
Mais pour iouir heureux des biens de cette terre,
Et de tout ce qui est au fond de l'Ocean.

Dans son palais il voit l'une & l'autre lumiere
Recommencer tousiours l'ordinaire cariere,
Et compasser les iours & tous les mois de l'an.

33

Nature mit par prudence admirable
Sur l'animal ce dont il est armé,
Et qui encor le monstre mieux formé
Mellant le beau parmy le profitable
De l'homme fait pour estre perdurable

LE POVRTRAICT DE LA

Tout l'equipage est dedans enfermé
Si le dehors demeure desarmé
C'est de cela qui n'estoit conuenable.

Qu'est il besoin (ie vous priez?) que ce corps
Face aparoir ses armes en dehors
Puisque l'esprit au dedans tient la force?

Ainsi ne met sa defence à l'escart
Vn gouuerneur si l'ennemy le force
Mais il la tient au dedans du rempart.

37

Q V and ie voy l'elephant, le taureau, le cheual,
Qui iusque sous mō pié craintifs se viēnēt prēdre,
Combien plus excellent (di-ie alors) me peut rendre
La raison, que les nerfs de ce lourd animal?

Si la nature veut ou le destin fatal
Que pour viure, au labeur la main ie vienne tendre,
Combien en doiuent moins ces animaux attendre
Qui travaillent pour eux, & pour moy ont du mal?

Pour moy le bœuf tardif traîne au champ la charrue,
Le cheual sous le faix pour mon seruice sue
Et pour moy la brebis porte lait & toison:

Pour moy tous ses troupeaux le vague flot enferme,
Pour moy encor les siens la campagne deferme,
Et pour moy la forest nourrit sa venaison.

38

B Ien que le ciel nous donneroit sans peine
La blanche manne vn chacun iour de l'an,
Bien que le miel plus iauue que safran
Degouteroit du foreau ou du chesne,
Bien que le lait sourçoyant par la plaine
Iroit blanchir le sein de l'Océan,
Bien que viendroît le repas sans aban

Du gland aigret ou de la douce feine.

Voudrions nous bien pourtant viure oïeux?

Mais qui croira que les souverins Dieux

Vinent oisifs en l'eternel Empire?

Ou se verront de noz diuins esprits

Les beaux effects, si au travail épris

Comme le iour ils ne viennent reluire?

39

Ainsi qu'en cent miroirs deuant toy découuers
Tout d'un coup lon verra le pourtraict de ta face,
Lon voit tout à la fois, mais d'une meilleur' grace
Le vis pourtraict de Dieu par tout cet vniuers.

Mais quand ce saint rayon transperce le trauers
Du mouuement des cieux & s'en vient prendre place
Comme en un bouleuert dans la charnelle masse,
De mesme y sont infus benefices diuers.

Aussi tost la raison presidente y arrine,
La force des esprits & l'imaginative,
Le iugement posé maistre du sens commun.

C'est cette chaine d'or qu'Homere fait descendre
Du plus haut de l'Olimpe, & iusque en terre pendre
Pour ioindre tous les Dieux & les hommes en vn.

40

Qui sçait iuger de la chose presente
Qui du passé se peut ressouuenir,
Qui prudemment preuoit à l'aduenir,
Qui sçait grimper où tend l'estroite sente.

Qui au palais des vertus se contente,
Qui au vray bien par elles peut venir,
Qui sçait honneur avec soy retenir,
Qui sagement du deshonneur s'absente.
Qui n'est trop fort par le vice souillé,

LE POVRTRAICT DE LA

Qui daus le sein de nature a fouillé:
 Qui voit le large & le rond de la terre.
 Qui de Doris voit le champ paresseux,
 Qui son pennage encor plus haut desferre,
 Qu'il se repute & riche & bien-heureux.

41

Si bien ne sçait tenir l'esprit emprisonné
 De noz membres charnus la massiue closture,
 Qu'il n'erre vagabond, les secrets de nature
 Hardiment furetant d'un cours abandonné.

Onques l'air tripartine l'a tant estonné
 La profondeur de l'eau ny de terre l'enslure,
 Qu'il n'ait guidé ses pas tout outre à l'aduenture,
 Ny la flamme qui tient tout cela encerné.

Il voit bien quand le iour vient écartier la nuit,
 Il le voit derechef sous l'Océan conduit,
 Quand Vesper au crin noir ses estoiles fait naistre.

Puis comme par mépris de ce qui est mortel
 Il vole dans les cieux, & y va reconnoistre
 Ce qui est tout parfait, tout vif & immortel.

42

Quand au berceau l'enfant mignot sommeille,
 La mere ayant en lieu bien coy enclos
 Son popelin le laisse en doux repos,
 Et va iouer iusque à tant qu'il s'éveille.

Nostre ame ainsi son voyage aparcille,
 Laisant iouer nostre char & noz os
 Du doux sommeil quand il tient noz yeux clos,
 Et des hauts cieux va reuoir la merueille.

Elle y congnoist tout le decours des ans,
 Soyent ou passé, ou presens, ou suiuan.
 Et du destin la secrette ordonnance.

Puis à son corps qui sur la terre dort
Elle en vient faire un fidele raport,
Qui reueillé à diuiner commence.

43

Tant cherissent les Dieux l'ouurage de leurs mains,
Que pour se venir ioindre icy à leur image
Ils quittent les hauts cieux qu'ils ont en en partage,
Prenans plus de plaisir aueque les humains.

Mais les corps transperceZ de ces rayons diuins,
Sentans leur sang bouillir & ardre leur courage,
Admirables se font renommer en tout age
A qui leurs vers sacreZ sont oracles certains.

Tout ainsi que le Dieu change de sa prestresse
Les gestes, la couleur, la voix quand il la presse
Ne laissant rien humain dans son corps agité.

Ainsi l'homme n'est plus qu'un truchement celeste
Qui le secret des Dieux en terre manifeste
Quand il est affolé de la diuinité.

44

Quand Apolon quitte là sa prophete
Et vers Parnasse a choisi ses esbas.
L'estomac vuide & tous les membres las
Elle demeure inutile & muette.

Mais de noZ corps (quand au ciel prent sa traicte
La Deité) le semblable n'est pas.
Car dans nostre ame elle imprime ses pas,
Et la nous rend en tout sçauoir parfaite,

cette ame faiçt les secrets decourir
De la nature : Elle nous faiçt courir
De siecle en siecle apuyeZ sur l'histoire
Elle produit les faconds orateurs
Et ceux qui sont des beaux vers inuenteurs

LE POURTRAICT DE LA
Elle les sacre au temple de memoire.

45

Nature a preparé pour l'unique raison
Le chef qu'elle a planté comme vne citadelle
Sur la croupe d'un roc : lieu certes digne d'elle,
Et elle digne aussi d'une telle maison.

A la forme d'un ciel est ce braue donjon,
Et du ciel y descend la diuine estincelle,
Afin que la rondeur & la beauté d'icelle
Represente en nos yeux vne perfection.

A ce qui est derrier (moitié du petit globe)
La grand' mer a tissé de ses mains vne robe
De cheueux crepelus vray ornement du chef,

Laisant à decouuert le costé du visage
Qui est l'autre moitié où tu vois derechef
De la diuinité vn ample tesmoignage.

46

Comme Iupin de son siege commande
A tous les Dieux qui sont prompts d'obeir,
Ou comme vn Roy son edict faict tenir
A ses suiets aussi tost qu'il leur mande.

Raison aussi (quoy que loin ne s'estende
Son bras armé) bien tost se fait ouir
Des sens humains & d'eux se fait seruir
Comme vn bon chef au milieu de sa bande.

Les sens legers qui sont exterieurs
De tout obiect les pourtraicts font congnoistre
(Comme suiets) aux sens interieurs.

Le sens commun iusque aux autres les rend
Et pour raison qui sur eux tient le sceptre
Dans son tresor la memoire les prent.

47

CE iumeau labirint' qui d'une & d'autre part
 Les paroles retient au chef ensevelies,
 Et dessous le beau front ces deux perles polies
 Qui l'obscur ennuyeux envoient à l'escart.

Le petit bastiment vouré qui les depart
 Et prend l'odeur des fleurs & des especeries,
 Les leures de courail encores plus iolies,
 Cet ynoire qui faict à la langue un rampart.

Puis le riche coton qui le menton redore
 Merque à l'homme parfaict honorable, & encore
 Ce bel ouvrage peint d'une vive couleur.

Mille rares presens que tire de son coffre
 Nature de sa main prodigue, & qu'elle t'offre
 Quoy diras tu (ingrat) que cela soit malheur?

48

Quiconque soit (ô mortel) qui t'accuse
 D'estre masqué d'un simulé semblant,
 Voilé du mal qui ton cueur va souillant
 Se trompe, ou bien moy mesme ie m'abuse.

Quand renaistroit la fille à Rheletuse,
 Le petit membre en prison babillant
 Et le visage assuré ou tremblant
 Deconurriroit sa penssee confuse.

Certainement les cachots plus subtils
 Sont deconuers par semblables outils,
 Et les secrets aporteX en lumiere.

Car quand du tout la langue se tairoit,
 La face ouuerte & du cueur messagere
 Par ses couleurs & gestes parleroit.

49

O Membre delicat! riche present des Dieux!

LE POVRTRAICT DE LA

C'en'est pas sans raison que tu es emmuree
De ton double rempart pour y estre assuree!
Car plus rare est le bien plus il a d'enueux:

Langue mere des arts, qui rapaises les cieux,
Et dans l'autre sacré fis la premiere entree,
Langue qui fais venir icy la belle Astree.
Egalant presque au ciel ce monde spacieux.

Sans toy celle qui tient la teste Gorgontine
(Langue qui peux du tout noz travaux enchanter)
N'eust enseigné le Grec ny la phrase Latine.

Facent les Dieux benins, face la trope sainte
Qui boit au clair ruisseau du tertre à double pointe,
Que ie puisse vne fois ton bel hymne chanter.

50

Prompt au travail, de matiere solide
Sont estendus les bras en deux rameaux
Tenans les mains qui à tous animaux
Tant forts soient ils, scauent mettre la bride.

C'est pour garder cette chambrette humide,
Où les poulmons alongent leurs tuyaux,
Et où le foye enyure ses canaux
Auec le cueur formé en Piramide.

Si de ce corps tu cherches le surplus
Qui est tant bien ordonné que rien plus,
Tu n'y verras qu'une belle harmonie.

Et au dessous deux blancs marbres enteZ
D'un merueilleux artifice inuenteZ,
Dessus lesquels tout l'ouurage s'appuye.

51

Qui establit iadis le reyaume Asirien?
Qui fit chez les Medois flamboyer le beau sceptre?
Qui rangea les Persans sous sa puissante dextre?

Qui haulsa le non Grec & Macedonien?

Qui fit tant eslargir l'Empire Italien

Que lon ne scauoit plus ou son but deuoit estre?

Qui a peu les Germainz & la France soubsmettre

Aux bras victorieux du germe Phrigien?

Qui honore les Dieux par hymnes & cantiques?

Qui maintient soubz ses lois les grandes republiques?

Qui se faict heritier d'un siecle bien heureux?

Qui est tout l'ornement de ce mode ou nous sommes?

Qui le tient en honneur? ne sont ce point les hommes,

Les hommes que lon dict estre si malheureux?

52

Non, non: iamais vne beste sauvage

Ne mit rempart sur le bord des fosses

Par elle aussi onc ne furent foncez

Les grands vaisseaux vis à vis du riuage

La beste n'a d'un genereux courage

Cent corcelets pour un iour enfoncez

Elle n'a point sur les sillons chassé

Les bœufs ny pris le gain du labourage.

Elle ne mit onc grape sur le pressoir

Onc ne versa le vin dans l'entonnoir

Et n'a gardé les troupeaux en la plaine

Elle ne sceut onc les fourneaux eschauffer

Epurier l'or le cuyure ny le fer

Tistre, filer, ny escarder la laine.

53

Sur les estangs cauez & ruisseau au long tour

Du matin les vapeurs fument, & aux prairies

Mais ces fumées vont en l'air éuanyes

Si tost que le soleil faict icy son retour.

Ainsi les apétits qui viennent chacun iour

LE PORTRAICT DE LA
Poénçonner nostre chair, ou plus tost les furies
Ne scauroient offencer quand ce seroient harpies
Raison qui les peult bien domter de son seïour.

Il nous fault temperer (ce dira le Stoique)
Ces éguillons lascifs: le Peripaletique
Plus seüere, les veut vniement retrancher.

Mais l'un & l'autre faut (ce me semble) à bien dire
Brider faut l'apetit qui serré ne peut nuire
Et de l'autre imdompté la racine arracher

54
Non pour auoir les grand's lames de mide
Ny tout l'amas que Cresescent tenir
Mais pour sa vie & pour s'entretenir
Il est besoin que l'homme soit cupide

Non pour fraper, non pour estre homicide
Doit le courroux au cueur humain venir
Mais il est bon pour le vice punir
Quand la raison luy reserre la bride

Non pour cela qu'on derobe de nuict
Au lit d'autrui l'amour fut introduit
Mais pour gagner legitime lignée

Je dy ainsi de toute affection
Qui tend au but d'une perfection
A quoy vrayment raison l'a destinée.

55
IL n'est si maigre champ ny mont tant reculé
Qui quelque mois de l'an sa durté ne tempere
Tant que les vilageois quelque bien en espere
Fut il plus qu'un Danube ou Caucaise gelé

Onques en champ si gras le cheual attelé
N'a torné le sillon que la seiche feuchiere
Ou le grain malheureux de quelque yuroye amere

Darmy l'espi frairé souuent ne soit meslé.

Iamais n'a cheminé compagnie tant sainte
Ou quelque vitieux n'ait donné quelque atteinte

Tesmoïn le proditeur du propre facteur sien.

Et iamais lon n'a veu terre tant vitieuse

(Tesmoïn celuy qui vit le feu Gomorrien)

Qui n'ait bien enduré quelque ame vertueuse.

56

Nous adorons (& à bon droit) la cendre

De ceux qui ia sont renolez au cieux

En resistant au monde furieux

Comme au brasier la froide Salemandre

Heureux mortels qu'au vray bien ie voy tendre

Foulants aux pieds ce qui est vitieux

Sur la rondcur du monde spatieux

Pour dans le ciel vostre salaire prendre

Auancez vous tendez à ce repas

Laissez moy ceux qui dignes n'en sont pas

Par eux sera vostre gloire esclarcie.

car vous liurez dessus eux aussi beaux

Que dessus nous les celestes flambeaux

Quand la nuit brune a la terre obscurcie.

57

Tu nous veux donc rapir pour iamais en l'écueil

Depouiller tous nos Rois & princes de leur gloire

Abatre le triumphe enfant de la victoire

Flagotant tout cela sous le lien d'orgueil

Tu veux nostre louange enfermer au sarcueil

Et à fer émoulu venir contre l'histoire

Qui du tombeau caué tire nostre memoire

Gardant de plus haults faicts le fidelle recueil.

Tu veux cacher le bien qui luit dedans nostre ame.

LE PORTRAICT DE LA
Rendre l'esprit rouillé plus qu'une vieille lame
Et démembrer vertu afamee d'honneur.

O cuer, cuer genereux empanne tes deux ailes
Pour voler vers le ciel: & encor, gentil cuer
Acquier toy par travaux louanges immortelles.

58

IE ne croy point que ce soit auarice
Ilouir du bien qu'on gaigne avec sueur
Et si quelqu'un veult viure sans labour
Ie dy qu'il va comme faict l'Ecreuice,

L'or & l'argent n'engendrent point le vice
Ny la grand soif l'Eneeune liqueur
Avec cheuance à l'homme vient honneur
Pour veu que trop ne s'y assubiectisse

Que seruiroit le bien Oriental
Que seruiroit l'or & l'autre metal.
Enscuelis dans leur veine profonde?

Certes les Dieux nous permettent d'vser
(Vser ie dy & non point abuser)
De tous les biens qu'ils ont mis en ce monde.

59

IL faut contre le ciel nouveau crime songer
Contre la terre aussi qui son grand ventre éclate
Pour monstrier ses tresors qui voudra comme Crate
Son argent par dépit dans l'abisme plonger.

Pour les biens il faudra vn autre nom forger
Il faut (mere des Dieux) que tes tours lon abate
Il faut mettre au soleil nostre chair delicate
Viure parmy les loups & avec eux loger.

Il faut laisser perir le beau rapis des prees
Oster le parement des Collines pamprees
Si le bien nous déplaît qui à la vie sert.

Il faut decheucler la mere à Proserpine
Contre les elements il faut qu'on se mutine
Et de ce monde épars ne faire qu'un desert.

60

DE fabriquer pour le vol d'une mouche
Dans sa poitrine un furieux enfer
Et par courroux importun s'eschauffer
Cela est propre à la beste farouche.

Mais quand de pres quelque offence nous touche
Il nous faudroit auoir un cuer de fer
Ou tous les sens de nostre ame étoufer
Si nous n'ouurions tant seulement la bouche

L'homme d'honneur les vices ne peult voir
Leuer la creste & ne s'en émouuoir
Ains à iceux il s'oppose seuer

Point n'endura Moysé estre au milieu
L'Egyptien qui outragea l'Hebrien
Ny Phinees l'impudique adultere

61

A Grand peine se peult la paix entretenir
Qui par la guerre n'est & les armes conquise
Non la guerre qui naist d'un feu de conuoitise
Mais qui sçait bien l'effort hostile retenir

Un iuste Mars viendra le rebelle punir
Et l'humble qui se rend remettre en sa franchise
Rebouter l'ennemy, Briser son entreprise
Et tout le peuple en paix sous son Roy contenir

Sans les armes viendrait raur iusqu'à la robe
Qui comme nostre chair, le vilain qui derobe
Qui force les maisons & rougit les chemins.

En pieces nous mettroient les bestes affamées
Si le couteau n'eust mis celuy entre nos mains

LE PORTRAICT DE LA
Qui se faict appeller le grand Dieu des armées

62

ONques ne fut sans quelque bien l'enuie
Brulant d'un feu saintement attizé

Elle assembla viritois a Thesé

Et a Damon son demy tout, Pitie

Sans elle aussi onc à la monarchie

Cesar n'en eu le chemin si aisé

Braue enuieux Alexandre a osé

Branchir l'Europe & l'Afrique & l'Asie.

Sans elle icy à peine paroistroient

Les gens lettrez & les lettres seroient

comme le feu sous la cendre, tapies,

Sans elle encor comme iugeroit lon

Des doctes sœurs cueur sacré d'Apolon

Et du iargon des babillardes pies?

73

Pour veoir quelque fétar couché en plein midy

De qui le ventre enflé seulement est la cure

Nul ne doit temeraire, en general conclure

Que tout le genre humain soit ainsi engourdy

Ce rond qui pend en l'air sur quoy lon a ourdy

Tant de braues citez à la haute closture

Tant de voiles guindez qui sondent l'adventure

Chantent un monde prompt au travail, & hardy

La terre en tant de lieux au coulre renuersée

L'herbe par les vallons en beaux endains versée

Le sep serrant l'ormeau d'un reply tortueux,

Infinis artisans qui iour & nuict travaillent

Et tousiours nouueautez de leur boutique baillent

Ne representent point un monde paresseux.

SI nous n'auions autre Dieu que la pance
 Il vaudroit mieux que nous ne fussons ne
 Ou que deia nous tint emprisonne
 Celuy qui a sur les ombres puissance.

Mais nous pourrons lors vser sans offence
 De tous les biens que Dieu nous a donne
 Quand nos desirs seront bien ordonne
 Et que raison y tiendra la balance.

Je ne sauroy vn Apice aduouer
 Ny vn truant Sardanapal louer
 Ny les exce d vn Helion abale

En cas pareil ie prise moins que rien
 Vn que ie voy plus que n'est la mort palle
 Mourir de faim au milieu de son bien.

DEux archerots ont pris le nom de Cupidon
 L'un fils de Iupiter & de la Cyprienne
 Mais l'autre outre le bord de l'onde Stygienne
 Fut conceu de la Nuiet ou de quelque Enion

Le fils de Iupiter porte vn sacré brandon
 Et vent qu'honneste amour tout ce monde entretienne
 L'autre les cueurs charme & pert en la braise sienne
 Et des plus vitieux meët au vent le guidon.

Sus donc chastes amants prenez la iouissance
 De ce fruiet delicat que lon peut sans offence
 Avec contentement en tout age cueillir

Sans vous aller ventrer (comme porcs en l'ordure)
 Dans le boubrier punais d'une infame luxure
 Qui faict réuer le vieil & le ieune vieillir,

Dessus le dos d'une grosse riniere

A petit bruit s'en vont les flots menues
Et ne font mal quand ils sont retenus
Dedans les bords de leur claire carriere.

Mais si vn coup ils forcent la barriere
Et vont rouler par les plains incongnus
Iamais tant doux ne se sont contenus
Que débordeꝝ leur rage sera fiere

Ainsi raison tenant assubiectis
Dans son rempart les humains apētis
Ce ne sera qu'une diuine Idée

Mais si la porte vn coup se vient ouurir
Plus écumeux lon les verra courir
Qu'au plain des champs la beste débridée

67

*Q*ui ne prendra plaisir à voir un petit corps
Blanc plus que n'est le lis qui ses plis deuolope
Mieux poly que le bœuf qui se chargea d'Europe
Luy voulant faire voir de Crette les cent portꝝ?

Son petit ris mignard, ses tendres bras dehors
Quand en beau linge blanc sa mere l'enuelope
Son regard tant doucet pourroit bien d'un Ciclope
Ramollir la fureur s'il le voioit alors

comme a le cuer ioyeux la mere qui essaye
A le faire parler voyant ia qu'il begaye
Estendu au giron en cherchant le tetin?

Comme est heureux le pere ayant de bonne grace
L'enfant entre ses bras qui le baise & embrasse
Et ia le reconnoit par son ris enfantin?

68

*T*ant heureuse est sur tout age l'enfance
Qu'en la voyant il me souuient encor
Et de Saturne & du bon siecle d'or

Ou lon

Ou lon viuoï en estat d'innocence.

Age sacré! qui n'as soin de cheuance
Des grands estats, des longs iours de Nestor
Qui ne crains point le martial effor
Ny d'un Senat rigoureux la sentence.

Quand les iardins reprennent leur couleur
Du petit brin naistra la belle fleur
Pour le plaisir d'une ieune pucelle.

L'enfant aussi ses tendres ans conduit
Pres ses parens & sous leur main fidelle
Croist au proffit de l'autre age qui suit.

69

L'Esprit de l'enfanson est ainsi qu'un tableau
Qui n'a encor receu ny couleur ny dorure
Mais poly & laué n'attend que la peinture
Et le traict enrichi decoulant du pinceau

Pource il faut que l'enfant boiue dès le bercean
Les saints enseignemens avec sa nourriture
Car bien long temps l'odeur bonne ou mauuaise dure
Qui a premierement abreuvé le vaisseau.

celuy n'est vray seigneur de la maison bastie
Qui mettant à mépris la meilleure parcie
Quitte tout le dedans & se tient au dehors.

Et le pere n'est pere ains inique perastre
Et la mere n'est mere ains inique merastre
Qui ne veut de son part esleuer que le corps.

70

Pour façonner un cheual à la bride
Prendre le faut encores tendrelet
Alors son maistre ainsi comme il luy plait
Le fait marcher le retourne & le guide

Son pere, donne un bon maistre pour guide

LE PORTRAICT DE LA

A ton enfant quand il quitte le lait
Et n'aten point venir le poil follet
Sur le menton ny que le front se ride.

Sus vous aussi, sus enfans bien heureux
Exercez moy ses esprits genereux
Et d'un saint feu eschauffez vos poitrines.

Abreueez vous de vray religion
Tendez aussi à la perfection
Ou vous rendront les arts & disciplines

71

Bien peu nous seruiroit si n'enfantoit du fruit
Sur son tige nouailleux une branche florie
Bien peu sert à l'enfance aussi plus longue vie
Si l'age ne luy donne auancement & bruit.

L'homme prent le plaisir qu'enfance luy produit
Et tout son beau printemps à soy seul aproprie
Reservant aux parens & à l'alme patrie
Tout le fruit qui naistra de la saison qui suit.

C'est alors c'est alors que son male courage
Luy faict auoir un nom immortel en partage
Quand il voit deffous luy les chemins pouldroyer.

C'est alors qu'il se dresse un superbe trophée
Et de son ennemy rend la gloire étouffée
Quand ainsi qu'un éclair il le vient foudroyer.

72

Lon ne voit point l'excellence parfaite
Du musq' qui est dans sa boiste couuert
De L'aloës qui pour l'estomac sert
De l'Ambre gris, Amome ny Ciuette.

Mais quand on a tiré de la caissette
La riche drogue & mise a decouuert
Après tel bien presque le sens se perd

Qu'il n'atendoit de si mince cachette

Ainsi tandis que l'homme a le loisir

De viure à soy du tout à son plaisir

Il tient la manne en sa boiste pressee.

Mais quand il vient à l'estat politic

Alors voit on le thresor en public

Que tenoit clos sa diuine pensee.

73

P*our entendre (mortel) de ton destin le sort*

Il ne te faut chercher l'oracle ny l'augure

Ny la prestresse encor qui groumelant murmure

Quand la diuine erreur la poinçonne bien fort

Et si tu veux sçauoir comme est foible l'effort

De l'inique fortune, & vaine la tornure

De son rouet pipeur, ne sois vn Palinure

Qui voyant l'air serein trop imprudent s'endort.

Aymen & craindre Dieu, ne faire à nul dōmage

Honorer ses parents & auoir en partage

Sçauoir ioint à vertu c'est vn presage heureux.

Si fortune t'assault opose vne constance

Car tu ne sçauois mieux renuerser sa puissance

Ny briser ses efforts traistres & rigoureux.

74

B*ien que quelqu'un de l'indiscrette tourbe*

Soit malcontent de sa condition

Tous ne sont pris de mesme ambition

Ny empestre au fond de cette bourbe.

Onques ne fut Pitagore vn Emphourbe

Onques Iunon ne cherit Ixion

Marcie n'eut iamais ny d'Amphion

Ny de Phebus l'archet qui se recourbe.

Ce n'est l'estat du maigre labourcur

Porter vn sceptre & se feindre Empereur
Ny du bouuier à fueilleter le liure.

Ce n'est l'estat du marchand derechef
Porter la mitre ou couronner son chef
Ny du sacré, la marchandise suivre.

75

CEluy qui le premier fit Neptune écumer.
CA grands coups d'auirōs, quād il guinda ses voiles
Et l'ouurier qui subtil, se façonna dts ailes
Egalement hardis se peuuent estimer.

L'un se fit brauement citoyen de la mer
Et au milieu s'aquit possessions nouvelles
L'autre s'en alla voir le sejour des estoilles
Tant heureusement sceut de ses ailes ramer.

Je ne sache celuy qui tels ouuries ne prise
Et qui n'admire encor leur superbe entreprise
Superbe & qui l'oubly tresingrat a veincu.

Heureux tels inuenteurs! & ceste main subtile
Heureuse quatre fois, qui tant nous fut vtile!
Et nous heureux encor de ce qu'ils ont vécu.

76

AVec dangers hors du port fait sortie
LA nef qui va sur l'eau leuer le front
Mais sans danger les hommes ne rendront
Dessous leur pié la mer assuietie.

Europe n'eust dans l'Afrique rostie
Gaigné les noms qui tousiours dureront
Sans les grand's naufs qui encores nous font
Iouir du bien plus precieux d'Asie.

Cent mille porcs aux Isles sont cognu
Que les grands flots à ceux laissent tous nus
Qui hasardeux dans les vagues sillonnent.

Donc sans raison ne creut l'antiquité
Tant les prochains aux estrangers se ioignent
Ce monde entier n'estre qu'une cité

77

Tousiours au plain des champs ne tombe le malheur
Tousiours Ceres ne pert ses cheueux aux campagnes
Tousiours n'est foudroyé le pampre des montagnes
Et tousiours l'arbre n'est despoillé de sa fleur.

Tousiours Pales ne pert dans les prez sa couleur
Tousiours ne ment le gland les mois ny les chastaignes
Tousiours ne vient le loup aux camuses compagnes
Et tousiours n'est sur pié le meurtrier ou volleur.

Tousiours l'apparilleur la grange ne despoille
Le gendarme tousiours dans le coffre ne fouille
Et tousiours l'usurier ne tient son parchemin.
Bref en tous temps le ciel ne darde sur la teste
Du simple vilageois son feu ny sa tempeste
Et en tout temps le mal ne le guette au chemin.

78

O Bien heureux qui peut user son age
Dans son logis reculé du rempart
Et qui contant ne requiert pour sa part
Que ce qui naist de son propre heritage.

Plus le recree en son petit vilage
Voit son bestial qui ça & la s'épart
Qu'un grand Paris que la Seine depart
Bornant ses flots d'un quadruple riuage.

S'il est lassé, le petit arbrisseau
Luy donne ombrage, où aupres d'un ruisseau
Il va dormir attendant la vépree.

Il n'a soucy du morrion cresté
Ny du tonnerre au canon apresté

LE POVRTRAICT DE LA
Ny du Senat à la robe pourpree

79

Toute terre n'a pas l'amome *Assirien*
La perle n'est par tout ny l'union *Persique*
Toute prouince n'a le bel yuoire *Indique*
Et ne coule en tout lieu vn ractol *Lidien*.

Toute contrée n'est fertile de tout bien
L'europe ne vit onc ny la bouillante *Affrique*
Ny l'Orient pourpré tant riche republique
Qu'elle s'osast vanter n'auoir faute de rien.

Donques c'est à bon droict si maintenant ie louë
Ceux qui d'un reide vol font apointer leur prouë
Contre le front cornu du rinage estrange

Ils au peuples lointains portent ce qui abonde
Dessus leur propre hareine & le vont la changer
Aux plus riches tresors qui soyent en tout le monde.

80

Si le marchand ayme tant sa patrie
Qu'il ne craint point de se mettre au hazard
Pour y tirer le bien de toute part
Faut-il pourtant, qu'auare on le publie?

S'il prent plaisir tant que dure sa vie
A voir le lieu d'où le beau soleil part
Et quel chemin il reprent sur le tard
Faut-il qu'ainsi malheureux on le crie?

Certainement vn mortel ne peult mieux
Representer le naturel des Dieux
Qu'en bien-faisant à chacune personne:

Et ne scauroit plus grand bien recevoir
Que quand il pleut ce bel espace voir
Que le grand Dieu en partage luy donne.

81

Comme en son grand Olimpe est reueré l'enfant,
 L'enfant cher nourriçon de la vieille Cibelle
 Assis au beau milieu de sa bande immortelle
 Qui couronne là haut son throsne triomphant,
 Ainsi le Roy clement qui maintient & deffend
 Tout son peuple subiect le courrant de son aile,
 Se voit presque adoré de sa troupe fidelle,
 Tant vn maintien royal va le cœur eschaufant
 Plus heureux n'est ce Dieu au ciel ou il domine,
 Plus tost n'est obeï Neptune en l'eau marine,
 Plus n'est en ses rochers Eole redouté
 Qu'en sa prouince vn Roy bienheureux se voit estre,
 Ou il tient recourbé son peuple sous sa dextre,
 Et comme vn Dieu au ciel en terre est écouté.

82.

Tant au bon Roy sied la douceur honneste
 Qu'elle le fait des peuples triompher
 Plus que l'accier, le cuyure ny le fer,
 Ny le canon desgorgeant sa tempeste.
 Qui enrichit d'Alcide la conqueste?
 Ce qu'on le vit les Monstres estoufer,
 Et non son bras porte-masse eschauffer
 Sur les humains à leur casser la teste.

Le renommé Osire se fit Roy
 De tout le monde, auquel il donna loy
 Par ses bien-faits & non par ses gendarmes.

O combien plus est fidelle & loyal
 L'homme veincu par vn bien fait royal
 Qu'espouuanté par la foudre des armes!

83.

Toute la republique est comme vn corps humain

Où le Roy (comme chef) au plus haut lieu commande,
L'aureille & les yeux sont l'obeissante bande,
Le pauvre qui se plaint pend ainsi que le crin.

La langue c'est la loy & les arts, puis la main
C'est la force acablant l'ennemy qui se bande,
Le simple laboureur est le pié qui demande

A porter tout ce corps, quand il va par chemin.

Les os sont la noblesse: & l'Eglise fidelle
Se tient tout au milieu, omme aux os la mouelle,
Et le reste au dedans c'est le sage conseil.

Le col amoureux ioint à ses subiects le Prince,
O bien heureux le Roy d'une telle prouince,
Et le pays heureux qui a Prince pareil!

84

SI à la cour de tous endroits l'on tire
Ambition & la faim d'aquerir
Ne font ainsi tant de peuples courir,
Mais la vertu qu'au Prince l'on admire.

Comme l'aimant à soy le fer attire,
Ainsi le bruit non suiet à perir
Du sage Roy, si bien le faict florir,
Qu'heureux se sent qui à luy se peut dire.

De ses subiects par tout il est suiui,
Et l'estranger du nom fameux rai,
Se met aux champs à course debridée.

Tel éguillon cette Royne pressa,
Qui tous les biens Arabiques laissa
Pour aller voir le grand Roy de Iudée.

85

UN seruiteur qui faict profiter le talant
Qu'il a premier receu de la main de son maistre,
En fin de compte heureux il se voit à sa dextre,

Où il prent pour loyer dix fois autant vaillant.

Je ne dy point pasteur celuy qui nonchallant
Quitte là son troupeau, il n'est digne de l'estre:
Mais ie dy vray pasteur celuy qui pour le paistre
Et le sauuer du loup iour & nuict est veillant.

O que c'est chose sainte & precieuse & rare
De se voir dignement orné de la Thiare,
Et auoir les tresors sacrez deuant ses yeux!

Heureux qui saintement tiët les clefs de saint Pierre
Puisque le ciel remet ce qu'il delie en terre,
Et ce qu'il lie en terre est retenu és cieux!

86

Bien que les vents ou la tempeste vienne,
Bien que l'enfer encor vueille orager,
Cela ne peut la maison saccager
Que le seigneur veut adouër pour sienne.

Bien que l'erreur heretique soustienne
Le fer meurdrir pour les saints outrager,
Si ne peut il l'Eglise en dommager
Nyl la priuer de sa gloire ancienne.

Le fondement ne peut estre arraché
Que dans le roc ce grand Dieu a caché
Auquel la terre & les cieux obtemperent:
Et qui pour ceux veut ses biens déployer,
Qui attendans vn eternal loyer
Deuotieux en sa loy perseuerent.

87

Astrée tant iadis caressa les humains,
Qu'elle fit avec eux tout le temps demeurance,
Que le miel nourrissoit de ce monde l'enfance
Et le lait qui couloit tout au long des chemins.

Elle voulant renouir les sieges souverains,

LE POURTRAICT DE LA
Deuint astre nouveau, telle fut l'ordonnance
Des Dieux, qui d'un costé pendirent la balance,
Et mirent le Lion à l'autre de ses mains.

Cette vierge nous est vn pourtraict de Iustice
Qui effroye non moins l'auteur du malice,
Qu'un Lion fait l'aigneau quand en sa gueule il cher.
Aux bien vuant elle est pucelle maniable,
Et pour egalement à tout estre equitable,
Elle a tousiours au poing le iuste trebuchet.

88.

QVand la reuolte ont les membres iuree
Contre leur ventre, & qu'un seul ne voudroit
Faire deuoir, comme s'entretiendroit
Ceste famille ainsi démesuree?
Le peuple épars dans l'espace murée,
Et les rampars flanqueZ en chaque endroit
Sans le Censeur, sans iustice & sans droit,
Ne feront point la cité de duree.

Lon va chercher vers les autels secours,
Et vers le iuge on a mesme recours,
Où le droit luit & l'iniure est punie.

Quand le peuple oit le magistrat puissant,
Et le iuge est aux loix obeissant,
O qu'heureuse est une telle harmonie!

89.

SOit que l'air corrompu decoche sans mercy
Le venein d'une peste ou la siebure brulante,
Soit que pour noz pechez la fureur punissante
Foudroye mille dards sur cette terre icy,

La douce main des Dieux qui de nous ont soucy,
Afin que la douleur ne soit trop violante,
Mille medicamens au besoin nous presente,

Donnant au mal soudain, soudain remede aussi.

Phebe avec ses rayons decouvre herbe & racine,

Et pour enseigner l'art secret de medicine

Renaissent chacun iour Esculape & Chiron.

Et peut le medecin cent fois heureux se dire

Quand fidelle & expert dans le corps il retire

L'ame qui voit deia les rines d'Acheron.

90

Que veux tu plus? ô creature ingrater)

Tu viens la terre accuser sans raison,

Qui douce mere en sa grande maison

T'a enfanté, te nourrit & reflate.

Quoy? as tu peur que le venein t'abate,

Ou que tu sois offensé par poison?

Cela ne sçent iamais vaincre Iason,

Ny l'ennemy des Latins Mitridate.

Tant mortel n'est du venein l'apareil

Bien qu'aprement le cueur il sache poindre

Qu'il ait trompé le prouide conseil:

Si l'Aconit & le poison qui nuit

Viennent de terre, elle aussi nous produit

(Tant nous cherit) ce qui les sçait esteindre.

91

Bien meincette iallit hors du premier tuyau

L'ondelette crespue, & s'en vient en lumiere,

Puis s'enfle en tournoyant & se fait grand riniere,

Chassant loin devant soy cent flots en vn monceau.

Lon fait bien peu de cas de l'enfant au berceau,

Ou quand le traîne encor enfance en la poussiere,

Mais quand l'age viril luy ouvre la barriere,

Lors se voit sa grandeur & ce qu'il a de beau.

L'estat, le megistrat, les affaires d'un Prince,

LE POVRTRAICT DE LA

Où le gouvernement d'une grande province

A son peuple le font cognoistre & admirer.

Ainsi ne se cognoist le bon arbre à la fueille

Ny à la belle fleur que pour plaisir l'on cueille

Mais au fruiet sauoureux que l'on en peut tirer

92

PLus aise n'est la Bercintienne

Vers ses enfans qui triomphent és ciensx

Plus n'est d'honneur en ses iours glorieux

De ses cent Bruz Herube Phrigienne.

Que de plaisir voit dans la maison sienne

L'homme qui a desia deuant ses yeux

Ses beaux enfans & ses petis neueux

Support futeur de sa vie ancienne.

Heureux qui voit sa femme en sa maison

Feconde ainsi comme est en sa saison

Le sep bruny du fruit qui nous recree.

Heureux qui tient ses mignars enfans

Autour de soy comme fait ses surgeons

La belle plante à Minerue sacree.

93

LA vieillesse au mur sens en tranquille repos

Voy de loin les perils ia passé de son age

Et les ieunes qui sont au milieu de l'orage

Des assaux furieux qui leur chargent le dos.

Ainsi le matelot qui encores dispos

A par force de bras euité le naufrage

Voit tempester la mer assis sur le riuage

Et ceux qui sont penduz à l'abandon des flots.

Comme sur son tableau fait luire la peinture

L'ouurier mettant icy la plus riche dorure

Et la moyenne là, & la moindre autre part.

Ainsi Dieu qui le but de nostre age termine,
 Pour chacun de nos temps ce qu'il faut determiné,
 Et comme il veut aussi chacun age depart.

94

Sept ans entiers à cent se vindrent ioindre
 Bornans les iours du sage Leontin,
 Qui au corps foible eut le cueur si hautain
 Que de vieillesse onc on ne l'ouit plaindre.

Si quelque fiebure (estant viel) te vient poindre,
 Si quelque mal te ronge l'intestin
 La ieunesse est par un mesme destin
 Envelopee en danger qui n'est moindre.

Si le beau teint de ta face est osté
 L'esprit diuin reluit d'autre costé,
 Comme un tresor dans la terreuse escorce.

Si d'un Milon tu n'as le corps puissant,
 Desirerois tu d'un Elephant la force
 Quand tu estois en age florissant?

95

Rome print sa grandeur & par destin fatal
 Et par le bon conseil de la vieillesse grise
 Qui trop mieux acheuoit une haute entreprise
 Que du soldat armé, le fer ny le metal

Point ne sauue la nef celuy du fortunat,
 Qui court sur les brancars qui la sentine epuise
 Qui grimpe sur le mast qui la Rambade a prise,
 Mais le sage Pilot qui tient le gouuernal,

A l'homme viel est propre une meure prudence,
 Mais la iunesse fole est pleine d'arogance,
 Et par raison ne sçait son conseil mesurer.

A son dam éprouua l'un des Rois de Iudee
 En quel hasard sont ceux qui veulent s'assurer

LE PORTRAICT DE LA
Sur les ieunes, laissans la vieillesse ridee.

96

LA mort (dy tu) nostre vieillesse étonne,
Voire? & le iune est-il seur de se voir
Iouir de l'air du matin, iusqu'au soir
Exempt du fer de la Parque selonne?

O douce mort! qu'à celuy tu es bonne
Qu'un monde vain ne sceut onc decevoir,
Et qui par toy est assuré d'auoir
Ce qu'éternel aux bien-heureux se donne.

Comme vn fruit meur tombe de son plein gré,
Vieillesse chet de son dernier degré:
Mais la mort est au iune violente.

Cettuy cy croit qu'il viura longuement,
L'autre a vescu avec contentement
Et ne pend plus à la trompeuse attente.

97

Tous les hommes sont mis ainsi que locatif
Sur cette terre ici où Dieu les laisse viure,
Non afin que le monde ou la chair les enyure
Ny les autres plaisirs tant soyent ils attractif.

Mais pour leuer au ciel leurs yeux contemplatif
Reuerer le grand Dieu & sa sainte loy suiure,
Qui les fait immortels mieux que l'or ny le cuiure
Es deuotieux, estre aux saints labours actifs.

Puis quand cet Empereur tout-puissant les rapelle
De ce monde caduc à la vie immortelle,
Il faut au mandement sacré se disposer.

Alors l'ame s'enuole en ioye nompareille,
Et afin que le corps à son aise sommeille
Il va dans le tombeau doucement reposer.

Plus grand plaisir n'a celuy qui chemine
 Batant le plain & le haut du rocher.
 Que quand il peut la limite aprocher
 Qui sa maison de bien pres luy diuine.

Plus grand soulas n'a cette ame diuine
 Qui son plaisir icy ne peut chercher,
 Que de voir pres ce qu'elle tient si cher
 Que luy promet la maison cristaline.

O iour heureux & du vray bien suiuy
 Quand lon se voit au beau palais rany
 Pres de son Dieu au milieu de ses Anges!

Heureux mortels ! tends à ce repas,
 Où paruenus, qui rendroit en eschanges
 Cent mondes tels, vous ne les voudriez pas.

Ouvrage ne fut onc plus parfait sous les cieux
 Que l'homme iouissant de la sainte innocence
 Qui premier luy donna generale puissance
 Sur tout ce qui se ment au monde spatieux.

L'aduersaire maudit d'un tel bien enuieux
 Cautement rauissant la premiere excellence,
 Le fit serf de la mort (par vne lourde offence)
 Et des maux, compagnons de son fait vitieux.

Mais quoy? Dieu ne permit que la trope bannie
 Des humains, vit tousiours cette aspre tyrannie,
 Ains pour la reprimer commit son cher enfant.

Luy bien tost par sa mort, de la mort se vit maistre,
 Fit en nouveau bon-heur tous les hommes renaiistre
 Et deferma les cieux où il est triumpant.

Dieu tout-puissant, le seul Dieu que j'adore

Et seul autheur de ce grand vniuers
Qui seul conduis ses mouuemens diuers
Brunis Vesper & reiaunis l'Aurore,

Qui entretiens toute essence, & encore
Qui a les flancs de la terre couuers,
Dieu à qui sont tous secrets descouuers
Iusque aux enfers où mesme lon t'honore.

Qui de tes mains as composé & faict
L'homme qui est ton chef-d'œuvre parfait,
A celle fin qu'à iamais il te louë.

Laisse ramper au bas de ton autel
Ces petis vers indignes d'honneur tel,
Qu'à tes saintes pieds (Dieu eternal) ie vouë.

F I N.





O D E

A NOBLE ET PVIS-
SANT SEIGNEVR, MESSIRE
FRANCOIS GIRARD: CHEVALIER
de l'ordre du Roy, seigneur de Che-
uenon, Sermoise, &c.

Par François Perrin Autunois.

IL faut, ma mignonne Thalie,
Qui la sainte liqueur
Verses de ta douce folie
Pour m'enyrer le cueur,

Il faut que doucement tu tentes
L'ame de Cheuenon:

Il faut belle, que tu contentes
De tes sœurs le mignon.

Parmy l'histoire ne t'esgare
De ses nobles ayeux,
Car il faudroit suivre Pindare,
Ou dire encores mieux.

Mais dy que la France est heureuse
Mere de tels enfans,
Par qui elle est victorieuse
Et ses Rois triumpfans.

57
Dy que dextrement il manie
Les fiers outils de Mars,
Et que les armes il marie
Braue, avecque les ars.

Dy tou'es les vertus encore
Que le ciel met en luy,
Plus que n'auoit enclos Pandore
Des biens dans son étuy.

Maudite soit l'affre fortune,
Cause (helas) que ie voy
Tant, tant de fois torner la lune
Cheuenon, loin de toy.

Pren ce petit liure & le garde
Qui chante mes regrets,
Comme iadis tu pris en garde
Mes intimes secrets.


Puisse-ie un iour ta gloire acquise
Decocher si auant,
Qu'elle v'le de la Tamise
Iusqu'à l'œil du Lenant.

Puissent les sœurs & les Charites
(Cheuenon) te plier
En un rond, comme tu merites,
L'hyerre & le Laurier.

74

MONIMENS DE PLUSIEURS

antiques citez, & nōmément d'Autun, iadis
la plus superbe des Gaules. Exēple vray de
l'inevitable mutation des choses humaines.

 I DE la courbe faux les outrageux tran-
chans
Ont razé ton orgueil, & mis à fleur des
champs

Tes thermes & tes arcs (Autun) ie ne m'etone,
Car ceux qui ont domté le camp de Maratone,
N'ont pas domté pourtant, par la fureur du fer
L'age, qui de leurs murs est venu triompher.

Contre tel ennemy assez ne furent fortes
Thebes, qui se fermoient aux verroux de cent portes.
Mille monceaux pierreux par les champs sont espars,
Sur lesquels Ilion éleuoit ses rampars.

Birse, qui fut planté sur le chef de Cartage,
S'éclatta par morceaux, ataint de tel orage.
Corinthes aux deux ports, & l'Empire Latin
Furent sinablement des siecles le butin.

Mile & mile citez, qui eres sont en poudre,
N'ont sceu fuir le heurt de la brillante foudre,
Qui leur a fait sentir telles mutations
Quand plus elles s'ensloyent en leurs perfections.

Mais ie suis étonné de tant d'hommes qui furent
Tesmoins de tes beaux iours, & dans tes murs vescurēt
Dessus tous les Gaulois en honneur florissans,
Faisans mordre le frein à meints peuples puissans,
Qui sont allez là-bas aux bords Letheans boire,
Sans nous laisser de toy ny d'enx-mesmes memoire:
Qui (du moins) ait le charme obliuieux vaincu,

LE POVRTRAICT DE LA
Pour nous monſtrer qu'ils ont aueques toy veſcu.
Ainſi les flots eſmeus, quand de l'abiſme ils ſortent,
Vont menaſſer le ciel des grands cornes qu'ils portent,
Puis eſtans renfoncés dans leurs antres reclus
Pour baigner les Tritons, lon ne les reuoit plus.

Je ne croy pas, Autun (quoy que telle on te vante)
Que tu ſois vraye ſœur de Rome triumpante:
Ou ſi tu fus ſa ſœur, nature, pour le moins,
Vous deuoit departir ſon bien d'eſgales mains.

Sur toutes les citez Rome eut bien cette grace
De voir ſes flancs chargez de tant heureuſe race,
Que les ſaincts monimens de ſa poſterité
Rechantent tous les iours ſa noble antiquité.
Ses enfans immortels cette heureuſe matrone
Reguindent tous les iours au plus haut de ſon throne,
Non point leurs os poudreux ſous la terre couuers,
Mais les eſprits diuins qui viuent dans leurs vers:
Et maçonnerent les mains de ces ames diuines
Ouurages tous nouveaux, ſur ſes vieilles ruines.

Mais (ah ſterile ſœur!) ores bien peu te ſert
Le vieil plant de tes murs vaſte comme vn deſert,
Qui mere, n'aſ ſceu voir vn ſi heureux lignage,
De tant de beaux neveux, eſcheoir en ton partage,
Par qui touſiours ta ſœur nouvelle ſe refait,
Pendant que ton orgueil alenty ſe deffait,
Et charge tes enfans, tapis dedans la cendre,
Qui avec eux t'ont fait ſous la terre deſcendre.

O maratre nature! & maratre es tu bien
D'auoir ainſi party iniuſtement ton bien,
Eſtant à l'une ſœur tant auare & tant chiche,
Pour de tes beaux theſors laiſſer l'autre ſi riche!
De deux greſſes ainſi qu'un meſme arbre produit,

L'une seiche en l'étoc, & l'autre faict du fruit.

Ainsi donques le marbre, & l'ynoire & l'albatre,

„Et le tresor moisi qui fit Cresse idolatre,

„Et le fer & l'acier de noz bourreaux cruels,

„En ce monde pipeur ne sont perpetuels.

„Pour auoir en longueur la terre dechiree,

„Pour planter le rampart sur la fosse murée,

„Pour auoir démembré les grands rocX en quartiers,

„Pour auoir sur les monts mis les monts tous entiers,

„Et pour enter le bois dedans la pierre dure,

„Certe on n'enite point de l'oubly la rouillure!

Tes grands monceaux pierreux le nous font éprouuer

Autun, dont lon ne sçait l'enfance retrouver:

Et ne sçait on aussi si l'ire fraternele

(Comme du viel serpent la semence cruelle

Iadis se dechira sur les plains Etéans,

Et les fils de ta sœur aux champs Emathéans)

T'a outragéusement en ce point dissipee,

Ou si c'est la fureur de la Gotique epee,

Ou si l'ire du ciel, ou si t'a le rocher

Qui t'auoit sur son dos ainsi faict trebucher.

Bref le gouffre oublieux, qui dedans soy te plonge,

Te presente à noz yeux comme vn phantosome en songe,

Qui sans voir d'où il vient nous trouble ou resioit,

Puis se pert, sans sçauoir comme il s'esuanouit.

Que ne tien-je en ma main la harpe qui premiere

Doux sonnante, anima la pierreuse carriere,

Et trainoit apres soy les cailloux enchantez,

Dans le parc où les murs Thebains furent plantez?

Je te rebastiroy vne neuue closture

Sur les bords où d'Arronx la belle onde murmure:

Tes bouleuers épais, & tes superbes tours

LE POVRTRAICT DE LA

Dès nues hurteroyent les recourbez seïours.
La terre en se creuant de rendre seroit preste,
Tes palais, qui viendroyent au iour leuer la teste,
Lambriffez de fin or & de rares metaux.

I'esleueroÿ en l'air l'orgueil de tes portaux,
Enflant le double front du double fenestrage,
Qui encor n'a cedé à la fureur de l'age:
Duquel l'euvre Doric (tant est audacieux)
Est vn patron naïf aux plus industrieux,
Et tout rongé qu'il est, leur sert encor d'exemples.
Ie chasseroy en l'air le sommet de ces temples
Où estoient Iupiter, Mars, Mercure & Ianus,
Et ceux qui ont laissez leurs fondemens tous nus.
La plume me seroit le compas & l'equierre,
Et le liure immortel, le ciment & la pierre:
Le liure qui s'opose au temps iniurieux,
Et qui du monde épars te guinderoit es cieux.

Que ne scay-ie toucher cette lyre diuine
Qui faict pancher le front à la belle Gatine,
Pour laquelle escouter ses tropelets le Loir
Eperdument rauï, met tous à non-chaloir?
Ie chanteroy (Autun) ta premiere naissance,
Et purgeroy l'écueil de ta poudreuse enfance.

Ie chanteroy comment Hercule qui domta
La monstrueuse horreur, de ses mains te planta.
Ie chanteroy encor, si i'auoy cette grace,
Samotes qu'on maintient vray autheur de ta race.
Ie chanteroy les Dieux tesmoins de ton renom,
Qui à tes nouueaux murs vindrent donner le nom.
Ie chanteroy comment de commencemens fresles,
Peu à peu tu dressas le chef vers les estoilles.

Comme le ruisselet d'un couteau sourçoÿant
Tranche le vert des prez lentement tournoyant,

Puis tantost il reçoit l'égout d'une fontaine,
 Un ruisseau dans son sein & un autre se traine,
 Tantost le dos d'un mont precipite un torrent,
 Qui fendant le rocher vers luy s'en va courant,
 Ou tantost Orion luy lance une lauasse,
 Si bien que peu à peu tant grand' force il amasse,
 Qu'enflé & furieux des plains il se fait Roy,
 Et chasse en un monceau mille flots devant soy.
 Ainsi quand tu congnus par ta dextre indomtee,
 Une ville & puis une & une surmontee
 Tu compassas si bien peu à peu ta rondeur,
 Que presque elle égalloit la Romaine grandeur,
 Et lors tu fus la sœur de Rome, & tes fils eurent
 Cet heur, que les Romains pour freres les receurent.

Je diroy' le coutau des Druides sacré
 Interpretes des Dieux, & des diuins secrets:
 Tes trois cent Senateurs à la perruque grise,
 Prouoyans sagement à chacune entreprise:
 Tes autres officiers, ton élu Vergobret,
 Qui auoit & de vie & de mort le decret:
 Magistrat pour un an seulement, ainsi comme
 Estoit le consulat annuel dedans Romme.

Je feroy' de nouueau un siege de ma main,
 Pour assoir tes legats dans le senat Romain.
 Je diroy' les cheuaux, qui sous tes Capitaines
 Eparpilloyent d'Arroux les menues areines.
 Ou ie viendroy' dresser dedans ton champ de Mars,
 Les furieux scadrons de tes vaillans soldars.
 Leurs corcelets grauez, leurs morions à creste
 Sembleroyent aux éclairs sortans d'une tempeste:
 Leurs courages seroient cent fois plus alumez,
 Que de ceux qui s'estoient contre Illion armez:

LE POVRTRAICT DE LA

Et marchans en ce point, d'une fureur subite
Ils romproient l'ennemy, & le mettroient en fuite,
Renuersans deuant eux les barbares Germains,
Comme faict vn faucheur l'herbe dessous ses mains.

Ie les mettroy' encor en bataille rangee
Pour te vanger Autun, quand tu fus outragee
Par vn nombre infiny d'arme^z Heluetiens,
Qui trouuerent leur mort aux champs Bibractiens.
La, là les Autunois, en rompant les batailles,
Cacheroyent leurs tranchans au profond des entrailles
De ces voleurs hardis: mais alors effroye^z
Voyans de tous endroits leurs scadrons foudroye^z,
Ainsi qu'au plain des champs lon voit les colombelles,
Quand l'aigle en tornoyant s'en vient fondre sur elles.

Que veux tu plus Autun? Ie te feroy' encor
Renaistre heureusemene en vn beau siecle d'or.
Ie te feroy' marcher maistresse de la Gaule,
Où Seine va hurtant mille flots de l'espaule.
Ie n'en seueliroy', comme ont faict tes enfans,
Au ventre de l'oubly tes beaux iours triumpans:
Ains ie feroy' errer, encores vagabonde,
Ton idole sur terre & sur les flots de l'onde:
Et par moy hardiment reuiure tu pourrois,
Pour durer tant qu'en France on parleroit François.
Mais comme le metal enfoncé dans son antre,
La terre te retient au secret de son ventre,
Et ie n'ay les outils pour tirer du tombeau
Ce que iadis les Dieux te donnerent de beau.

Comme on voit naistre aux champs vne flamme legere,
D'un bien petit de feu que la fole bergere
A laissé par mesgarde, au chaume craquetant:
Et ses ondes lancer au ciel en apointant,

Quand du bois sec prochain elle s'est fait puissante,
 Puis faillir peu à peu. & tomber languissante:
 Ainsi (las!) ton orgueil en haut dressa le chef,
 Puis vint cheoir en mépris: & croy que de rechef
 Tu t'en veux retourner en ta premiere pouldre,
 En quoy ie voy desia tes gros membres dissouldre
 „ Mais que voyons nous (las!) sur la terre florir,
 „ Si non tout ce qui doit finalement perir?

Si est-ce que voyant tant de beaux frontispices
 S'enfler dessus le dos de tes vieux edifices,
 Et quand ie voy fouiller tes vieux murs tous les iours
 Pour rebastir tous neufs tes antiques seiours,
 Ie dy que ton Daimon, d'une sainte secousse,
 Encor une autrefois en lumiere te pousse:
 Qui faché de se voir si long temps assommé
 Sous ce grand corps poudreux, le veut rendre animé
 Ainsi que le ruisseau dessus sa rive fresche,
 Anime la verdeur d'une souche ia seiche:
 Ou (comme a fait son fils le pere iupiter)
 Pour la seconde fois il te veut enfanter.

Regrets de François Perrin.

A Pres vn cruel orage,
 Le naucher dessus le port
 Pense à l'horreur du naufrage,
 Et panche vn triste visage
 Sur l'ais qui l'a mis à bord.

Ainsi, Autun ma mignonne,
 Et qui m'as fait voir le iour,
 A ton briez mes pleurs ie donne.
 Et à cela qui couronne
 Ton plus antique seiour.

En soupirant ie deplore

Ta ruine par mes vers,
Tant d'hommes puissants encore
Que l'age qui tout deuore
Sous tant de murs à couuers.

Quand ie voy de la charrue
Le soc fiché bien auant
Au champ, où le bouuier sue,
Qui souloit estre vne rue
Bien peuplée, au par-adiuant:

Ou bien quand le fer érroule
Vn edifice marbrin,
Ou que l'ouurier à l'empoule,
De quelque pierre qu'il roule
Dans vn antre sousterrain:

Quand ie voy à la Dorique
Cent piliers en terre épars,
Autant à la ionique,
Et plein vn vase à l'antique
De monnoye des Césars:

Bref quand ie voy ton audace,
Et de tes hommes les os
Parmy l'écueil & la carisse,
Tous ensemble en vne masse
Telle que du vieil Chaos.

Ah pauvres ombres poudreuses
(Di-ie à part moy) que vous sere
D'auoir basti orgueilleuses,
De vos mains laborieuses,
Ce qui n'est plus qu'un désert?

puis qu'avec le temps n'eut trene
Cecy qui estoit si fort,
La mort ne doit estre greue

A nous, de qui l'heure breue
Ne peut contre tel effort.

„ Soit que le beau soleil sorte
„ De son palais limité,
„ Soit que l'ardant char le porte
„ Ou Doris ouvre la porte,
„ Il ne voit que vanité.

Ta Pyramide qui monte
D'un artifice subtil
Vers le ciel, n'est plus qu'un conte,
Bien qu'en tout elle surmonte
Les hautes pointes du Nil.

Mais qu'est-ce que ie veux dire?
Suis-je ravy hors de moy?
Qu'est-ce (Autun) que ie soupire?
Quel Daimon si loin me tire,
Et me fait parler à toy?

Hé! cest amour qui enchante
Moy & mon vers animé,
Et qui tousiours me presente,
Bien qu'esloigné il me sente,
Ce qui n'est le plus aymé.

Pour l'absence de sa dame
Le pauvre amoureux transi
Mille fois le iour se pame,
Mille fois resousfle l'ame.
Mille il la rehumme aussi.

Puis il anime les rochers,
Les fontaines & les bois,
Et les montaignes plus proches,
Qui remuglent aux reproches
De sa lamentable voix.

REGRETS DE

L'auengle archerot qui vole

Et le plus puissant des Dieux

Si éperdument l'afole,

Que de son torment l'idole

Est tousiours deuant ses yeux

Telle est l'ardente estincelle

(Autun la moitié de moy)

Qui surette ma mouelle,

Et d'une façon nouvelle

Me met tousiours deuant toy.

C'est cela qui me fait suiure,

Trompant les trop longues nuités,

Les vers, la plume & le liure,

Asin que mon chant enyure

La rigueur de mes ennuis.

Ainsi le rustic enchante

(Recourbé à la moisson)

De la faucille mordante,

Et de la saison ardante

L'ennemy par quelque chanson.

Cent & cent fois soit manditée,

Et mille, s'il est besoin,

Cette fortune depite

Qui fait or' que ie te quite

Pour l'aller chercher si loin.

De voir le grand Pirenée

C'est beaucoup: & plus auant.

Voir l'Atlantique echinee

Voir l'Affrique bazanee

Et tout l'honneur du Leuant.

„ Mais ô qu'heureuse est la vie,

„ Qui en l'extreme saison

„ De tel soucy n'est suivie,
„ Qui peult encor sans enuie
„ Vieillir dedans sa maison!

Le pensoy' pour faire eschange
(Mais qui n'attend tousiours mieux?)

De mon nic à vn estrange,
Gagner butins & louange,
Et marcher au rang des Dieux.

„ Mais ceux qui ont rencontree,
„ Cherchants tels auancements,
„ La rouge mer Eriihree,
„ Ont bien changé de contree
„ Et non pas d'entendement.

Je fui par mer & par terre
Pauvreté qui suit mes pas,
Mais en quelque part que i'erre
Le malheur me fait la guerre
Las, & ie ne le fui pas!

Quand l'estoile ciprienne
Defferme l'huïs du matin,
Et quand la Saturnienne
Tient la beauté Delicenne
Dans son giron argenté.

Autun, Autun ie t'apelle
Autun, que ne responds tu?
Respon donc, mere cruelle:
Econ qui oit ma querelle
Respond bien du roc pointu!

Pour tes troupeaux tu vois naistre
L'herbe par tous les quantons:
Mais las, ie vay au loïn paistre!
Si ne pense-ie pas estre

LE PORTRAIT DE LA
Le pire de tes moutons.

Las! on est fui le bel age,
Qui d'un ieune coton roux
Me coloroit le visage,
Et me tiroit au riuage
Du doux murmurant Arroux?

Là, quand l'Aurore pourpree
Auoit à plain descouuert
L'honneur d'une belle pree,
P'alloy' iusqu'à la vespree
Iouer sur le tapis vert.

Puis au rayon de la Lune
Mon petit tuyau rural,
En messprisant la fortune,
Esgayoit la nuit plus brune
De quelque chant pastoral.

Des fontaines babillantes,
Et du cristal des ruisseaux
Venoient les Nymphes gaillardes,
Les Oreades mignardes,
Et les Déesses des eaux.

Qui sur la rine congneuë
Leurs caroles commençoient,
Et dessous leur plante nuë
S'esleuoit l'herbe menuë
Ce pendant qu'elles dansoient.

Mais maintenant cette bande
Qui me suiuoit iour & nuit,
Et d'une œillade friande
Estoit prompte à ma demande
Comme estrangere me suit.

Puissent du Dieu que j'adore

Tel heur recevoir mes yeux,
Que ie puisse voir encore
Ce lieu, que de loin i'honore,
Où vescurent mes ayeux.

Et dans sa rondeur ouuerte
Porter ma blanche toison,
Comme le fils de Laërte
Après vingt hiuers de perte,
Au foyé de ma maison.

Pendant Arroux, qui sans cesse
Regaillardis de ton bruie
Autun ma chere maistresse,
Flate tousiours & caresse
Pour moy son ample circuit.

Ainsi s'enrichisse & dore
Ton riuage des couleurs
Que le bien aymé de Flore
Empruntera de l'Aurore,
Escrites dedans les fleurs.

V'estus d'une neufue écaille
Tes tropelets te suiuront.
Baisants l'antique muraille
Qui de la dure bataille
Porte encor la marque au front.

Moy (si la trope diuine
Me daigne favoriser)
Ie chanteray un bel hymne
Autun, sur cette ruine
Qui se fait encor priser.

D'une main encouragée
Tu me verras retrancher
Les buissons qui l'ont chargée,

R E G R E T S D E

Et l'ayants par tout rongée
Tachent à la nous cacher.

Lors tout ce diuin ouurage,
Tout aymé des vieux Rommains,
Reprendra nouveau visage,
Qui durera d'age en age,
Par le travail de mes mains.

Bien heureux soit le lierre.
Et bien heureux derechef,
Qui vient ramper hors de terre,
Et de ses grands bras qu'il serre
Luy vient couronner le chef!

Ses grapelettes grenues
Y renaistront chacun an
Parmy les fueilles menues:
Et les verra toutes nues
L'amiable Subsolan

Dans l'éternelle verdure
De bonne grace rira,
comme en l'azur la dorure,
Des fleurs la vifue peinture
Que ma main y plantera.

Puis mes clissées corbeilles
Y viendront verser le lis,
Et des roses plus vermeilles
O Phebus, que tu soleilles,
Les yeux freschement cueillis.

Et de l'encens de Sabée
Fumeront les saints autelz,
Qui à l'heure acoustumée
Pour toy, Cité bien aymée,
Prendront mes vœux annuelz.



PETITS POÈMES DVDIT
PERRIN.

A Monseigneur de Cheuenon Cheualier
de L'Ordre.

Sonnet.

EN écrazant les monstres contrefaits
Dessous les nœuds de sa pesante masse,
Hercule au ciel alloit gagner sa place
Semant icy le bruit de ses hauts faits.
Tels ont esté (Cheuenon) les effaits

De ta vertu, quand ayant la cuirasse,
Braue, tu as dessous ta coutelasse
Nombre infiny de rebelles deffaits.

Sus donc, poursuy, car ta gloire acheptee
N'est au plaisir d'un bourreau Euristee,
Comme la sienne Alcide alloit suyuant:

Mais pour l'honneur, Et pour la foy promise
A Dieu, au Roy, aux tiens & à l'Eglise,
Qui te rendra apres la mort viuant.

A luy mesmes.

IE ne tiens pas les masses Mydiennes
Ny le thresor du riche Lidien,
Je n'ay en main des Arabes le bien
Ny la valeur des perles Indiennes:

Ces petits vers sont les richesses miennes
Que ie reçois du sonneur Cynthien,
Et du troupeau sacré Castalien,
A celle fin que ie les face tiennes.

Donc elles vont à toy se desdier,
Non point (seigneur) pour ton bien mendier,
Trop honteuse est la muse que i'honore :
Mais s'il te plait quelque chose donner,
Tu entendras comme sçait bien sonner
Mon petit Luth, quand vn present le dore.

De la cité de Neuers.

On dit que Iupiter fit fendre son cerueau
Pour enfanter Palas la guerriere pucelle,
Puis dans les bras d'Iris fit apporter la belle
Sur la terre, pour estre vn miracle nouveau:
Mais (Neuers) Je maintien que le mesme couteau
Qui entama du Dieu la sacree ceruelle,
Te fit sortir de là aussi toute nouvelle,
Pour nous monstrier encor vn ouurage plus beau.
Sous le harnois gravé & morrion à creste
Les sciences tenoit la vierge dans sa teste
Coulans comme Nectar dessus ce monde espars,
Ainsi pour t'oposer aux mutines alarmes,
Tu as pris ton pavois, & tes cliquantes armes
Soubz lesquelles florit la iustice & les artz.

A elle mesmes.

Quand bien lon ne liroit sur le frond de mes vers
Ny le rempart espais, ny la braue closture
Que Loire vient flatter avec vn doux murmure,
Ny la grandeur encor, ny l'honneur des Neuers,
Son renom ne lairroit à fendre le trauers
De l'espace vuidé par vne sente sure,
Et mesprisant du temps les tranchants & l'iniure,
Sur les aïles du vent voller par l'vniuers.
Mais pour chasser au loin d'un lourd ingrat le vice,
Je veux que ton beau nom (ma seconde nourrice)
Tienne de mes pourtraits tousiours les plus beaux lieux:
Pren donc ce petit trait (Neuers) que ie decoche,
Qui (s'il plait aux neuf sieurs de la iumelle roche?)
Vn iour te gundera vers le seiour des cieux.

Vœux aux Muses.

Escoutes saintes pucelles,
Qui sur le tertre iuméal
Divines & immortelles,
Vous mires dans le ruisseau,
ou blanchit le beau cristal
Que fit sortir le cheual:

Si vous adressez ma course
Au copeau de vostre mont,
Et si me met vostre source
Le Laurier dessus le front,
Bref si des autres sacrez,
Vous me monstrez les secrets:

A vous, ô compagnes saintes,
Mes hymnes continuels,
Et au Roc qui a deux pointes
Seront presents annuels:
Tous les ans sera Perrin
Vostre deuot Pellerin,

De Laurier & de verdure,
De lys fraîchement blanchis,
Voz autels dont l'honneur dure
Par moy seront enrichis:
Cela sont (Muses) les vœux
Que presenter ie vous veux.

François Tauerny Nivernois à, François
Perrin Autunois. Sonnet.

Pour deplorer des humains les malheurs
Plus n'est besoin que reuienne Heraclite,
Et plus ne faut que vienne Democrite
Changer en ris l'amer de tant de pleurs.

Ton seul pourtrait peinct de mille couleurs,
Autant qu'eux deux, ce me semble, merite,
Ou nous voyons nostre vie descripte
Cause & des ris, & des aygres douleurs.

Mais par cecy que tu mets à la veüe,
Sur tous les deux la victoire t'est deuë,
De ce (Perrin) vanter tu te peux bien:

Car ils n'ont dit que le vice des hommes,
Et les malheurs de ce monde ou nous sommes,
Mais tu nous peincts & le mal & le bien.



Fautes suruenuës en l'impression de la
premiere Centurie.

Son. 2. lig. 10. lisez Chœur. Son. 4. lig. 3. lisez trœuue.
Son. 5. lig. 11. lisez decœuure. Son. 7. lig. 3. li. poidz. Son.
13. lig. 2. li. premiers. Son. 22. lig. 14. li. pas, pas à pas. So.
25. lig. 4. li. dōnantz. Son. 37. lig. 10. li. argété. Son. 47.
lig. 6. li. sceur. Son. 49. lig. 6. li. semont. Son. 54. lig. 5. li.
chefz qu'il. Son. 57. lig. 7. li. Synon. ibidé. pour deuâcer
li. retirer. Son. 64. lig. 13. li. &. Son. 80. lig. 9. li. derrier.

Seconde Centurie.

Son. 16. lig. 6. peche pour Persé. Sô. 18. lig. 5. ventré pour
ventre. Son. 40. lig. 5. vestus pour vertus. Son. 43. lig. 11.
l'oscine pour boscine. Son. 53. lig. 5. li. daymon t'a. Son.
56. lig. 9. li. rouillé. Son. 60. lig. 1. li. verger. ibidé. lig. 4.
li. subit. Son. 63. lig. 3. li. est. Son. 65. lig. 12. li. ainfi. Son. 70.
lig. 4. li. main gauche y frape. Son. 72. lig. 12. li. sentârs.
Son. 73. lig. 6. li. bouillant. Son. 80. lig. 6. li. vaincroit.
Son. 81. lig. 7. li. est. Son. 91. lig. 2. li. voy tant. Sonnet
dernier lig. 2. lisez tout la.

Troisiesme Centurie.

Son. 19. lig. 2. li. s'eprouuera. Son. 32. lig. 6. li. possesseur.
Son. 57. lig. 8. li. des pour de. Son. 61. lig. 10. li. couure.
Son. 62. lig. 6. li. n'eust. ibidem. lig. 13. li. Chœur. Son. 92.
lig. 3. li. n'eut. Sonnet dernier lig. 6. li. as.

Aux Regrets.

fo. 77. pag. 2. lig. 22. li. crasse.





POUR
LA
HUM

